



8

4-E

30



Ex Bibliotheca
Majori Coll. Rom.
Societ. Jesu

~~81-4-13~~

~~81-D-12~~

~~8-4-E-30~~

L

494

Proibito

P. RAMI, REGII
ELOQVENTIÆ ET

PHILOSOPHIÆ PRO-
fessoris, liber de moribus
veterum Gallorum,

AD

CAROLVM LOTHARINGVM
Cardinalem.

*Biblioth.
Coll. Rom.*



*Sci.
Soc. Roma*



PARISIIS,

Apud Andream Wechelum, sub Pegaso, in
vico Bellouaco: Anno Salutis

1559.

Cum privilegio Regis.



PRIVILEGII SENTENTIA.

CAutum est auctoritate regia, nequis alius præter Andream Wechelum, iuratum in alma Parisiensi Academia Librarium hunc P. Rami librum de moribus veterum Gallorum, ad Carolum Lotharingum Cardinalem, ante decennium ab æditione proximum, in hoc Francorum regno imprimat, néue alibi impressum vëdat. Ac si Regij diplomatis sentëntia operis initio præfigatur, finie postponatur, vt omnibus clarum, notum, indictum habeatur. Secus qui faxit, & libris ipsis, & mille librarum Paris. multa pœnas pendito. Datum Rhemis, Regio consensu subsignatum. Do. Villamoro supplicum libellorum magistro præsentē. 3. Id. Iun. 1557.



P. RAMI, REGII
ELOQVENTIÆ ET

PHILOSOPHIÆ PRO-

fessoris, liber de moribus
veterum Gallorum.

AD

Carolus Lotharingum Cardinalem.

IN T E R E A
(M E C O E N A S)
dum grauissimis
bellorū curis oc-
cupatus pro fra-
tris victorijs cōsilio & pruden-

ã ij



tia faustum & felix velut auspi-
 cium facis, musæ quoque no-
 stræ (quod fortasse risurus es) e-
 tiam in vmbra & otio, belli-
 cum tamen nescio quod studi-
 um amauere. Prælegi professi-
 one publicâ è Cæsaris Com-
 mentarijs præcipuòs, reliquos
 priuato studio perlegi, simili-
 umque generum locis compa-
 randis, quædam mihi præter il-
 lum prælectionis quotidianum
 fructum, separatim decerpen-
 da proposui: Huius igitur vbe-
 rioris prouentus testes duos ad
 te mitto, alterum de moribus
 veterum Gallorum, alterum de
 militia Cæsaris: prior iste ma-
 iorum

iorum patrúmque nostrorum
 vitam, prælia, disciplinas, reli-
 giones, iura Rerumpub. & le-
 ges commemorabit, auiorúm-
 que illorum memoriám tibi
 quidem non ignotam (qui fon-
 tes vnde hausimus, per te ipse
 nosti) sed tamen (vt spero) re-
 cordatione ac renouatione co-
 gnitionis & scientiæ non in-
 iucundam studiósè & explica-
 tè recensebit. Amo patriam,
 sicuti debeo, eiúsque præclaras
 laudes illustrari celebraríque
 maximè cupio: argumentum
 eruditis ingenijs gratissimum
 & imprimis propositum: sic à
 Græcis Græciam, Italis Italiam

cæterisque nationibus patriam
 laudibus ornatam, edita moni-
 menta declarât. Equidem mo-
 ralem istam patriæ historiæ cõ-
 mentationem ad extremæ se-
 nectutis solatium mihi refer-
 uaueram, sed interim quod vl-
 trò Cæsar obtulisset, despicien-
 dum non putavi: Itaque si va-
 cabit, Cæsarianum hunc non
 potius diligētiae nostræ testem,
 quàm præconem de veterum
 Gallorum moribus prædican-
 tem audies. Vale, Lutetiæ è
 Prælleo nostro, quinto Idus
 Decembris. 1558.







P. RAMI, REGII
ELOQVENTIÆ ET

PHILOSOPHIÆ PROFES-

*oris, liber de moribus vete-
rum Gallorum,*

AD

Carolum Lotharingum Cardinalem.



ALLIA quondam
Rheno, Alpibus, mari
Mediterraneo, Pyrenæis
montibus Oceanôq; clau-
debatur: superatis enim
Alpibus, Gallia ad Rubi-
conem perpetuo Apenni-
ni iugo Superoque mari
postea facta est, sicut Asiatica Galatia superatis
Asiæ populis: Europæ itaque Gallia Alpibus
medius in Vlteriorem & Citeriorem diuisa est:

A



P. RAMI LIBER

Illa nobis Vltior, Togata, tanquam Romana à Romanis ipsis dicta est: Citerior ab iisdem partim Bracchata partim Comata. Bracchata Iulij Cæsaris tempore Alpibus, Rhodano & citrà Rhodanum, Pyrenæum versus, Volcis, Aremoricis, Rhutenis, Heluiis comprehendebatur, vt è septimo Commentario percipi potest. Hæc Gallia, modò Prouincia, modò Narbonensis appellatur. Comatam incolût Aquitani, à Pyrenæis mōtib⁹ ad Garumnam, deinceps Celtæ ad Sequanam & Matronam, reliquos omnes ad Septentrionem fines Belgæ obtinent. Quibus verò moribus & institutis antiqua Gallia ad Iulium vsque Cæsarem: quibus deinceps noua ad nostram ætatem steterit, magna ac difficilis quæstio fuerit, si quis accuratam tēporum omnium historiam desideret: At si quis eā diligentia contentus erit, quæ res idoneis auctoribus & fide dignis testatas generatim demonstrat, non iniucunda fortasse legenti, nec illiberalis oblectatio fuerit. Hac igitur conditione atque lege, Galliæ mores è variis scriptoribus, sicuti rerum dispersarum memoria suppetet, recognoscere summatimque subducere statui: Et quidē primū antiquæ Galliæ, deinde (si modò prius illud assecuti simus) nouæ mores exquiremus. Veteris igitur Galliæ speciem quandam ac formam Cæsar præcipuè sexto belli gallici Commentario comprehendit, sed & totis commen-

tariis alia quædâ aspersit quæ sparsim carpentē & vndique ex aliis quicquid ad eiusdem argumēti vberiore & illustriorem noticiam faciat, colligentem repleti propè iustâ propositæ quæstionis explicatione & scientiâ licebit: tamen si nō ignoro Græcos Cæsarem secutos vel ignorantia linguæ Latinæ, vel nescio quâ aliâ negligentia plerisque locis ostēdisse quàm parum percepta tenerent, quæ totis Cæsaris commentariis continerentur. Cæsarem itaque primū tanquam summum ac propè singularem historiæ Gallicæ authorem ac magistrum: tum reliquos, ut ab eo ferè aliquid sumunt & explicant, hætenus sequemur. At quoniam præcipua Britanniæ Germaniæque loca à Gallis occupata sunt, ut suo loco percipietur, magnaque idēd fuerit Britannorum & Germanorum cum Gallis similitudo, ut è Cæsare demonstrabitur, gentium illarum similes mores comparare, instituto consentaneum putauimus, præsertim cum Cæsar mores Galliarum Germaniarumque sibi comparandos esse duxerit, & sic Strabo (ut ipse ait libro quarto & septimo) cum Germanos à Romanis propter istam morum similitudinē videret appellatos tanquam veros Gallorum fratres, Gallorum veterum mores à Germanis ferè repetiuerit: tamen si Tacitus proprio nationis & à seipso inuēto nomine Germanos appellatos esse existimet.

A ij

P. RAMI LIBER.

Vndecūque verò nomen acceptum sit morum certè magna germanitas apparebit. Quare genera ipsa mōrum quò quidque referatur, initio constituamus. Plato tres principes corporis humani partes esse ait, tres quoque in iis principes animæ facultates locatas esse, cupiditatē subter præcordia, iram in corde, rationem in capite tãquam in arce: Itaque tres virtutis etiam species his regendis præesse, temperantiam hepatis cupiditati, fortitudinem cordis iracūdiæ, prudentiam rationis cogitationi atque iudicio, quarum virtutum communis consensus & sui cuiusque officij veluti soni cōcētus, iustitia dicatur. Quāobrem ista quoque gallicorum morum quadripartita distributio nobis erit. Sed à Cæsare Cæsariisq; velut interpretibus Diodoro, Liuiο, Strabone atque aliis multa de Gallis commemorantur: quorum authorū verba ipsa si continua proferrem, genera rerum frequenter iteranda aut miscenda essent: sententias igitur potiùs sequar, sicubi verba disiungere coāctus ero. Ergo nobis ad temperantiam abstinētia cibi, potus, veneris, modus orationis, vestitus habitationisq; frugalitas, lusus, oblectatio, communicatio rerum ac facultatum suarum separentur.

Quid igitur? quis veterum Gallorum in cibo & potione victus? Magna pars (aiunt Diodorus & Strabo) in lacte & varia carne, præcipuè autem suilla recenti & salsa. Iuxta eos ignes fiunt, inque

inque iis ollę sunt & verūa plena carnibus: viros bonos melioribus honorant, quemadmodum poëta *Āiāci* scribit impensum ab optimatibus honorem, quando singulari *Hectorem* certamine vicit. Eundē victus honorem *Cæsar* attribuit *Britannis* & *Germanis*, *Britanni* interiores (ait quinto libro) plerique frumenta non serunt, sed lacte & carne viuunt: leporem tamen & gallinā & anserem gustare fas non putant: hæc tamen alunt animi voluptatīque causā. De *Germanis* autē similiter *Cæsar* loquitur sexto libro, *Agriculturæ* non student, maiórque pars victus eorū in lacte, caseo, carne. Sed *Germaniæ* victum *Tacitus* multò plenius, *Sua* quémque mater vberibus alit, nec ancillis ac nutricibus delegantur, dominum ac seruū nullis educationis deliciis dignoscas, inter eadē pecora nudi ac sordidi in eadem humo degunt, donec ætas separet ingenuos, virtus agnoscat: Cibi simplices, agrestia poma, recens fera aut lac concretū, sine apparatu, sine blandi mentis expellūt famem. Ergo hic cibus fuit.

Quid potus? quæ temperantia fuit? Potus *Gallorū* (ait *Diodorus*) ex ordeo, qui gallicā linguā *zythū* dicitur, & ex aqua, vnde fauū mellis lauerint. *Germanorū* etiam potus consimilis à *Tacito* describitur, Potui (ait) humor ex ordeo & frumento in quandā similitudinem vini corruptus: proximi ripæ & vinum mercatur. Gallorum ve-

tō plerique (aiunt & Diodorus & Strabo) humi
 accumbunt, & cœnant assidentes in canum aut
 luporum pellibus: fistilia habent in vſu denſa ac
 floribus diſtincta: miniſtrant eis pueri iuniores
 ætate tenera. Similiter apud Tacitum, Germani
 ſtatim è ſomno (ait) quem plerūque in diem ex-
 trahūt, lauantur, ſæpius calida, vt apud quos plu-
 rimū hyems occupat. Lauti cibum capiūt, ſe-
 paratæ ſingulis ſedes, & ſua cuique menſa. Ha-
 ctenus igitur ſeuera antiquorum morum fruga-
 litas, vnde illi artus eaque corpora quæ Tacitus
 in Germanis admiratur: hinc etiam eadem pro-
 ceritas Gallorum, quibus ideò præ magnitudine
 corporum ſuorum breuitas Romanorum con-
 temptui erat, vt eſt ſecundo belli Gallici. Sede-
 nim potionis intemperantia atque ebrietas à Pla-
 tone Gallis obicitur primo Legum, & Diodo-
 rus ſic loquitur, Vino tamen præter modū adeò
 delectantur, vt à mercatoribus importatum pu-
 rum bibāt, nimioque potu ebrij aut in ſomnum
 incidant aut in inſaniam. Quo fit vt mercato-
 res Italici plures quæſtu ducti vinum tum naui-
 uibus, tum per terram curribus deferentes, pin-
 cernam puerum mercentur pro vini amphora.
 Nec ebrietas tantū, ſed ebrietatis comes rixa
 & contentio ab eodem authore notatur, Con-
 ſueuerunt (ait) quoque ſumpto cibo ad verborū
 prout caſus intulit cōcertationem ſurgentes &
 prouocatione certare inuicem nullā habitā vitæ
 curā.

curâ. Sic igitur Galli veteres à Græcis illis reprehenduntur, atque in eiusdem culpæ societatem Germani, fratres à Tacito vocantur, parique & ebrietatis & contentionis nomine accusantur. Aduersus sitim (ait) nō eadem tēperantia. Diem noctēque continuare potando nulli probrū: Si induleris ebrietati, suggerendo quantum cōcupiscunt, haud minū facile vitiis quā armis vincentur. Crebræ, vt inter vinolentos rixæ, rarò cōiitiis, sæpius cæde & vulneribus trāsfiguntur. Hæc igitur primis hisce moribus nota fœditatis inuritur, quæq; etiam apud Germanos nulli probro fuerit, tāquam vitium vitiosi nihil habuerit. At Gallorū lōgè alia persuasio publica fuit, publicisque gētis moribus aduersus istam priuatorū intemperatiam grauis fuit & seuera animaduersio. Fortitudinis igitur gallicæ causā ab ista temperatiæ, cautione repetitam, à Cæsare audiamus, Omnium (ait Cæsar libro 1. de Belgis, Celtis, Aquitanis) fortissimi sunt Belgæ, propterea quod à cultu atque humanitate provinciæ absunt, minimèque ad eos mercatores sæpe com-
meant, atque ea quæ ad effœminandos animos pertinent, important. Et in eodem libro de Nervii fortissimis Belgarum, Quorum de natura (ait) moribusque Cæsar cū quæreret, sic reperiebat, nullum aditum esse ad eos mercatoribus, nihil pati vini, reliquarūque rerum ad luxuriam pertinentium inferri, quod

his rebus relanguescere animos, corúmque remitti virtutem existimarent. Quamobrem priuatam paucorum intemperantiam videmus publicis institutis damnatam esse, temperantiámque partis huius valde cultam atque honoratá. Cenei (ait Strabo libro septimo) viri sapientis persuasione, inducti Getæ vites totis finibus suis exciderunt, vitámque sine vino tolerauerunt. Id maiores illi nostri meliùs, quòd ne feri quidem vites aut vinum importari voluerunt: Itaque & Diodorus pro sua ætate rectè affirmat in Gallia Comata vinum minimè produci. Cæsar quarto libro Sucuos Germaniæ, Neruiis Galliæ temperantiâ pares efficit, Vinum ad se omnino importari non sinunt, quòd ea re ad laborem ferendum remollefcere homines atque effœminari arbitrantur.

Ergo hæc vitæ victúsque temperantia fuit. Temperantiæ magna pars in Veneris abstinencia ponitur, cuius intemperantiám etiam publicè permagnam Græci scriptores Diodorus, Strabo, Bardefanes apud Eusebiû in Gallis notauere, Aristoteléque iudice tanquam bellicosis nationibus ingeneratam, ideóq; in fabulis Venerem cum Marte copulatam. At Cæsar nihil hac de re: à quo tamen contrariè téperantiæ plena laus Germanis attribuitur. Qui diutissimè, ait, impuberes permanserunt, maximam inter suos

suos ferunt laudem. Hôc ali staturam, ali vires neruósque confirmari putant. Intra annum verò vicissimum, fœminę noticiam habuisse in turpissimis habent rebus, cuius rei nulla est occultatio, quòd & promiscuè in fluminibus perluuntur. Impuberes autem diutiùs alios aliis hac de causâ fieri Hippocrates de natura pueri præcipit, quòd Venere caro rarescat cutisque aperiat, unde pubes pilos emittit, contrariâque causâ Eunuchos nunquam pubescere. Sed hâc eandem temperantiæ laudem Tacitus nequaquam in Germanis prætermisit, Sera iuuenum Venus, eoque inexhausta pubertas: nec virgines festinantur, eadem iuuenta, similis proceritas, pares valideque miscentur, ac robora parentum liberi referunt. Ad eiusdem virtutis moderationem connubia pertinent, quorum gallici mores paulò indiligentiùs à Cæsare explicantur, Viri, ait, quantas pecunias ab vxoribus dotis nomine acceperunt, tantas ex suis bonis æstimatione facta cum dotibus communicant: huius omnis pecuniæ coniunctim ratio habetur fructusque seruantur: Vter eorum vitâ superarit, ad eum pars vtriusque cum fructibus superiorum temporū peruenit: Viri in vxores sicuti in liberos vitæ necisque habent potestatem: & cum paterfamilias illustriore loco natus decessit, eius propinqui conueniunt, & de morte, si res in suspicionē venit, de vxoribus in seruilem

modum quæstionem habent, & si compertum est, igni atque omnibus tormentis excruciatas interficiunt. Lex dura videbitur, virum vxoris ac liberorum tanquam seruorum dominum effici: Etenim (vt philosophi docēt) paterfamilias vxori ac liberis velut ingenuis imperat: non eodem tamen imperij genere, sed vxori politicâ, liberis regiâ autoritate. Lex, inquam, dura illa videbitur, sed Romana tamen lex à Romulo cōdita, vt filius toto vitæ tempore in patris potestate esset, iusque esset à patre filium castigari, verberari, operi rustico ablegari, vendi, necari. Rex idem de vxore supplicium sumi voluit, si vinum bibisset: Sed tamen hæc Cæsar Commentario sexto, qui libro quinto Britannorum connubia alia quædam exponit, Vxores habent deni duodeniq; communes inter se, & maximæ fratres cum fratribus & parentes cum liberis: Sed qui sunt ex his nati, eorum habentur liberi, à quibus primùm virgines quæque ductæ sunt. Atque hæc de Britannis: At Germanorū hac etiam laude temperantiam Tacitus valde insignem describit, Dotem, ait, non vxor marito, sed vxori maritus offert. Inter sunt parentes & propinqui, ac munera probant: munera non ad delicias muliebres quæsitæ, nec quibus noua nupta comatur, sed boues & frenatum equum & scutum cum framea gladioque: In hæc munera vxor accipitur, atque inuicem ipsa armorum aliquid viro offert

ro affert: hoc maximum vinculum, hæc arcana sacra, hos cōiugales deos arbitrantur: Ne se mulier extra virtutum cogitationes extrâque bellorum casus putet, ipsis incipiētis matrimonij auspiciis admonetur venire se laborum periculorūque sociâ, idem in pace, idem in prælio passuram ausuramque: hoc iuncti boues, hoc paratus equus, hoc data arma denunciant: Sic viuendum, sic pereundum, accipere se quæ liberis inuiolata ac digna reddat, quæ nurus accipiât, rursumque ad nepotes referant: Ergo septa pudicitia agunt, nullis spectaculorum illecebris, nullis conuiuiorum irritationibus corruptæ: Paucissima in tam numerosa gente adulteria quorū pænâ præsens & maritis permixta: Accisis crinibus nudatam, coram propinquis expellit domo maritus, ac per omnē vicum verberare agit: publicatæ enim pudicitie nulla venia: non formâ, non ætate, non opibus maritum inuenerit: Nemo enim illic vitia ridet, nec corrumpere & corrumpi, sæculum vocatur: melius quidem ex ciuitates, in quibus tantum virgines nubunt & cum spe votoque vxoris, semel transigitur: Sic vnum accipiunt maritū, quo modo vnū corpus vnâque vitam, ne vlla cogitatio ultra, ne longior cupiditas, ne tanquam maritum, sed tanquam matrimonium amēt: Numerum liberorū finire aut quenquam ex agnatis necare, flagitiū habetur, plūsq̃ ibi boni mores valent, quàm alibi bonæ

leges. Sed de Germanorum matrimoniis Tacitus hætenus. Reprehendit etiam Diodorus in Gallis quandam linguæ intemperantiam. Ser-mone (ait) vtuntur breui ac subobscuro, multæque ex animo dubia loquuntur, plurima ad iactantiam in suam laudem dicunt & ad cæterorum contemptum. Minaces sunt ac detractores opinionæque inflati. Iactantia verò illa à Strabone est animaduersa: Atque ea nimirum gallica ostentatio est, quæ à Cæsare septimo libro dicitur, & multis reliquorum librorum exemplis approbatur. Talis est primo libro Heluetij Diuiconis elatio dum Heluetiorum virtutem extollit, Romanæ cladis memoriam obicit, Cæsaremque minitâdo admonet ne commitat, vt is locus vbi Romani constitissent, ex calamitate populi Romani, interneccione exercitus nomē caperet aut memoriam proderet: Talis est Ariouistus Rex Germanorum, cùm ad postulata Cæsaris pauca respondeat, de suis virtutibus multa prædicet, neminem secum sine sua pernicie contendisse, cùm veller Cæsar congredederetur, intellecturum quid inuicti Germani & exercitatissimi in armis possent: Sic Vercingetorix in concione iactat se vnum, consilium totius Galliæ effecturum, cuius cōsensui, ne orbis quidem terrarum possit obistere. Sed de his satis, venio ad corporis cultum. Comas (ait de Gallis Diodorus) quâuis habeant naturâ rufas: studio tamen augēt naturæ colorē:

Calamistro

Calamistro capillos inflectunt à fronte illos ad
 ceruicē reicientes, vt Satyris aspectu puerisque
 appareant perfimiles: Capillos arte efficiūt cras-
 siores, vt nihil differant ab equorum iubis. Idem
 ferē de Sueuis Germanis Tacitus, Insigne, gen-
 tis obliquare crinem nodoque substringere: sic
 Sueui à cæteris Germanis, sic Sueuorum inge-
 nui à seruis separantur: sic in aliis gentibus seu
 cognatione aliqua Sueuorū, seu (quod sæpe ac-
 cidit) imitatione rarum & intra iuuetæ spatium:
 apud Sueuos vsque ad caniciem horrentem ca-
 pillum retro sequuntur: ac sæpe in ipso solo ver-
 tice religant: principes & ornatorem habent:
 ea cura formæ, sed innoxie: neque enim vt amēt
 amentūre in altitudinem quandam & terro-
 rem adituri bella compti vt hostium oculis or-
 nātur. Gallicum cultum Diodorus persequitur.
 Barbam (ait) quidam radunt, nonnulli nutriunt
 parē: Nobiles, genas radunt, barbam verò aded
 sinunt crescere, vt operiant corpora. Item, Ve-
 stes ad terrorem intonsas ac coloris varij ferunt,
 quas illi vocant bracchas. Sagula gerunt virga-
 ta, hyeme quidē crassiora, æstate subtilia. Brac-
 chas hīc Diodor^o nominat, vnde Romani Brac-
 chatam Galīā nominauere: Denique Gallos hīc
 author aspectu terribiles ided efficit. Eadē Stra-
 bo libro quarto de comis, sagis, intonsa & aspe-
 ra veste, prolixis feminalibus, amictibus scissis
 & vix dimidias nates tegentibus etiam scribit.

Sed inquam de comis hæc scribunt authores illi: hæ nempe sunt Gallorum & Germanorum rutilatæ comæ quæ Liuius & Diodoro dicuntur. Eadem ferè quinto libro Cæsar de Britannis ait, Omnes verò se Britāni glasto inficiūt, quod cæruleū efficit colorem: atq; hoc horribiliore sunt in pugna aspectu capillōq; sunt promisso & omni parte corporis rasā, præter caput & labrum superius. Pergit Diodorus gallicū corporis habitum velut aureum narrare, Vniuersa Galatia argento caret, aurum eius absque opificio aut labore aliquo præbetur naturā: nam cū fluminum decursus difficiles flexus habeat, superans ripas à montibus fluens aqua, arenam auream passim per campos eiicit, glebis postmodum in quibus aurum splendor attritis aquaque lotis, demptā terrā, reliquum in fornacem cōiectum fundunt: Hoc modo liquefacto purōque educto auro, ad ornatum corporis mulieres virique vtuntur. Etenim & digitos annulis, & brachia armillis, & pectora thoracibus, & colla torquibus, & tunicas zonis aureis exornāt. De torquibus & manicis aureis Polybius etiam libro secundo meminit: & Strabo libro quarto de fodinis auri præcipuis quidem apud Tarbellos. Hic verò ornatus, à Strabone tribuitur his qui in honore ac dignitate constituti essent. Sed huius magnificentiæ longè dissimilem in Germanis inopiam Cæsar & Tacitus commemorant. Pel-

libus

libus(ait Cēſar) aut paruis rhenonum tegumen-
tis vtuntur magnâ corporis parte nudâ. Sed Ta-
citus de toto germanici cultus genere multò
copioſius. Argentum (ait) & aurum propitij an-
irati dij negauerint, dubito: nec tamen affirma-
uerim nullam Germaniæ venam argentum au-
rûmve gignere, quis enim ſcrutatus eſt? poſſeſ-
ſione & vſu haud perinde afficiuntur. Eſt videre
apud illos argentea vaſa Legatis & principibus
eorum muneri data non in alia vtilitate quàm
quæ humo finguntur (quanquã proximi ob vſum
commerciorum, aurû & argentum in pretio ha-
bent, formâſque quaſdã noſtræ pecuniæ agno-
ſcunt atque eligunt:) interiores ſimpliciùs & an-
tiquiùs permutatione mercium vtuntur: Pecu-
niam probant veterem & diu notam, Serratos
Bigatòſque: argentum quoque magis quàm au-
rum ſequuntur, nulla affectatione animi, ſed quia
numerus argenteorû facilior vſui eſt promiſcua
& vilia mercantibus. Item, Tegumen omnibus
ſagum, ſibulâ, aut ſi deſit, ſpinâ conſertum: Cæ-
tera inteſti totos dies iuxta focum atque ignem
agunt: Locupletiffimi, veſte diſtinguuntur,
non fluitante ſicut Sarmatæ ac Parthi, ſed ſtri-
cta & ſingulos artus exprimente: Gerunt &
ferarum pelles proximi ripæ negligenter, vl-
teriores exquisitiùs, vt quibus nullus per com-
mercia cultus: Eligunt feras & detracta ve-
lamina ſpargunt maculis pellibùſque bellua-

P. RAMI LIBER


rum quas exterior Oceanus atque ignorum mare gignit: nec alius fœminis quàm viris habitus, nisi quòd fœminæ sæpiùs lineis amictibus velantur eosque purpurâ variant, partemque vestitus superioris in manicas non extendunt, nudæ brachia ac lacertos, sed & proxima pars pectoris patet. Atque hic corporis cultus habitusque in Gallis plùs elegantia, in Germanis parsimonia plùs habet. Sequitur è moribus huius primi generis, domicilij & habitationis modus. Domicilia verò Gallorù (ait Strabo) sunt è pluteis & cratibus permagna, testudinum instar, multis arùdinibus aquaticis contexta: sic Cæsar quìnto belli Gallici ait, casas in castris Q. Ciceronis more gallico stramentis fuisse rectas: & idem sexto demonstrat, nobilium Gallorum ædificia ferè in sylvis aut fluminum ripis fuisse, cùm de Ambiorigis ædificio circumdato sylvâ loquitur, Vt sunt ferè, ait, ædificia Gallorum, qui vitandi æstus causâ plerunque sylvarum ac fluminum petùt propinquitates: Oppida verò fossâ, vallo mœnibusque munita, Aquitanis, Celtis, primisque Belgis fuisse Cæsar perspicuè ostendit: Vltioribus autem Belgis & Septentrioni vicinioribus, vt Morinis, Neruiis, Aduaticis, Menapiis, Eburonibus cuiusmodi oppida fuerint quæri & disceptari meritò fortassè possit: Pleròsq; Belgas illos ortos esse à Germanis Cæsar libro secundo commemorat. At Germanis

non

non vrbes, sed ne vicos quidem in nostrum certè morem fuisse Cæsar affirmat, vt paulò pòst è Germanica bonorum æquatione percipietur, quos mores Germanorum fuisse ætate quoque sua Tacitus affirmat, Nullas (ait) Germanorum populis vrbes habitari satis notum est, ne pati quidem inter se iunctas sedes: Colunt discreti ac diuersi vt fons, vt campus, vt nemus placuit, vicos locant non in nostrum morem connexis & cohærentibus ædificiis: Suam quisque domum spatio circumdat, siue aduersus casus ignis, remedium, siue inscitiam ædificandi: Ne cæmentorum quidem apud illos aut regularum vsus: Materiã ad omnia vtuntur informi & citra speciem aut delectationem. Quædam loca diligentius illinunt terrã ita purã ac splendente, vt picturam ac lineamenta colorum inuitet: Solent & subterraneos specus aperire, eosque multo insuper fimo onerant, suffugium hyemi ac receptaculum frugibus, quia rigorem frigorum eiusmodi locis molliunt, & si quando hostis aduenit, aperta populatur: abdita autem & defossa aut ignorantur, aut eo ipso fallunt, quòd querenda sunt. Idem ferè etiam Cæsar de Britannis, Oppidum Britani vocant (ait libro quinto) cum sylvas impeditas vallo fossaque munierunt, quòd incursionis hostium vitandæ causã conuenire consueuerunt. Ac si quando Cæsar Sueuorum oppida quædam nominat, ea, opinor, intelli-

gentiâ nominat . Ad Belgarum igitur extremorū oppida redeo & quarto Britannicāne ista Belgis extremis oppida fuerint . Prīmū de Morinis, qui longè alia ratione (ait libro tertio) ac reliqui Galli, bellum gerere instituerūt: Nam quodd intelligebant maximas nationes quæ prælio contendissent, pulsas superatâsque esse, continentésque syluas ac paludes habebant, eò se suâque omnia contulerunt : Ad quarum initium sylvarum cūm peruenisset Cæsar castrâque munire instituisset, neque hostis interim visus esset, dispersis in opere Romanis, subitò ex omnibus partibus syluæ euolauerunt & in Romanos impetum fecerunt. Romani celeriter arma cœperunt cōsque in syluas repulerunt & cōpluribus interfectis, longiùs impeditioribus locis secuti, paucos ex suis desiderauerunt: Reliquis deinceps diebus Cæsar syluas cedere instituit: & nequis inermibus imprudentibûsque militibus ab latere impetus fieri posset, omnem eam materiam quæ erat cæsa, conuersam ad hostem collocabat, & pro vallo ad vtrumque latus extrucebat . Incredibili celeritate, magno spatio paucis diebus confecto, cū iam pecus atque extrema impedimenta à Romanis tenerentur, ipsi densiores syluas petebant. Hæc Cæsar de syluis Morinorum pro oppidis . Deinde anno proximo Morini, cū propter paludum siccitatem, vt est quarto libro, quò se

reciperent non habebāt, quo perſugio ſuperiore anno fuerāt uſi omnes ferè in poteſtatem Labieni venerūt. In duobus his bellis nullum proriſus præter ſyluas ac paludes oppidum nominatur: Simile de Menapiis eſt, in quorum fines Romanę legiones ducibus Fabio & Cotta ductę, ut eſt quarto libro, omnibus Menapiorū agris vaſtatis, frumentis ſuccifiſis, ædiſiciis incenſis redierunt, quòd Menapij ſe omnes in denſiſſimas ſyluas abdiderāt: Cæſar ipſe cum quinque legionibus ad eos poſtea proſectus eſt. Illi nullā (ait Cæſar libro ſexto) coactā manu, loci præſidio freti, in ſyluas paludeſque confugiunt ſuęque eodem conferunt. Cæſar partitiſ copiiſ cum C. Fabio Legato & M. Cratſto Quæſtore: celeriterque effectiſ pontibus adit tripertitò, ædiſicia vicòſque incēdit, magno pecoriſ atque hominū numero potitur; Quibus rebus coacti Menapij legatos ad eum paciſ perende cauſā mittunt. Hic nullū proriſus oppidum nominatur, nedum expugnatur: Neruiorū etiam oppida talia diligentius attendenti fortalle videbuntur, Neruij (ait Cæſar ſecundo libro) antiquitiſ cum equitatu nihil poſſent (neque enim ad hoc tempuſ ei rei ſtudent, ſed quidquid poſſunt, pedetribus valent copiiſ) quò faciliuſ finitimorum equitatuſ, ſi prædandi cauſā ad eos veniſſet, impedirent, teneriſ arboribuſ incifiſ atque inflexiſ, crebriſque in latitudinem ramis enatiſ & rubiſ ſen-



tibúsque interiectis effecerant , vt instar muri hæ sepes munimenta præberent, quò non modò non intrari , sed ne perspicì quidem posset: Quinetiam eodem bello Neruiorum mulieres, quique per ætatem ad pugnam inutiles viderentur, nullum in oppidum mœnibus cinctum, sed in eum locum coniecti sunt, quò propter paludes & æstuarìa exercitui aditus non esset. Hoc primo Neruico bello nullam Neruiorum urbem muris cinctam agnoscimus, eadẽque cõiectura est sexto rursus libro, Cæsar quatuor legionibus coãctis, de improviso in fines Neruiorũ cõtendit, & priusquam illi aut cõuenire aut profugere possẽt, magno pecoris atque hominum numero capto , atque eã prædã militibus concessã vastatísque agris , in deditionẽ venire atq, obsides sibi dare coëgit. Hic, inquã, alter de Neruiis locus magnam coniecturam affert nulla his oppida tum fuisse nisi Britannica. Talia Aduaticorum item oppida quæ dicuntur secundo libro à Cæsare, videntur fuisse, Cunctis oppidis (ait Cæsar) castellisque desertis, sua omnia in vnum oppidum egregiè naturã munitum contulerunt, quod cùm ex omnibus in circuitu partibus altissimas rupes despectúsque haberet, vna ex parte leniter accliuís aditus in latitudinem nõ amplius ducentorum pedum relinquebatur: Quẽ locum duplici altissimo muro munierant: tum magni ponderis saxa & præacutæ trabes in mu-

ro collocarant. Hic Cæsar murum ab vna tantum parte oppidi describit. De Eburonum autem gente (qui ipsi etiam à Cæsare Germani appellantur secundò libro) videtur etiam illud multò probabilius: Hi authore rege Ambiorige Sabinum & Cottam cum quindecim cohortibus ad Varutam deleuerant, vt est quinto libro, qua iniuria grauiorem Cæsar nullam vnquam acceperat. Itaq; ad huius cladis vltionem, Eburonum gentem internecone perdere funditusque extinguere statuit, vt est sexto libro: Basiliū cum omni equitatu præmittit, tum legione vnâ præsidio impedimentis relictâ reliquas nouem legiones tripartitò ad hanc vastitatem inferendum distribuit: Labienū cum tribus, ad Occanum, versùs eas partes quæ Menapios attingūt, proficisci iubet: Trebonium cum pari legionū numero ad eam regionem quæ Aduaticis adiacet depopulandā mittit, ipse cum tribus, ad flumen Sabim extremasque Arduenæ partes ire constituit: Erat autem Eburonum manus certa nulla, non præsidium, non oppidum, quod se armis defenderet, sed in omnes partes dispersa multitudo vbicunque, aut vallis abdita, aut locus syluestris, aut palus impedita spem præsidij, aut salutis aliquam offerebat, conserarat. Atque in hoc vltionis rāto ardore cum Cæsar dispersis legionariis magnum periculum creari intelligeret, euocat omnes finitimas ciuitates spe prædæ

ad diripiendos Eburones, vt stirps ac nomen ciuitatis tolleretur: Atque cā tāta vastatione cū grauissimus ille vltionis dolor nōdum expleretur, Cæsar rursus ad vexandos hostes profectus, magnō cōactō numero ex finitimis ciuitatibus in omnes partes dimittit: Omnes vici atq; omnia edificia quę quisque cōspexerat incēdebantur. Repetita est tertio demum tempore, vt est octauo libro, vltionis eadē cupiditas & par vastitas illata: neque tamen vsquā vrbis cuiusquā vallum aut fossa nominatur: Quamobrem coniectura magna sit hos Belgas nō solū origine, sed etiā habitatione Germanos fuisse. Nec Belouaci, quamuis & virtute & autoritate & hominū numero Belgarū primi, ab ista cōsuetudine longē videntur abfuisse, quorum vnicū opidum primo bello memoratur, Bratuspantium nomine: cæteris bellis prorsus nullū. Sed nimīū de Belgica ista habitatione. Qui verò lusus aut quæ spectacula gallicę iuuentutis essent, nihil in Cæsare comperio: De Germanis Tacitus illud scriptum reliquit, Genus spectaculorū vnum atque in omni cœtu idē, nudi iuuenes quibus id ludicrū est, inter gladios se atq; infestas frameas saltu iaciunt. Exercitatio, artē parauit, ars decorē: nō in quæstū tamen aut mercedem, quāuis audacis lasciuia pretium est, voluptas spectātium: Aleā, quod mirere, sobrij inter seria exercent, tāta lucrandi pērdendūque cupiditate, vt cū

omnia

omnia defecerunt, extremo ac nouissimo iactu, de libertate ac de corpore cōtendāt. Victus voluntariam seruitutem adit: quamuis iunior, quāuis robustior, alligari se ac venire patitur: Ea est in re parua, peruicacia, ipsi fidem vocant, seruos conditionis huius, per commercia tradunt, vt se quoq; pudore victoriæ exoluant. Sed enim summa in his tēperantiæ moribus Gallorum pariter & Germanorū humanitas ac liberalitas prædicatur. Hospites (ait de Gallis Diodorus) ad epulas vocant, qui sint, quā causā venerint post cœnam rogantes. Hæc verò laus in Germanis multò plenius à Cæsare Tacitoque demonstratur, Hospites violare (ait Cæsar) fas non putant, qui quacunque de causa ad eos venerunt, iniuria prohibent sanctosque habent, hisque omnium domus patent victusque communicatur. Sic itē Tacitus, Conuictibus & hospitibus, non alia gens effusius indulget quemcunque mortalium arce-re tecto, nefas habetur: pro fortuna quisque, apparatus epulis excipit, cum defecere, qui modò hospes fuerat, mōstrator hospitij & comes, proximā domum non inuitati adeunt: nec interest, pari humanitate accipiuntur. Notum ignotumque quantum ad ius hospitis nemo discernit: Abeunti si quid poposceris, concedere moris & poscendi inuicem eadem facilitas. Gaudēt muneribus, sed nec data imputāt, nec acceptis obligantur. Ergo hæc insignis est hospitalitas. Sed

P. RAMI LIBER

vnam Germaniæ palmam in huius virtutis laude
 prætermittendâ esse non arbitror, Phaleas Chal-
 cedonius (ait Aristoteles) primus æquationem
 bonorum in Remp. induxit, vt generis humani
 duæ capitales pestes è ciuitate pellerentur, pau-
 pertas & opulencia. Hoc vnicum Platonis ad
 statum beatæ ciuitatis huius votum fuit: At Ger-
 mani beatissimæ ciuitatis Ideam non disputa-
 tionibus & argumentis adumbratam, sed mori-
 bus & exēplis expressam præstiterunt: neque enim
 quisquam (ait de Germanis Cæsar libro sexto)
 agri modum certum aut fines habet proprios,
 sed magistratus ac principes in annos singulos
 gentibus cognationibûsque hominum qui vnâ
 coierunt quantum eis & quo loco visum est, at-
 tribuunt agri, atque anno pòst, aliò transire co-
 gunt. Quod idem de Sueuis Germanis quarto
 libro dicitur, Priuati & separati agri apud eos
 nihil est: neque longiùs anno remanere vno
 in loco incolendi causâ licet. Ergo ista apud
 Germanos bonorum fuit æquatio. Æquatio-
 nis etiam huius multas causas afferunt (ait idem
 sexto libro) ne assiduâ consuetudine capti, stu-
 dium belli gerendi agriculturâ commutent, ne
 latos fines parare studeant, potentioresque hu-
 miliores possessionibus expellant, ne accura-
 tiùs ad frigora atque æstus vitandos ædificent,
 ne qua oriatur pecuniæ cupiditas, qua ex re
 factiones dissensionésque nascuntur, vt ani-
 mi

animi æquitate plebē contineāt, cū suas quifque opes cum potentissimis æquari videat. Hæc Cæsar de Germanica æquatione, cum qua Græci, vel Cretum, vel Laconum æquationes laude comparent, & istam in Germanis virtutem, barbariam, si superis placet, appellent: Fuit tamen & Gallis & Germanis seruitus, more reliquarum gentium vsitata, Plerique (ait Cæsar libro sexto de Gallis) cū aut ære alieno aut magnitudine tributorum aut iniuria potētorum premuntur, sese in seruitutem dicant nobilibus, in hos eadem omnino sunt iura, quæ dominis in seruos. Atqui hæc sæui dominatus impotentia videatur, qualem post exactos reges Romæ fuisse Liuius secundo libro commemorat in seditione nexorum, qui æris alieni magnitudine oppressi, à creditoribus seruilem in modum vexabantur, aded (quod Quintilianus libri tertij capite sexto tradit) vt debitoris corpus inter creditores, lege duodecim tabularum diuideretur, Quam legem licet, vt idem ait, non laudabilem naturā, iure tamen concessam, mos publicus repudiavit, & frequenter nouæ tabulæ contra calamitates istas, à Repub. concessæ sunt. Sed tamen hoc in Gallis, quàm in Romanis humanius & liberalius, quod domini suos operatos, atque, vt Cæsar gallico verbo appellat, ambactos honoris quodam loco circum se haberent, eorūque operā in bellis vterentur: huc enim spectare

videtur illud Diodori, Custodes corporis (ait) ex liberis hominibus pauperes eligunt, qui & pro aurigis in pugna seruiant, & ferant scutum. Tacitus de Germanorum seruis consimilem Gallis consuetudinem commemorat, Seruis (ait) non in nostrum morem, descriptis per familiam ministeriis vtuntur, suam quisque sedem, suos penates regit. Frumenti modum dominus aut pecoris aut vestis vt colono iniungit, & seruus hactenus paret. Cætera domus officia, vxor ac liberi exequuntur. Verberare seruum, ac vinculis & opere coërcere, rarum, occidere solent non disciplinâ & seueritate, sed impetu & ira, vt inimicum, nisi quodd impunè: Liberti non multum supra seruos sunt, raro aliquod momentum in domo, nunquam in ciuitate, exceptis duntaxat his gentibus quæ regnantur: Ibi enim & super ingenuos & super nobiles ascendunt: Apud cæteros, impares libertini, libertatis argumentum sunt. Quapropter eiusmodi mores, ea temperantia veterum Gallorum fuit, quæ ad valetudinem corporis & vires ac mirificam illam quam Cæsar in corporibus Gallorum Africano bello cæsorū miratus est proceritatem: Denique fortunarum ac facultatum suarum beneficentiam ac liberalitatem referatur.

Fortitudinis partes materiam vberiore ac pleniorē afferunt, siue puerilis ætatis exercitationem siue militiæ puluerem & solem conside-
res,

res, deuictasque, inde gentes & fundatas toto terrarum orbe Gallici nominis colonias. Enimuerò Galli (ait Cæsar libro sexto) in reliquis vitæ institutis hoc ferè à reliquis differunt, quòd suos liberos nisi cùm adoleuerint, vt munus militiæ sustinere possint, palàm ad se adire non patiuntur, filiùmque puerili ætate in publico, in còspectu patris assistere turpe ducunt. Hæc Cæsar, quibus tamè militiæ illius tempora non satis explicat, nec vlla puerilis interea ætatis studia nominat. Ab aliis igitur exquiramus, Tacitus nobis tempus illud ad eundæ Reipub. De Germanis explicabit, Sed arma sumere (ait) non antè cuiquam moris, quàm ciuitas suffecturum probauerit. Tum in ipso concilio vel principum aliquis, vel pater, vel propinquus, scuto frameaque iuuenem ornant: Hæc apud illos toga, hic primus iuuentæ honos, ante hoc, domus pars videntur, mox Reipub. Aristoteles etiam scriptor Cæsare multò antiquior, nobis illa puerilis educationis studia declarabit. Etenim à nobis istam laudem octauo Politico reperiuit, Conducit etiam (ait) admodum infantes ad frigoris patientiam assuescere: Id enim est & ad valetudinē & bellicas laudes aptissimum: Itaque etiam nonnullis barbaris, vt Celtis, ea consuetudo est, vt in frigidum amnem natos immergant aut tenui amiculo vèstiant: Nam quibuscunque rebus iuuentus assuescere potest, còmodiùs est eam sen-

sim paulatimque à primis & teneris annis assue-
 scere. Est autem pueritiæ habitus ob ingenitum
 calorem ad tolerantiam frigoris opportunus:
 Quamobrem hæc atque eiusmodi alia cura im-
 primis adhibenda erit. Aristoteles hoc loco Cel-
 tas barbaros appellat: at Celtarū mores nequa-
 quam barbaros existimat, cū Græcos his mo-
 ribus imbuendos esse præcipiat. Scio Galeno
 mores istos vehementer improbari, Apud Ger-
 manos (ait primo de sanitate tuenda) planè ne
 nutriti quidem infantes contenderim: Verūm
 nos neque Germanis: neque aliis agrestibus aut
 barbaris hominibus hæc prodimus non magis
 quidēquā vrsis, apris, leonibus, aut aliis eius-
 modi bestiis. Scio, inquam, hoc Galeno vehe-
 menter improbari: sed illud etiam scio delicatu-
 los illos Græciæ populos, quibus Galenus sani-
 tatem suam indulsit, ab iis leonibus, quos appel-
 lat, esse deuoratos, Gallósque & Germanos Græ-
 cis collatos verè leones appellari. Et quidē
 Græcarum ciuitatum longè nobilissima Lace-
 dæmon celtico isto laboris & duritiæ studio præ-
 cipuè nobilitata est, quòd Spartana iuuetus, om-
 nibus corporis laboribus & exereitationibus
 duraretur, nec ante vicesimum ætatis annum, in
 forum admitteretur, vt in Lycurgo Plutarchus
 ait: Itaq; non solū Gallicæ & Germanicæ vir-
 tutis huius vires, sed Aristotelis & Lacedæmo-
 nis authoritas, Galeni argumentis, si quis hoc
 expectet,

expectet, respondeant. Atque ad hanc patientiæ gallicæ duritiâ Strabonis illud referendum est, qui Gallorum proprium esse ait, laboribus exerceri, ne crassi & ventrosi fiant, iuuenemque qui zonæ modum excesserit, plecti & multari. Cui Romanæ Censuræ illud simile fuit, obæsum equitem publico equo priuari. Nec verò Gallis ea fortitudinis exercitatio propria tum fuit, communis Germanorum fratrum fuit: Id enim Galenus iam docuit. Ergo Cæsarem huius etiâ laudis authorem nihilominus auscultemus, A paruulis, ait libro sexto, labori ac duritiæ student, vitæque omnis in venationibus, atque in studiis rei militaris consistit: Varia genera ferarum habet in Hercynia sylua, boues feros, alces, sed imprimis vros: hos studiosè foueis captos interficiunt: hoc se labore durant adollescentes, atque hoc genere venationis exercent, & qui plurimos ex his interfecerunt, relatis in publicum cornibus, quæ sunt testimonio, magnam ferunt laudem.

Ergo ista iuuenilis ætatis ad laborum & periculorum tolerantiâ veluti schola exemplis certè & factis, si minùs artificiosis doctoribus & præceptis fuerit: Iam militiam & graue Martis opus, vt ait poëta, consideremus. Bellum Gallis perpetuum fuit: Etenim ante Cæsaris aduētum, vt est libro sexto, ferè quorannis accidere solebat, vt aut ipsi iniurias inferrent, aut illatas pro-

pulsarent. Nullā verò ætatis excusationem Gal-
 licis moribus fuisse locus ille octavi libri demō-
 strat, Vertiscus Rhemorum præfectus, quamvis
 equo propter ætatem vix posset uti: tamen con-
 suetudine Gallorum neque ætatis excusatione
 in suscipienda præfectura usus erat, nec sine se
 dimicari voluerat: Sic Parisino bello summa im-
 perij, ut est septimo libro, traditur Camulogeno
 Aulerco, qui propè confectus ætate: tamen pro-
 pter singularem scientiam rei militaris, ad eum
 est honorem euocatus. Sic Strabo Gallos bella-
 tores potius quàm agricolas esse ait: Sic Aristot-
 eles prodidit militarem virtutem apud Celtas
 præcipuè honorari. Atque ex hac militaris exer-
 citationis perpetuitate causas fortitudinis in
 Belgis atque Heluetiis à Cæsare deductas licet
 agnoscere, Fortissimi Gallorum sunt Belgæ (ait
 Cæsar) quid ira? Temperantia prius allegata est
 rāquam fortitudinis mater aut certè nutrix: sed
 & secūda à Cæsare causa redditur, Proximi (ait
 primo libro) sunt Germanis, qui trans Rhenum
 incolunt, quibuscū continenter bellum gerunt:
 Hæc, inquam, fortitudinis causa altera est, con-
 tinua belli cōsuetudo, eadēque de causa Hel-
 uetij reliquos. Celtas virtute præcedunt, ut ibi-
 dem est, quod ferè quotidianis præliis cum Ger-
 manis contendūt, cum aut suis finibus eos pro-
 hibent, aut ipsi in eorum finibus bellum gerūt.
 Hic iterum quotidianorū præliorū consuetudo
 ad

ad fidem fortitudinis allegatur: Quinetiam vt Gallis assiduus belli vsus retineretur, si bellum deesset, latrocinii dabant operam, ait Diodorus, rapientes aliena ceteris omnibus cōtemptis.

Quid Germani? quibus hac virtutis parte moribus fuere? Vita omnis, vt iam patuit, in studiis rei militaris consistit, atque omnino, vt est libro sexto, ciuitatibus maxima laus est quàm latissimas circum se vastatis finibus solitudines habere. Hoc proprium virtutis existimant expulsos agris finitimos cedere, neque quenquam aude-
re prope cōsistere: Simul hoc se fore tutiores arbitrantur repentinæ incursionis timore sublato. Idem belli studium Tacitus exponit, Nec arare terram aut expectare annum tam faciliè persua-
feris, quàm vocare hostes & vulnera mereri: Pigrum quinimò & iners videtur sudore acquire-
re quod possis sanguine parare. Sed etiam latrocinia Germanis à Cæsare tribuuntur, vt à Diodoro Gallis, Latrocinia (ait Cæsar libro sexto) nullam habent infamiam quæ extra fines cuius-
que ciuitatis fiunt, atque ea iuuentutis exercen-
dæ ac desidiæ minuendæ causâ fieri prædicant. Atque vbi quis ex principibus, in consilio dixit se, ducem fore, qui sequi velint profiteantur, consurgunt ij qui & causam & hominem pro-
bant suumque auxilium pollicentur, atq; à mul-
titudine collaudantur. Qui ex his secuti non
sunt, in desertorū ac proditorū numero ducun-

tur omniumque his rerū postea fides derogatur. Addit Tacitus Germanica apud exteros populos bella, Si ciuitas, ait, in qua orti sunt, lōgâ pace, & otio torpeat, plerique nobilium adoleſcētium petunt vltro eas nationes, quæ tum bellum aliquod gerunt, quia & ingrata genti quies, & facilius inter ancipitia clarescunt, magnūque comitatum non nisi vi bellōque tueantur: Materia munificentia, per bella & raptus. Quāobrem gallicæ militiæ perpetuum studium ex his agnoscimus, eaque veterum Gallorum encomia, quibus poëta Romanorū poëtarum longè optimus Italiam exornare voluit,

*Durum à stirpe genus, natòs ad flumina primum
Deferimus, seuòque gelu duramus & vndis:
Venatu inuigilant pueri syluâsque fatigant,
Flectere ludus equos, & spicula tendere cornu.
At patiens operum paruòque assueta iuuentus,
Aut rastris terram domat, aut quatit oppida bello.
Omne auum ferro teritur, versâque iuuentum
Terra fatigamus hastâ, nec tarda senectus
Debilitat vires animi mutatque vigorem:
Caniciem galicâ premimus, semperque recentes
Conuectare iuuat prædas & viuere rapto.*

Atque vtinam Cæsari de Gallorum moribus præcipienti libuisset gallicos armorum mores paulò vberius exponere, quod in apparatu iudicium, quæ diligentia in castris, quæ vis & fortitudo in præliis fuisset, iucundissimū esset militem

tarem maiorum nostrorum consuetudinem recordari. At horum Cæsar præcipuè nihil indicauit: singula tamen quibuscumque vel obscuris apud eum vestigiis quacumque diligentia obseruare, & è variis locis subducere, atque è cæteris authoribus conferre licuerit, persequemur. Delectus imperatorum, & belli ducum qui fuerit, gallica Cæsaris bella singulis annis ostendunt: & ad extremum dicemus ampliùs: Delectus autem priuatorum militum, armato concilio indicatur: Induciomarus Treuironum princeps, armatum concilium aduersus Romanos indicit, ut est quinto belli gallici: Hoc more Gallorum est initium belli, quo lege communi omnes puberes armati conuenire consueuerunt: & qui ex his nouissimus venit, in conspectu multitudinis omnibus cruciatibus affectus necatur. Eadem Gallia cõsuetudo declaratur libro septimo, cum Vercingetorix gallici belli princeps electus, Alexia obsideretur, cõsiliu enim capit omnem à se equitatum dimittere, discedentibus mādāt, ut suam, quisque eorum, ciuitatē adeat, omnesque qui per ætatem arma ferre possint, ad bellum cogant: Galli tamen concilio principū indicto, nō omnes qui arma ferre possent, ut Vercingetorix statuerat, sed certum numerum cuique ciuitati imperandum; ne tantā multitudine cōfusa, nec moderari, nec discernere suos, nec frumentationē habere possent. Hoc igitur gallico

delectu percipimus quanta militiæ studia apud Gallos vigerint, cum puberes omnes arma ferre soliti sint. Armatura verò gallica romanæ dissimilis fuit, ut septimo libro intelligi potest de Heduis Cæsari militantibus, qui gallicis armis Romanos vehementer perterruerunt. Quænam verò essent hæc arma, in Cæsare discernere non potui: Quæ Polybius, Diodorus, Liuius, Strabo tradidere, complectamur. Gladius prælógus fuit ærea cathena dextro latere dependens, non solum ad cædendum, sed pungendum idoneus (ait Diodorus) mucrones tamen Polybius & Liuius detrahunt: Vastum scutum & staturæ corporis accommodatū, proque arbitrio cuiusque ornatū & formis animalium æreis & eminentibus: Lancea ferro cubitali longitudine, latitudine duorum palmarum. Cæsar tertio belli gallici gæsa Gallis attribuit: Meris etiam fuit tragulæ genus: Æreâ galeâ caput muniebant paulatim eminentiore, in qua aut cornua impressa essent, aut auium vel quadrupedū effigies sculptæ: Thorax ferreus: Atque plerique Galli super vmbilicum nudi pugnare consueuerāt, ut in pugna Cannensi Liuius ait, de quo etiam prælio Polybius idem tradit. Terribilis (ait) erat nudorum hominū præcedentiū & aspectus & incessus robore nempe & specie præstantium: Sic in Gallogræcia Liuius ait Gallos nudos dimicasse, idèoque eminens Romanis pilis confixos occubuisse.

huiſſe. Gallis etiam arcus & funda in uſu fuit (ait Strabo. Quinetiâ (ait idem) fuſtis apud eos eſt, qui manu non amento iactus, ſagittâ longiùs ferit, quo præcipuè in aucupiis auum uti conſue-
runt. Certa ac fide digna res eſt (ut author idem eſt) in Gallia naſci arborem ſico ſimilem, quæq; fructû ferat capiti columnę corinthiæ reſpon-
dentem: eâ autem ſectâ, lethalem liquorẽ emitti ad uſus ſagittarû. Sagittarios verò magno in uſu Gallis fuiſſe, Cæſar libro ſeptimo planè confir-
mat, cum de Vercingetorige loquitur, Sagitta-
rios omnes, ait, quorû erat permagn⁹ numer⁹ in Gallia, cõquiri & ad ſe mitti iubet: quod poſtea percipietur ampliùs. Ergo hæc armatura Galli-
ca, cui non uſquequaque ſimilis armatura Ger-
manorum apud Tacitû eſt, Rari gladiis aut ma-
ioribus lanceis utuntur, haſtas, vel ipſorû voca-
bulo frameas gerunt anguſto & breui ferro, ſed
ita acri & ad uſum habili, ut eodem telo prout
ratio poſcit vel cominùs vel eminùs pugnèt: &
eques quidẽ ſcuti frameæque cõtentus eſt, pe-
dites & miſſilia ſpargût pluraque ſinguli, atque
in immenſum vibrât nudi aut ſagulo leues: nul-
la cultus iactatio, ſcuta tantum lætiſſimis colo-
ribus diſtinguunt, paucis lorice, vix vni alteriſc
caſſis aut galea. Ergo hæc veterum Gallorum ar-
ma commemorantur: armatorum ipſorum ge-
nera dicenda ſunt equitum & peditû. Galli verò
primas ſux militiæ partes equitibus dederunt,

bellique administrandi principes, vt ait Cæsar libro sexto, fecerunt. Atque in communi Gallorum omniũ coniuratione contra Cæsarẽ, Gallorũ equitũ millia modò octo, modò quindecim numerãtur, eãque parte exercitus, Galli maximè cõfidebant, vt est libro septimo: Tamen si de omnibus Galliæ ciuitatibus id affirmari non possit. Treuiri longè plurimũ totius Galliæ equitatu valere, vt est quinto libro. Sontiates, vt est tertio, eãdem militiã plurimũ potuere: At Neruij plũs peditatu, vt est tertio: Sed tamen si genus vniuersum spectetur, equitatus Gallicus militiæ gallicæ præcipua gloria fuit: & Cæsar bellis ciuilibus, isto præcipuè equitatu vsus est. Afranius, (vt est primo belli ciuilis) cùm, magnã manu paruas Cæsarianorũ copias aggredere, celeriter sese Galli equites expediunt præliũque committũt: Hi, dum pari certamine res geri potuit, magnum hostiũ numerum pauci sustinere: sed vbi signa legionum appropinquare cœperunt, paucis amissis sese in proximos montes conferunt. Hoc pugnæ tempus magnum attulit Cæsarianis ad salutem momentum: nacti enim spatium, se in loca superiora receperunt. Sic Africano bello cùm ab hostibus maximis copiis extremum Cæsaris agmen lacesseretur, subito legionarij consistũt: & equites, quanquam erant pauci, tamen cõtra tantam multitudinem audacissimè concurrunt. Accidit res incredibilis,

lis, ut equites minùs triginta Galli, Maurorum equitum duo millia loco pellerèt fugarèntque: râtum equitatus Gallicus poterat. Hinc illa vox Ciceronis quinta Philippica, Est enim opinio, ait, decreturum aliquem M. Antonio illam vltimam Galliam quam Plancus obtinet, quid hoc est aliud quàm ad bellum ciuile hosti arma largiri, primùm neruos belli, pecuniam infinitam, quâ nunc eget, deinde equitatum quantum velit? Equitatus igitur in militia gallica tantum potuit. Peditum verò expeditorum & sagittariorum militia interdum cum equestri miscebatur: Sic Vercingetorix libro septimo cum equitatu expeditisque peditibus qui inter equites præliari consueissent, insidiarum causâ profectus, quò Romanos pabulatum venturos arbitraretur. Ac iterum ibidem ad Gergouiam de Vercingetorige, Neque vllum ferè diem intermittebat, quin equestri prælio interiectis sagittariis, quid in quòq; esset animi ac virtutis suorum periclitaretur: Aliquando pedites tum leuis armaturæ expediti, tum sagittarij inter equites præliabantur: Et ibidem de prælio ad Alexiam, Galli inter equites raros, sagittarios expeditosque leuis armaturæ interiecerant, qui suis sedentibus auxilio succurrerèt & Romanorum equitum impetus sustinerent. Quinetiam essedarios Gallia vetus habuit: Id enim Diodorus affirmat his verbis, In itinere ac pugna bigis vtù-

tur, quas rhedarius & affessor ducunt: In bellis
obuium hostem, iaculo ex curru primùm appe-
tunt, tum relicto curru, peditēs ensibus certant.
Quod vtrumque prælij genus à Cæsare de Ger-
manis & Britannis multò luculentiùs expositum
est: de Germanis primo libro, cùm de Ariouisti
copiis agit, Equitum, ait, millia erant sex, toti-
dem numero pedites velocissimi & fortissimi,
quos ex omni copia singuli singulos suæ salutis
causâ delegerant: cum his in præliis versaban-
tur: ad eos se equites recipiebant: hi, si quid erat
durius, concurrebāt, si quis grauiore vulnere ac-
cepto, equo deciderat, circumsistebant, si quò e-
rat longiùs prodeundum aut celerius recipien-
dum, tanta erat eorum exercitatione celeritas,
vt iubis equorum subleuati, cursum adæqua-
rent. Et iterum libro quarto de Sueuis, Eque-
stribus præliis sæpe ex equis desiliunt ac pedi-
bus præliantur, equosque eodem remanere ve-
stigio assuefaciunt, ad quos se celeriter cùm vsus
poscit, recipiunt, neque eorum moribus turpius
quicquam aut inertius habetur, quàm ephippiis
vti: Itaque ad quemuis numerum ephippiato-
rum equitum, quamuis pauci, adire audent.
Hæc Cæsar, vnde tamen intelligimus contra-
rios hac in re Gallis Germanorum mores fuisse,
cùm plus peditatu Germani cōfiderent: quod &
Tacitus apertiùs tradidit, In vniuersum æstimā-
ti ait, plus penes peditem roboris, cōque mixti
pedi-

pedites equitibus præliantur aptâ & congruente ad equestrem pugnam velocitate peditum, quos ex omni iuuentute delectos ante aciem locant: Definitur & numerus, Centeni ex singulis pagis sunt, idq; ipsum inter suos vocatur, & quod primum numerus fuit, iam nomen & honor est.

Ergo Germanicus equitatus admisto peditatu eiusmodi fuit. Britanicus autem quarto libro sic à Cæsare describitur, Gen^o hoc est ex essedis pugna, primò per omnes partes perequitat & tela coniiciunt atq; ipso terrore equorum & strepitu rotarum, ordines plerumq; perturbat, & cum se inter equitum turmas insinuauerint, ex essedis desiliunt & pedites præliantur, aurigæ interim paulum ex prælio excedunt atque ita currus collocant, ut si illi à multitudine hostium premantur, expeditum ad suos receptum habeant: Ita mobilitatem equitum, stabilitatem peditum in præliis præstant, ac tantum usu quotidiano & exercitatione efficiunt, ut in declivi ac præcipiti loco incitatos equos sustinere, & breui moderari & flectere & per temonem percurrere, & in iugo insistere & inde se in currus citissime recipere consueverint: Ergo hoc essedariorum prælium temperationem quandam & coniunctionem equestris ac pedestris dimicationis habuit: Etenim magna multitudo carrorum, etià expeditos sequi Gallos cõsuevit (ut est libro septimo:) item, Venerunt in Hispaniam Cæsarem secuti sagittarij ex Rhute-

nīs, equites ex Gallia cum multis carris magnisque impedimentis, ut fert Galliarum consuetudo. Erant præterea cuiusque generis hominum milia circiter sex cum seruis liberisque: Ideoque iumentis maxime delectantur, & impenso parant pretio (ut ait Cæsar quarto libro.) Quamobrem non solum viros, sed liberos, sed totas denique familias videmus in Gallia militæ tanquam stipendia fecisse. Fœminas etiam Germanis bellorum socias fuisse Tacitus auctor est.

Sed de gallico delectu satis multa, Commeatus facilitas è temperantiæ moribus intellecta est, vini mollicie detractâ: & rei frumentariæ studium multis exemplis è Cæsare percipitur. Heluetij molita trium mensium cibaria domo extulerunt, & Vercingetorix non minus sapiēti quam forti consilio ad Romanos frumentatione prohibendum, Gallis persuasit ut vicos & oppida quoquouersus, quod ab Romanis adiri posset incenderent. Itaque vno die amplius viginti vrbes Biturigum incenduntur. Hoc idem fit in reliquis ciuitatibus: Sed Biturigibus deprecantibus ne Auaricum pulcherrimam propè totius Galliæ urbem succenderent, datur venia, dissuadente primo Vercingetorige, post concedente, & ipsorum precibus & misericordiâ vulgi: At vnius vrbis misericordia, vniuersis Galliæ urbibus crudelissimi exitij causâ fuit: Nam cum fame iam grauitur laborare Cæsaris

ris exercitus cœpisset diésque aliquot frumento caruisset, capto Auarico, non solum com-
 meatu redundauit, sed prædæ similis expectatio-
 ne Galliam totam deuorauit. Consilio eodem
 Vercingetorix rursus Cæsarem Gergouia ex-
 cedere coëgit, commeatûque omni Romano qui
 rum Nouioduni fuerat, sublato, in eas angu-
 stias adduxit, ut nisi infamia atque indignitas
 rei viarumque difficultas, & quatuor legionum
 absentia, obstitissent, Cæsar iter in prouinciam
 conuersus esse videretur. Tertiò repetit idem
 consilium Vercingetorix vniuersæ Galliæ im-
 perator electus, cum in publico Gallorum con-
 cilio prædicit se neque fortunam tētaturum aut
 acie dimicaturum, sed quoniam abundet equi-
 tatu, perfacile esse factu frumentationibus pa-
 bulationibusque Romanos prohibere, æquo
 modò animo sua ipsi frumenta corrumpant æ-
 dificiâque incendant, quâ rei familiaris iacturâ
 perpetuum imperium libertatémque se conse-
 qui videant. Et certè his rebus permotus Cæsar,
 fugam per Sequanos in prouinciam meditaba-
 tur quo tempore Vercingetorix rectum illud
 non tentandæ fortunæ consilium inconfidera-
 tē contempsit, præliòque commisso è superiore
 causâ inferiorem fecit. Quare commeatus quā-
 ta cura veteribus Gallis fuerit hinc intelligi po-
 test. Castrorum verò siue iter siue fabrica, siue
 disciplina spectetur, ratio minùs attenta atque

accurata videtur fuisse: Heluetij, nauibus iunctis
 ratibusque compluribus factis: alij vadis Rhodani, quā minima altitudo fluminis erat, nonnunquam interdiu, sæpius noctu, si perumpere possent, conati, à Cæsare repelluntur: Hi Galli, pontes fabricari nequaquam didicerant: Iidem postea ratibus ac lincibus iunctis Ararim vix vicesimo die, tribus exercitus sui partibus trāsierunt: eadem architecturæ inopia fuit. Fabrica, siue locum siue munitionem consideres, non multò plùs artis habuit: vallis eligebatur, cuius fossa & vallum, terra videlicet ac cælum essent: Gallorum enim consuetudo fuit (vt est octauo libro) relictis locis superioribus, ad ripas fluminis castra demittere, & sic primo libro Heluetij sub monte confederūt: sic ibidem Germani sub monte confederunt. At Romana militiā superiorem locum optabat. Ergo talis locus gallicorum castrorum erat: munitio autem prorsus nulla. Belgarum castra (vt est libro secundo) vt ex fumo, atque ignibus significabatur, ampliùs millibus passuum octo, in latitudinem patebant: Ac si quando diligentia maior fuit, carri tantum pro vallo obiciebantur: Sic (vt est primo libro) & Heluetij pro vallo carros obiecerāt: Sic Germani omnem suam aciem rhedis & carris circundederunt, tandem Galli quæ Romanos facere cognouerant, ea cœperunt imitari: Neruij (vt est quinto libro) vallo pedum vndecim & fossa

fossa pedum quindecim , hyberna Ciceronis cingunt: Hæc & superiorum armorum consuetudine à Romanis cognouerāt, & à captiuis docebantur: sed nullâ ferramentorum copiâ , quæ sunt ad hunc vsum idonea, gladiis cespites incidere , manibus sagulisque terram exhaurire cogebantur: deinde turres ad altitudinē valli, falces testudinesque quas iidem captiui docuerant, parare ac facere cœperunt: denique Cæsar institutas ab iis turres , testudines munitionesque miratus est . Hic verò Cæsaris locus valde ostendit Gallis neque naturam neque studium bene gerendæ rei , sed disciplinam defuisse: deinde se primo belli gallici anno Vercingetorix multis cladibus acceptis dum Gallos consolatur, ait æquum esse, communis salutis causâ à Gallis impetrari , vt castra munire instituerent, quò facilius repentinos hostium impetus sustinere possent: Primum enim, ait Cæsar, eo tempore Galli castra munire cœperunt , idque præcipuè Cæsar nominatimque eo loco notauit. Et quidem ista munitio ad Gergouiam prima fuit muro castris ex grandibus saxis sex pedum facto , deinde ad Alexiam fossâ & maceriâ sex in altitudinem pedum perductâ. Murum illic Cæsar appellat, hîc tantum maceriam, vt etiam illum murum ex congerie lapidum cumulatam, sed temerè & sine arte factum fuisse appareat. Sed istam castrorum disciplinam minus accuratam Galli vete-

res habuerint .

Quid præliorum virtus ? qualis in his fuit ? virium certè confidentia prorsus ingens . Galli, vt est Africano bello , homines aperti minimè-que insidiosi , per virtutem non per dolum dimicare consueuerunt ideóque sic ad Cæsarem, qui Tigurinos inopinantes circumuenerat, Diuico Heluetius loquitur, Se ita à patribus maioribusque suis didicisse , vt magis virtute , quàm dolo contenderent aut insidiis niterentur . Atque militaris huius virtutis singularia multis locis in Cæsare exempla sunt , Prælio Heluetico cùm ab hora septima (vt est primo libro) ad vesperam pugnatum esset, auersum hostem videre nemo potuit : Sic Belgæ (vt est sexto) suis ante oculos interfectis nequaquam territi, sed per eorum corpora audacissimè transire conati : Sic Neruij (vt est ibidem) etià in extrema spe salutis tantam virtutem præstiterunt, vt cùm primi eorum cecidissent, proximi iacentibus insisterent, atque ex eorum corporibus pugnarent. His deiectis & coaceruatis cadaueribus, qui superessent, vt ex tumulo tela in Romanos conicerent pilæque intercepta remitterét. Simile est de Gallis militibus Cæsaris , cùm Munda in Hispania circumuallatur ex hostium cætorum cadaueribus & armis, Pro cespite (ait Hircius) cadauera collocabantur, scuta & pila pro vallo insuper occisis & gladij & mucrones & capita hominum

num ordinata ad oppidum hostium conuersa vniuersa, vt timorem virtutisq; insignia proposita viderent & vallo circumcluderentur aduersarij: Ita Galli tragulis iaculisq; oppidum, ex hostium cadaueribus complexi, oppugnare cœperunt. Hoc igitur è cadaueribus vallum iam patriis antè moribus Galli facere didicerant. At inde, opinor, ea nata de Celtis opinio est, quæ in Ethicis ad Nicomachum ab Aristotele scribitur, Nihil eos omnino metuere neq; motus terræ neque fluctus: Atque id nimirum est quod ait Strabo, Gallos Alexandro Magno interroganti quidnam maximè timerent, nihil esse, nisi ne super ipsos cœlum rueret. Loci curam in præliis non multò maiorem quàm in castris video fuisse, sicuti totis commentariis gallici belli perspicuum est, cùm Heluetij & Neruij iniquissimo loco Cæsarem sint aggressi: & si quid tandem consideratius hîc fuit, imitatione romanæ disciplinæ factum est, Ordo verò, accuratior fuit, in quo nobis erit illud primum, Cùm ex pluribus ciuitatibus exercitus constaret, milites generatim distributi in ciuitates erant, separatimque singularum ciuitatum copiarum collocabatur. Sic Neruico bello Atrebatibus sinistrum cornu, Neruiis dextrum attributum est, Veromanduis acies media: Sic septimo libro de copiis Vercingetorigis, Hoc se colle interruptis pontibus, Galli fiduciâ loci continebant gene-

ratimque distributi in ciuitates omnia vada ac
 saltus eius paludis, certis custodiis obtinebant.
 Et ibidem, At Vercingetorix castris prope oppi-
 dum in monte positus, mediocribus circum se
 interuallis, separatim singularum ciuitatum co-
 pias collocauerat, atq; omnibus eius iugi colli-
 bus occupatis, quâ despici poterat, horribilem
 speciem præbebat, principesque earum ciuita-
 tum, quos sibi ad consilium capiendum delegerat,
 primâ luce ad se quotidie conuenire iube-
 bat, seu quid communicandum, seu quid admi-
 nistrandum videretur: Neque vllum ferè diem
 intermittebat quin equestri prælio interiectis
 sagittariis quid in quôque esset animi ac virtu-
 tis suorum periclitaretur. Sic primo libro è ciui-
 tate Heluetiorum, pagus Tigurinus reliquis tri-
 bus Ararim traductis, separatim circumuentus
 est: Sic pagus Verbigenus cum à cæteris seiun-
 ctus profugisset, & ad Cæsare esset reductus, in
 numero hostium est habitus: Hanc eandem per
 genera gentium distributionem Germani te-
 nuere (vt Tacitus apertiùs admonuit). Quod-
 que præcipuum (ait) fortitudinis incitamentum
 est, non casus nec fortuita conglobatio, turmam
 aut cuneû facit, sed familiæ & propinquitates.
 Eius rei exemplum est in Germanis Ariouistum
 secutis, qui tum demum, vt est primo libro, ne-
 cessariò suas copias è castris eduxerunt genera-
 timque constituerunt paribus interuallis Haru-
 des,

des, Marcommanos, Tribocos Vangiones, Nemetes, Sedusios, Sueuos. Quapropter loci præsentis quæstionem concludo, cùm ex pluribus ciuitatibus gallicus exercitus constaret, milites generatim in ciuitates distributos fuisse. Fuit verò Gallis phalanx in præliis vsitata vt Romanis legio. Phalanx ab Æliano subtiliter explicatur in cornua dextrum & sinistrum & duas medias acies, & singule rursus in partes & particulas varias, vt tandem decuriæ partes minimæ fiant in phalange grauitè armata, milleviginti quatuor: Denique equitum leuiter armatorum, tum peditum, sed numero subduplæ, tum equitum, & subquadruplæ: Primus in decuria, decurio dicitur, postremus, tergiductor: Primus est præstes secundi, secundus primi substes & præstes tertij, ac deinceps in hunc modum totus decuriæ ordo constat è præstitibus alternis & substitutibus, profligatòque præstite, substes eius locum ingreditur, nec semel occupatus locus vnquam defensore nudatur. Secunda decuria condecuriatur primæ, cùm sic decurio decurioni adiungitur & secundus secundo, tertius tertio, vt versus versus loco & numero respondeat, & vnus decuriæ milites sic è regione respondentes, astites dicuntur: Interuallis autem certis distinguuntur phalangitæ ordinati, cubitis quatuor, densati, duobus, constipati, vno. Phalanx igitur eiusmodi, Gallorum veterum fuit. Heluctiis con-

fertissima acies, ut est primo libro, contra Cæsaris equitatu fuit, eoque pulso, phalanx facta sub aciem primam successit. Sed Romani pilis missis, phalangem Helueticam perfregerunt: confertissima videlicet erat, & vitandorum pilorum gratia cepit laxari scutaque ipsa in morem testudinis ad pila excipiendum coniungi. Eodem autem libro Germani celeriter ex consuetudine sua, phalange facta, impetus gladiatorum exceperunt. Atqui hanc phalangem non ut testudinem regedis capitibus, sed velut murum pectoribus obiectum video: Sed Heluetico bello auxilia sociorum Boiorum & Tulingorum carris & impedimentis agmen clausere, nouissimisque praesidio fuere: ac iam aduerso praelio, vulnorum multitudine defessis Heluetiis pedemque referentibus & in proximum montem sese recipientibus, ex itinere Romanos latere aperto aggressi, circumuenerunt: idque conspicati Heluetij, rursus instare & praedium redintegrare ceperunt. Hinc quaedam gallica instructae aciei forma est. Ad hanc totius exercitus aciem pertinet illud Hircij, Gallos in acie solitos substratis fascibus sarmentorum ac virgultorum sedere: quod quamquam à Cæsare superioribus Commentariis declaratum esse dicit, nusquam tamen compario: sed tamen substratis fascibus in acie sedere gallicum fuit, simili nempe disciplina ac Romani triarii, qui tertio ordine in acie constituti,

genibus

genibus nixi subsidebant, unde subsidium nominatum est. Sed hæc gallici ordinis pauciora: At cohortationis, quæ præcipua virtutis incitatio est, Tongè plura memorantur. Initio prælij, vnà cum primis telis, clamorem quàm maximū tollere, tubis, militum animos incendere, militaris disciplinæ solenne est: At gallicæ consuetudinis fuit, non clamore solū & tubis, sed cātu, tripudio, vlulatu, armorum crepitu, telorum iāctū, tantum tumultum terroremque initio pugnæ facere, vt nihil horribilius fieri posse videretur. Vocem, ait Diodorus, Galli grauem habent atque asperam, sed & tubas habent suo more barbaras, & quæ asperum sonum reddant. Sed Polybius plura libro secundo, cū sic de Gallis loquitur, Cæterū Romanos, Celtarum ornatus ac tumultus vi sua terrebant. Innumerabilis enim erat buccinatorum & tibicinum multitudo, cum quibus vnà toto exercitu conclamante, tantus ac talis clangor factus est, vt non solū tubæ & copiæ ipsæ, sed vicina loca vociferari viderentur. Atqui totus hīc gallicus tumultus, frequenter à Liuiο, sed inimicè & cōtumeliosè, vt de Gallis loqui ferè solet, notatus est, Galli, ait quinto libro, truci cantu clamoribūsq; variis, horrendo cūcta compleuerant sono. Et ibidem, Mox vlulatus cantūsq; dissonos vagantibus circa mœnia turmatim Gallis, audiebant. Item, Galli occurrant, ait libro tricesimo quarto, cum

D



variis vlulatibus, cantúque moris sui quatien-
 tes scuta sua super capita vibrantesque dextris
 tela. Item libro quadragesimo octauo de Gallis
 in Asia, Ad hoc cantus ineuntium prælium &
 vlulatus & tripudia & quatientium scuta in pa-
 trium quendam morem, horrendus armorum
 crepitus, omnia de industria composita ad ter-
 rorem. Cæsar hūc tumultū leuius attigit. Quin-
to libro victis Sabino & Cottâ sic ait de Gallis
 victoribus, Tum verò suo more victoriam con-
 clamant, atque vlulatum tollunt. Et iterum li-
 bro septimo de Gallis ad Alexiam, Cū suos
 pugnâ superiores esse Galli confiderent & Ro-
 manos multitudine premi viderent, omnibus
 partibus & ij qui munitionibus cōtinebātur, &
 ij qui ad auxilium conuenerant, clamore & v-
 lulatu, suorum animos confirmabant. Item,
 Multum ad terrēdum Romanos valuit clamor
 qui post tergum pugnantibus exitit. Sed cla-
 more etiam tanquam tubicine, colloquium pe-
 tere, Gallis patrium fuit: Sic Cæsar libro quinto
 de Eburonibus, Tum suo more (ait) conclama-
 uerunt ut aliqui ex Romanis ad colloquium
 prodirent. Notas verò gallicæ consuetudinis
 illas etiam lubet addere pacati animi, pacis, de-
 ditionis: Pacati nempe animi signum gallicum
 in bello fuit, dextrum humerum exerere. Sic de
 Heduis libro septimo, Tametsi dextris humeris
 exertis animaduertebantur, quod insigne, paca-
 tis

tis esse consueuerat. Pacis verò petendæ gallicum signum fuit manus tendere: sic libro secundo de Bellouacis, Pueri mulierisque ex muro passis manibus suo more pacem à Romanis petierunt: Quod item libro septimo de Gergouiorum mulieribus, quæ pectore nudo prominentes, è muro passis manibus obtestabantur Romanos. Atque hoc idem signū deditionis fuisse eodem libro significatur. Hedui manus tēdere, deditionem significare & proiectis armis mortem deprecari incipiunt. Sed hæc fortasse minutiora: tumultum gallicum concludo, & quid Germanis simile fuerit, requiro. Hic videlicet baritus fuit Germanorum, de quo Tacitus, Sunt illis hæc quoque carmina, quorum relatu, quem baritum vocant, accendunt animos futuræque pugnae fortunam ipso cantu augurantur: Terrent enim trepidantque prout sonuit acies: Nec tam vocis ille quàm virtutis concentus videtur: Affectatur præcipuè asperitas soni & fractū murmur obiectis ad os scutis, quo plenior & grauior vox, repercussu intumescat. Quapropter gallicus tumultus conferendis signis atque accendendis animis eiusmodi fuit. Verum enim verò etiā Gallæ foeminæ cohortationis huius partes habuere: Nullis verò tubis, nullis cornibus vehementiùs animos virorum incendi putes quàm adhortationibus & lachrymis charissimarū coniugum: Sic enim ut est libro septimo, Gergouia

P. RAMI LIBER

matresfamilias suos obtestari, & more gallico
 passum capillum ostentare liberosque in conspe-
 ctum proferre ceperunt. Talis est exhortatio in
 Massiliæ oppugnatione, Instructâ classe (ait Cæ-
 sar) omnium seniorum, matrumfamilias virgi-
 numque precibus & fletu excitati, vt extremo
 tempore ciuitati subuenirent, non minore ani-
 mo ac fiducia quàm antè dimicauerant, naues
 conscendunt: Tum facile erat ex castris C. Tre-
 bonij atque omnibus superioribus locis prospici-
 cere in urbem, vt omnis iuuentus quæ in oppido
 remanserat, omnesque superioris ætatis cū libe-
 ris atque vxoribus, ex publicis custodiis aut ex
 muro ad cælum manus tenderent aut templa
 Deorum immortalium adirent, & ante simula-
 chra proiecti, victoriam ab diis exposceret. Cui
 simile est illud de Germanis primo libro, Et mu-
 lieres ad præliū proficiscentes milites, passis ma-
 nibus flentes implorabant ne se in seruitutem
 Romanis traderent. Ergo etiam Germanorum
 præliis: in proximo (vt Tacit⁹ ait) sunt pignora,
 vnde scæminarum vlulatus audiri, vnde vagitus
 infantium: hi cuique sanctissimi testes, hi maxi-
 mi laudatores: Ad matres, ad coniuges vulnera
 ferunt, nec illæ numerare aut exugere plagas pa-
 uent, cibosq; & hortamina pugnantibus gestant:
 Memorix proditur quasdā acies inclinatas iam
 & labantes à scæminis restitutas cōstantiâ precū
 & obiectu pectorū, & mōstratâ cominūs capti-
 uitate

uitate quam longè impatientiùs, fœminarum
 suarum nomine timent, adeò vt efficacius obli-
 gētur animi ciuitatū, quibus inter obsides puel-
 læ quoque nobiles imperantur. Quare mulieres
 bellicosorum & fortium virorum, etiam belli-
 cosę, etiam fortes fuere. Verumenimuerò nescio
 quomodo Cēsar dum eximiam animi magnitu-
 dinem Gallis attribuit, etiam mollitię penē cō-
 trariam obiicit. Nam, vt ad bella suscipienda (ait
 libro tertio) Gallorum alacer ac promptus est a-
 nimus, sic mollis ac minimè resistens ad calami-
 tates perferendas mens eorum est: Denique, vt
 est octauo libro, vix iudicari potest vtrum Galli
 sint secundis minimisque rebus insolētiore, an
 aduerso mediocri casu timidiore: Quod Liuius
 tam insolenter arripuit, vt locis omnibus Gallos
 nouā perpetuò aliquā generis huius cōtumeliā
 persequatur: Sic enim de Gallis Togatis 5. libro,
 Gallica gēs humori ac frigori assueta, pulueris &
 æstus intolerantissima. Libro 10, Gallorū corpo-
 ra intolerantissima laboris atq; æstus fluere, pri-
 mæque eorū prēlia plusquam virorum, postrema
 minùs quàm fœminarū. Tricesimo septimo, In-
 toleratissima laboris corpora, vix arma humeris
 gerebāt: Quadragesimo quarto, Labor & æstus,
 mollia & fluida corpora Gallorū & minimè pa-
 tiētia sitis. Quadragesimo octauo de Galatis A-
 siæ, Si primū impetum, quem feruido ingenio &
 cæcā irā effundūt, sustinueris, fluūt sudore & lac-

situdine mēbra, labāt arma, mollia corpora, mol-
 les vbi ira cōfedit animos, sol, puluis, sitis, vt fer-
 rum non admoueat, prosternunt. Hanc mollitiē
 Germanis Tacitus etiā attribuit, Magna corpora
 (ait) & tātū ad impetum valida, laboris atque
 operū non eadem patientia minimēque sitim æ-
 stūque tolerare, frigora atq; inediā cælo sōlūe
 assueuerunt. Quid igitur? Cæsaris iudicio Galli
 fortissimi & iidē tamen mollissimi prædicantur?
 Certè Galli omnes, naturā bellicosi prædicatur:
 sed disciplinā militari exercitati cōstantiores, in-
 exercitati molliores. Ferre laborē, resistere peri-
 culis cōsuetudo & vsus docēt, infinitus discipli-
 nę militaris labor est: atque ex hoc ille veteranus
 in præliis paratus ad vulnera, Adduc pari animo
 tyronem & inexercitatū militem, mulier vide-
 bitur (ait secundā Tusculanā Tullius) Ac nimi-
 rum mollietates ista est quam etiā Galli & Vercin-
 getorix & Critognatus Aruerni suis militibus
 septimo libro obiiciūt: ille enim ait Gallos præ-
 lio propter animi mollitiē studere quòd diutiùs
 laborē ferre non possent: hic in consilio Alexiæ
 obsessorum & fame laborantiū aduersus eos qui
 eruptione periclitāda omnia censebant, Animi
 (ait) est ista mollicies, nō virtutis paulisper ino-
 piam ferre non posse: qui se vltro morti offerant,
 facilius reperiantur, quàm qui dolorem patiēter
 ferāt. Ergo à natura & stirpe gallicę gentis prò-
 ptus ille atque alacer animus est ad bella susci-
 pienda

pienda: mollities è discipline militaris insolètia: Etenim Gallum, magistro militiæ in disciplinâ tradito & informato, quem tandem militem in omni labore & patientia duriorè reperiēs? Periculū, si dubitas, à Cæsare mollitiei huius factum est: Sex enim Cæsaris legiones gallico delectu ab ipso Cæsare conscriptę sunt: quatuor enim tantū à Repub. acceperat: Equitatus Cæsaris, gallicus fuit, atque idèò Alaudam illā non solū genere sed nomine gallicam, rerū potitus Romanā ciuitate totā donauit. Quapropter mollicies ista rudis & inexercitati militis siue Galli siue Romani communis est, nō gallici & germanici generis propria. Sed Liuius cum Græcis quibusdā, in Gallorū nomine insolentior atque intolerantior est patriæque charitatem & historiæ legem obliuiscitur: Quāuis enim Venetos ab Antenore proditore quā à Gallorū Venetorum nobilitate deducere maluerit, vt Strabo deduxit, vt Romani ipsi videntur affirmare qui Venetos in Gallia Togata statuunt: attamen Gallus fuit: & lex historię vetat ne qua gratiæ, ne qua similitudinis in historia suspitio sit: At cū frigoris ineptias illas Gallis Togatis & Asiaticis obiicit, qui Parauinis (vnde ipse Liuius est) calidiores & soli viciniore regiones incolūt, annon ineptissimè nugatur? Sed Gallus Cæsaris miles, omniū militum qui vnquam fuerint longè præstantissimus, hominē manifestę vanitatis arguit: & Cæsar in

una Gallia cōtra viros, in reliquis orbis partibus
 præ viris illis contra mulieres dimicasse meritò
 videatur. Et verò Cæsaris miles aduersus Pom-
 peij militem, id est Gallus aduersus Romanum
 qualis est? Insolitus ad laborem Pōpeij exercitus
 à Cēsare tertio bellī ciuilis appellatur. Quare Li-
 uius lacteo isto, vt Quintilianus purat, eloquētię
 candore ex vltimis orbis finibus ad se audiendū,
 Hispanos & Gallos Romā, vt Hieronymus au-
 thor est, excitauit: attamē in hac mollietie laboris,
 æstus, sitis, pulueris impatientissimā, molliciem
 ipse ingenij sui & affectionē, æquitatis, historiæ
 gravitatis, iudicij, veritatis vehemēter impatiē-
 tē ostendit, molliciesque ista, seu durities, neque
 generis neque stirpis est, sed disciplinæ & edu-
 cationis: Magnum igitur animum verēque bel-
 licosum Gallis meritò Cæsar attribuit: atque in
 hac animi tamen magnitudine, infirmitatē quā-
 dam & disciplinæ penuriā deprehendit: imò ve-
 rò simplicitatem quādam, & improuidā virium
 suarū confidētiā animaduertit: cuius error in
 bellis maximus ille notatus est, vt Strabo prodi-
 dit, Cōgregantur Galli (ait libro 4.) plurimi fa-
 cile, quòd animo simplices sunt, rectūq; & verū
 persequentes, propinquorū detrimētis affecti &
 cōmoti. Et ibidem, Itaque facilius accidit eos fi-
 nibus expelli, cū gregatim totis copiis vel po-
 tius totis familiis inuecti à valētioribus eiiciantur:
 hos Romani multò facilius, q̃ Hispanos subiug-
 garunt.

garūt: Etenim longè antea Hispanienſe bellum inchoatū eſt & poſtea tamen confectū: intermedio autem tēpore vniuerſos Gallos intra Rhenū & Pyrenæum montem domuere: conferti enim & plurimi ſimul irruentes, cōferti ſimul & plurimi cecidere. Hiſpani verò prælia parcius diſpenſabāt, ſubtiliūſque tanquam numiſmata alij alio tempore partibus aliis latronum more bellantes, partiebantur. Id verò quod à Strabone proditum eſt, Cæſaris exemplis abundè percipi poteſt. Heluetiorum tota ciuitas duodecim oppidis, quadringētis vicis vno tempore tota præliatur & vno tempore tota vincitur: Talis Belgarum ex quindecim populis coniuratio: Talis Armoricorū venetico bello rebellio, talis Aquitanorum contra Craſſum cōſpiratio fuit: Denique nōne tota Gallia vno ad Alexiam bello & armata & debellata eſt: hunc errorē Galli poſtea octauo belli Gallici anno ſenſere & cognouere, vt ait Hircius, neque vlla multitudine in vnum locum coacta reſiſti poſſe Romanis: At ſi diuerſa bella complures eodem tempore intuliſſent ciuitates, non ſatis auxiliij aut ſpatij aut copiarum habiturum exercitum populi Romani ad omnia perſequēda: Nec tamen ſimplex iſte animus, ſinēq; dolo apertus, Gallis perpetuus fuit, ſed aliquando cautus & inſidioſus fuit. Cæſar nulla belli occaſione, ne iniuſti quidem (ait Suetonius) abſtinuit tam fœderatis quàm infeſtis

ultro læcessitis: bellorum tamen omnium causas satis bellis coloribus induxit: Cæsaris fidem Galli Eburones Cæsari reddidere. Coniurationem Gallorum omnium esse factam, securum tamen iter ac liberum comitatum castra relinquenti Romano Gallus persuasit: Hac fallacia legio una & cohortes quinque cum Cotta & Sabinio Legatis perire: Ac quamuis tum numero ac virtute Romanus (ut Cæsar confitetur) Gallo par esset: arte tamen Galli victus est: istam fraudem Gallus à Cæsare didicerat: & Cæsari reposuit. Eiusmodi Bellouacorum insidiæ ab Hircio memorantur, Bellouaci delecta manu pedatum, cognitis stationibus quotidianis equitum Romanorum syluestribus locis insidias disponunt, eodémque equites postero die mittunt, qui primū elicerent Romanos in insidias, deinde circumuentos aggredierentur, cuius mali sors incidit Rhemis, quibus ille dies fungendi muneris venerat: namque hi cum repente hostium equites animaduertissent, ac numero superiores paucitatem contempsissent, cupidius insecuti à pedatibus undique circumdati sunt, quo facto perturbati celerius quàm consuetudo fert equestris prælij se receperunt amisso Vertisco principe ciuitatis, præfecto equitum. Ergo hæc non iam simplicitas Gallorum est, sed Afrorum calliditas. Atque ibidem Hircius velut Annibalis ad eludendum Fabiū astutiam commemorat, Bellouaci

louaci(ait)cùm Romanos ad insequendum paratos videret,neque pernoctare aut diutiùs permanere sine periculo eodem loco possent , tale consilium sui recipiendi cœperunt , fasces vbi confederant, per manus stramentorũ ac virgultorum,quorum summa erat in castris copia, inter se traditos ante aciem collocauerunt, extremoque tempore diei , signo pronuntiato , vno tempore incenderũt, ita continens flamma omnes repentẽ copias à conspectu texit Romanorum,quod vbi accidit,Galli vehemētissimo cursu refugerunt,Cæsar etsi discessum hostium animaduertere non poterat,incendiis oppositis:tamen id consilium cùm fugæ causã ininitum suspicaretur, legiones promouet & turmas ad insequendum mittit,ipse veritus insidias , ne fortẽ in eodem loco subsistere hostis atque elicere Romanos in locum conaretur iniquum,tardiùs procedit : Equites cùm intrare fumum & flammam densissimam timerent , ac si qui cupidius intrauerant , vix suorum ipsi priores partes animaduertenterent equorum,insidias veriti, liberam facultatem sui recipiendi Bellouacis dederunt. Ita fugã timoris simul calliditatĩque plena,sine vllò detrimento millia non ampliùs decem progressi hostes,munitissimo loco castra posuerũt. Inde cùm sæpe in insidiis equites peditẽsque disponerẽt,magna detrimenta Romanis in pabulationibus inferebant. Hoc igitur,vt dixi,non

P. RAMI LIBER

gallicum, sed punicum ingenium videatur: His tamen insidiarum artibus quas à Cæsare didicerant, à magistro ipso tandem capti sunt: Sed tamen ne sine Romanis, astu nil potuisse Gallia videatur, Cassium Consulem cum toto exercitu Heluetij, vt Orosius libro sexto author est, insidiis circumuenerere. Vnum verò genus insidiarum gallicarum omnium quidem quæ legerim vel audierim maximè mirabile, minimè prætereundum esse statui, quo Posthumius Prætor à Bojis Gallis oppressus est. De hoc ita Liuius libro tricesimo tertio, Cùm eæ res maximè agerentur, noua clades nunciata, alia super alia cumulante in eum annum fortunâ, Lucium Posthumium Consulem designatum, in Gallia ipsum atque exercitum deletos. Sylua erat vasta, Litana nam Galli vocant, quâ exercitum traducturus erat, eius syluæ dextrâ læuâque circa viam Galli, arbores ita inciderât, vt immotæ starent, momento leui impulsæ occiderent: Legiones duas Romanas habebat Posthumius sociûmque ab supero mari tantùm conscripserat, vt viginti quinque millia armatorum in agros hostium induxisset, Galli oras extremæ syluæ cùm circumsedissent, vbi intrauit agmen saltum, tum extremas arborum succisarum impellunt, quæ alia in aliam instabilem per se ac malè hærentem incidentes, ancipiti strage arma, viros, equos obtruerunt, vt vix decem homines effugerent: Nam
cùm

cùm exanimati plerique essent arborum truncis fragmentisque ramorum, ceteram quoque multitudinem inopinato malo trepidam, Galli saltum omnem armati circumsidentes interfecerunt, paucis è tanto numero captis, qui pontem fluminis petentes, obfesso ante ab hostibus ponte interclusi sunt. Hæc Liuius.

Verùm de Gallica militia quæ collatis signis vel insidiis aperto loco fieret, satis: militiæ loco conclusæ mores iam sunt dicendi, quæ gallica oppidorum munitio, quæ contra oppugnatio fuerit. Quid igitur oppida quânam arte Galli munierunt? quibus machinis defenderunt? Equidem expectari non arbitror à Morinis, Neruiis, Menapiis, Aduaticis, Eburonibus oportere, quibus modis oppida munierint, cùm ne oppida quidem coluisse videantur: Hinc illa Aduaticorum visis Romanorum machinis admiratio, de qua sic est secundo libro, Postea vallo pedum duodecim in circuitu quindecim millium crebrisque castellis circummuniti, oppidò sese continebant, vbi vineis actis, aggere extructo, turrim procul constituti viderunt, primùm irridere ex muro atque increpitare vocibus, quòd tanta machinatio à tanto spatio institueretur, quibuscumque nam manibus, aut quibus viribus præsertim homines tâtulæ staturæ tanti operis turrin in muros sese collocare confiderent: Vbi verò moueri & appropinquare muris viderunt, nouâ atque

P. RAMI LIBER

inufitatâ specie commoti , legatos ad Cæfarem de pace miferunt , qui ad hunc modum locuti , Non fe exiftimare Romanos fine ope decorum , bellum gerere , qui tantæ altitudinis machinationes tantâ celeritate promouere & ex propinquitate pugnare poffent , fe fuâq; omnia eorum potefitati permittere dixerunt. Hæc Cæfar. Tantum intereft (ait Tullius fecunda Tufculana) inter nouum & veteranum militem , vt inexercitatus exercitato comparatus , mulier efle videatur. Hîc verò Gallus Cæfaris disciplinâ eruditus , Gallo eiuſdem artis ignaro , Deus videtur. Sed abi à Belgis iſtis remotioribus ad illos humaniores , vt Sueſſiones & Bellouacos , Sueſſiones (ait Cæſar libro ſecundo) vineis ad eorum oppidum Nouiodunum actis , aggere iacto turribuſque conſtitutis , magnitudine operum quæ neque viderant antè Galli neque audierant & celeritate Romanorû permoti legatos ad Cæſarem de ditione mittunt. Bellouaci. His etiam oppugnationis machinis nondum viſis , ſed auditis tantum Bratuſpantium oppidum dediderunt. Quare , ſi Galli (vt ait Cæſar) antè tempus illud opera eiuſmodi nulla neque viderât neque audierant quid miramur rudes iſtorum artificiorum Gallos à Gallis peritis ſuperatos efle ? Verum aut Cæſaris locus ille de Belgis tantum ſcriptus eſt , aut certè verè & hiftoricè ſcriptus efle non videtur : Muros enim , Galli trabibus non erectis , ſed

sed in ſolo collocatis & aggere intermedio veſtitis apptiſſimos efficiebant, de quibus ita Cæſar libro ſeptimo, Muri (ait) omnes gallici hac ferè formâ ſunt, trabes directæ perpetuæ in longitudinem paribus interuallis diſtantes inter ſe binos pedes, in ſolo collocantur, hæ reuinciuntur introrſus & multo aggere veſtiuntur: Ea autem quæ diximus interualla grandibus in fronte, ſaxis effarciuntur: His collocatis & coagmentatis alius inſuper ordo adiicitur, vt idem illud interuallum ſeruetur, neque inter ſe contingant trabes, ſed paribus intermiſſæ ſpatiis ſingulæ ſingulis ſaxis interiectis arctè contineantur: ſic deinceps omne opus cõtexitur: dum iuſta muri altitudo expleatur: hoc cùm in ſpeciem varietatẽque opus deforme non eſt, alterius trabibus ac ſaxis, quæ rectis lineis ſuos ordines ſeruant, tum ad vtilitatem & deſenſionem vrbiũ ſummam habet opportunitatem: quodd & ab incendio lapidis & ab ariete materia defendit, quæ perpetuis trabibus pedes quadragenos plerumque introrſus reuincta neque perrumpi, neque diſtrahi poteſt. Galli igitur muniendi oppidi: imò verò etiam bellicis artibus defendendi ſcientiam quandam videntur habuiſſe. Tertio belli gallici anno Sontiates Aquitani à Cratſſo vincis turbisque obſeſſi ſunt: At illi fortiter reſtiterunt aliàs eruptione tentatâ, aliàs cuniculis ad aggerem vincis actis, cuius rei ſunt (ait Cæſar) longè

peritissimi Aquitani, propterea quòd multis locis apud eos ærariæ secturæ sunt. Hæc Cæsaris oratio est, quâ confirmat Aquitanos defendendi oppidi peritissimos fuisse, sed quia secturas & fodinas ærarias habuerint. Eadem scientia ac multò etiam maior Celtis Auaricensi obsidione eadèmq; scientiæ causâ tribuitur, quòd apud eos magnæ sint ferrariæ. Itaque cùm à Romanis fortiter Auaricum oppugnaretur, singulari militum Romanorum (ait Cæsar libro septimo) virtuti consilia cuiusque modi Gallorum occurrebant, ut est summæ genús solertiæ, atque ad omnia imitanda & efficienda quæ à quòque tradantur aptissimum: Nam & laqueis falees euehebant, quas cùm distinuerant, tormentis introitus reducebant, totum murum turribus corio contextis contabulabant: Romanarum turrium altitudinem, turriû suarum malis adæquabant, eruptionibus aut aggeri ignem inferebāt, aut Romanos occupatos adoriebantur, aut aggerem cuniculis subtrahebāt eò scientiùs quòd apud eos magnæ sunt ferrariæ atque omne genus cuniculorum notum atque vñtatū est. Cuniculis apertis, Romanas turres præusta & præacuta materia & pice feruefactâ & maximi ponderis saxis morabantur, mœnibûsque appropinquare prohibebant. Quapropter hoc exemplo videtur Gallus propugnādæ vrbis peritiam quādam habuisse: sed certè magis vñu fodinarum suarum,

suarū,quàm militaris artis præceptis institutam:
 Id enim est quod Vercingetorix, in consolatio-
 ne Auarici expugnati queritur, non virtute ne-
 que acie vicisse Romanos, sed artificio quodam
 & sciētiā oppugnationis, cuius rei Galli fuerint
 imperiti. Quare Cæsar's locus ille de Gallis om-
 nibus, verus videtur: Aggeres, vineas, turres Gal-
 li neque viderant antea neque audierant. Sed
 tamen artificium illud Romanum Gallis vete-
 ribus defuerit, vis animi certè non defuit: &
 quidem in illa propugnationis constantia val-
 de mirabile est quod septimo libro à Cæsare me-
 moratur, Galli bello Cimbrorum Teutonum-
 que in oppida compulsi grauique fame & ino-
 piā subacti, eorū corporibus qui ad bellum inu-
 tiles videbantur, vitam tolerauerunt, neque se
 hostibus tradiderunt: Cuius rei exemplū in Ale-
 xia propugnatione Critognatus summo in Ar-
 uernis natus loco reuocandum censuit: & si an-
 tea non fuisset, tamen libertatis causā institu-
 dum & posteris prodi pulcherrimum esse dispu-
 tauit: Quæ sentētia sic à reliquis Gallis accepta
 est, vt omnia prius experienda censerent quàm
 ad Critognati sententiam descenderent: illo ta-
 men potius vtendum consilio, si res cogat atque
 auxilia morentur, quàm aut deditionem aut pa-
 cis subeundam conditionem. Tales igitur ani-
 mos Gallia vetus habuit: Sed tamen propugna-

tio illa quamuis magnæ virtutis : attamen disci-
 plinæ magnæ non fuit: Oppugnatio etiã rudior
 sine aggere, sine vineis, sine turribus secundo li-
 bro describitur. Gallorum eadem atque Belga-
 rum oppugnatio est (ait Cæsar) Hi vbi circumie-
 cta multitudine hominum totis mœnibus vn-
 dique in murum lapides iaci capti sunt, murus-
 que defensoribus nudatus est, testudine factâ,
 portis succedunt murumque subruunt. Quam-
 obrem toto isto militiæ genere in locis fossâ val-
 lœque munitis Gallorû magna quidẽ virtus:
 at disciplina aut nulla aut perexigua cernitur.
 Atque hæc militia terrestris est: Naualis, quæ Bri-
 tánico & Venetico bello tractatur, suam etiam
 virtutẽ, sed simplicem, nec artificio magno ex-
 tructam habuit. Nauium gallicarû & materiam
 & formam partibus omnibus Cæsar exprimit,
 Naues (ait) ad hunc modum factæ armatæque
 erant, carinæ aliquanto pleniores quàm Roma-
 narû nauû, quò facilius vada & decessum æstus
 excipere possent: proæ admodum erectæ atque
 item puppes ad magnitudinem fluctuû rempe-
 statumque accommodatæ naues totæ factæ ex
 robore ad quamuis vim & contumeliã perfe-
 rendam, trãstra ex pedalibus in altitudinem tra-
 bibus confixa clauis ferreis, digiti pollicis cras-
 situdine: Anchoræ pro funibus, terreis cathenis
 reuinctæ: Pelles pro velis alutæque tenuiter cõ-
 fectæ, siue propter lini inopiã atque vsus insci-
 tiam,

tiam, siue, quod est magis vetisimile; quòd tantas tempestates Oceani tantòsque impetus ventorum sustineri, ac tanta onera nauium regi velis non satis commodè posse arbitrantur. Naues autem longas quibus Cæsar & Venetico & Britannico bello vsus est, Oceano ad illud tempus inusitatas fuisse locus ille quarti libri ostendit, Nam cum Romani à Britanis in Oceani litore premerentur, longas naues (quarum & species barbaris erat inusitatio & motus ad vsu expeditior, paulum remoueri ab oneratis nauibus & remis incitari & ad latus apertum hostium constitui, atque inde fundis, sagittis, tormentis hostes propelli ac sum moueri Cæsar iussit, quæ res magno vsui Romanis fuit: Nam & nauium figurâ & remorum motu & inusitato genere tormentorum permoti barbari, constiterunt ac paulum modò pedem retulerunt. Sed hætenus veteres gallicæ militiæ mores è variis partibus collectos habemus naturæ potiùs robore, quàm discipline institutione magnos: Et quidem quoad virtute non fallaciâ & dolo bella gesta sunt, omnium gentium dominos. Quare, vt facere geographi consueuerunt, orbem terrarum ab occasu solis, ad ortum persequare, Britannia, Hispania, Italia, Germania, Illyricum, Pannonia, Græcia, Macedonia, Asia denique ipsa Gallorum imperium ostendet. Etenim Britannia maritima (vt ait Cæsar libro quinto) ab iis qui præ-

P. RAMI LIBER

dx ac belli inferendi causâ ex Belgio transie-
runt, qui omnes ferè his nominibus ciuitatum
appellantur, quibus orti ex ciuitatibus eò per-
uenerunt, & bello illato, ibi remanserunt atque
agros colere cœperunt. Quid? Hispaniæ subactæ
nonne Celtiberia testis est? vnde enim illud est
Lucani?

—profugique à gente vetusta

Gallorum Celtæ, miscentes nomen Iberis.

At Italia fortasse Gallorum dominatum non
pertulit: Imò verò iam tum regnante Tarquinio
Prisco, Bituriges, Aruerni, Senones, Hedui, Am-
barri, Carnutes, Aulerci duce Belloues, Cæno-
mani Elitouio, tum Salluuij, Boij, Lingonés Ita-
liam ab Alpibus perpetuo Apennini iugo vsque
ad Rubiconem Galliam fecere, tandèmq; Ro-
manis ad Alliam cæsis, Romam cœpère & in-
cendère, Capitoliúmque obsessum, auri mille
pondo, pretium pacti, obsessis Romanorum re-
liquiis vendidère. Quid Germania ferox, Gal-
liæne concessit? Galli quondam (ait Cæsar libro
sexto) Germanos virtute superabant: Itaque
Volcæ Tectosages, Sigoueso duce, fertilissima
Germaniæ loca ad Hercyniam syluam occupa-
uère, vt etiam Liuius ibidem author est. Tacitus
eòdem præterea Heluetiorum & Boiorum co-
lonias deducit. At hi Germaniæ victores Galli,
Germanicâ frugulitate fortiores & animosio-
res facti, Illyrico, Pannoniâ, Græciâ, Macedo-
niâ,

niâ, Thraciâ, Asiâ latissimè gloriosissimèq; nominis sui famam propagarunt, vt ex Trogo Iustinus amplissimè proficitur, tantúsque gallici nominis terror fuit, vt etiam reges non laceßiti, vltro pacem ingenti pecuniâ mercarentur. Ptolemæum Macedoniæ regem duce Belgio obtruncarunt: Brenno duce, quasi hominum spolia sorderent, Apollinis Delphicum templum oppugnarunt: deinde noua ex iisdem Germaniæ Gallis, manus fugatis Getis Tribalísque, Antigono Macedoniæ rege castris exuto in Asiam profecti, tantum terroris omnibus, (vt Liuius, ille gallici nominis tantus obtrectator, quadragesimo octauo libro ait) quæ cis Taurum incolunt gentibus iniecerunt, vt quas adissent, quasque non adissent, pariter vltimæ propinquis, imperio parerent: Postremò cum tres essent gentes, Tolistobogi, Trocmi, Tectosagi, in tres partes, quâ cuique populorum suorum vetigalis Asia esset, diuiserunt, Trocmis, Helle-sponti ora data, Tolistobogi Æolida atque Ioniam, Tectosagi Mediterranea Asiæ sortiti sunt, & stipendium totâ cis Taurum Asiâ exigebant: sedem autem ipsi sibi circa Halyn flumen ceperunt, tantúsque terror eorum nominis erat, multitudinè etiam, magnâ sobole, auctâ, vt Syriæ quoque ad postremum Reges, stipendium dare non abnuerent. Hæc Liuius de Gallorum transitu in Græciam & Asiam. Quamobrem dum

bella, virtute, vt dixi, non dolo gesta sunt, gallicę fortitudinis laudes in eisdem quibus orientis occidentisq; solis cursus terminis, ac regionibus cōtinebantur. Postea verò disciplinę militaris inopiā, sed multò maximè domesticā inter se discordiā dum Cenomani Togatis, Malsilienses Brachatis, Hedui Comatis infensi, Romanos in patrię seruitutem adiuant, Galliam totam romano imperio prodidēte: imò verò vt gallicam virtutē imprimis hōc etiam suspiciamus & admiremur, Galli militari disciplinā instructi, vniuersiq; vnum Cæsarem bellique faciendi præstantem doctorem hacti, imperium populi Romani, tot sæculorum bellis partum, quadrienio subuerterunt: solum enim Gallorum illum consensum, cui, vt Vercingetorix augurabatur, ne orbis quidem terrarum posset oblistere, solum, inquam, Gallorum consensum solamque Galliam contra reliquas tanti imperij prouincias Cæsar habuit: Maeste igitur hęc virtute Galles, si pro patrię dignitate & gloria, non pro tyrannide aliena Italiam, Hispaniam, Græciam, Ægyptum, Asiam, Africam, rursus Hispaniam, totum denique populi Romani imperium subegisses.

Sed de fortitudine satis, vel fortasse nimium; rēpus est de prudentia dicendi, Enimverò disciplinarum studia (quibus hominis iudicium ad prudentiam confirmari solet) valde fuerunt in
vete-

veteribus Gallis insignia. Druydes cuiusque disciplinæ professores erant, Imprimis (ait Cæsar) hoc volunt persuadere, non interire animas, sed ab aliis post mortem trāsire ad alios: atque hōc, maximè ad virtutem excitari putant metu mortis neglecto. Multa præterea de sideribus atque eorum motu, de mundi ac terrarum magnitudine, de rerum natura, de Deorum immortalium vi ac potestate disputāt & iuueturi tradunt. Hęc Cæsar de Gallorum disciplina, sed breuiter, sed angustè: Itaque plenius & vberius explicemus. De Gallorum igitur ingeniis ad omnes disciplinas percipiendas idoneis, illud scriptum Cæsar reliquit libro septimo, quod antea citauimus, Genus summæ solertiæ atque ad omnia imitanda & efficienda quæ à quōque trandantur aptissimum: Sic & Diodorus (ait) Quamuis sermone breui & subobscurο atque ambiguo vtantur, tamen à doctrina minimè alienos esse: Cum quo Strabo consentiens ait Gallos persuasione facile adduci ad id quod ex vsu fuerit: Itaque disciplinas & artes capessere. Ergo cupientibus ingeniis atque optantibus, disciplinæ cuiusque generis iam initio illō mundi per Noëum patrem restituti traditæ sunt: Nam si Berosus ille verus est, qui hodie passim legentium manibus teritur, Dis primus gallicæ gentis author, sapientiā clarus fuit, indeque Semnothes appellatus, & ab eo sapientiæ professores Semnothei. At Berosi hi-

storiam Cæsaris locus ille videtur affirmare, Gal-
 li, ait, se omnes à Dite patre prognatos prædicâr,
 idque à Druydibus proditum dicunt: Ob eam
 causam spatia omnis temporis, nō numero die-
 rum, sed noctium definiunt, & dies natales, &
 mensium & annorum initia sic obseruât, vt no-
 ctem dies subsequatur. Noctem verò dies subse-
 quens Germanis etiam fuit, nec dierum nume-
 rum vt nos (ait Tacitus) sed noctium computât:
 Sic constituunt, sic condicunt: nox ducere diem
 videtur. Atque illud fortasse populo vtrique in
 vsu fuit, horarum initia à media nocte ducere.
 Sed ad Ditem patrem & Semnotheos Berosi re-
 deo: cum quo congruit Aristotelis opinio, qui
 in Magico prodidit (vt author est Laërtius)
 philosophiâ à Gallorum Semnotheis initio pro-
 fectam esse. Tradit Berosus idem, Saronem ter-
 tium Galliarum regem vt ferociam primorum ho-
 minum contineret, publica literarum studia in-
 stituisset: & de Saronidis postea plenius dicitur:
 Quartum fuisse Druyum, Vnde Druydes, de
 quibus à Cæsare plurima præcipientur: Quin-
 tum, Bardum, cuius gloria in Bardis poëtis &
 oratoribus celebrabitur. Quare disciplinæ galli-
 cæ antiquas professiones & ipsa vetustatis effi-
 gie veneranda magisteria perspicimus. Marcel-
 linus libro decimoquinto de Gallorum origine
 his ferè consentanea tradidit, Ambigentes (ait)
 super origine prima, Gallorum scriptores vete-
 res,

res, notitiam reliquere negotij semiplenam: sed postea Timagenes & diligentia Græcus & linguâ, quæ diu sunt ignorata collegit ex multiplicibus libris: cuius fidem secuti, obscuritate dimota, eadem distinctè docebimus & apertè. Aborigines primos in his regionibus quidam visse esse firmarunt, Celtas nomine regis Amabilis & matris eius vocabulo Galatas dictos (ita enim Gallos sermo græcus appellat) Alij Dorientes, antiquiorem secutos Herculem, Oceani locos inhabitasse confines. Drasidæ memorant reuera fuisse populi partem indigenam: sed alios quoque ab insulis extimis confluisse & tractibus transrhenanis, crebritate bellorum & alluvione feruidi maris sedibus suis expulsos. Aiunt quidam paucos post excidium Troiæ fugitâtes Græcos ubiq; dispersos, loca hæc occupasse tunc vacua. Regionum autem incolæ id magis omnibus adseuerant, quod etiam nos legimus in monumentis eorum incisum: Amphitrionis filium Herculem ad Geryonis & Taurisci seuorum tyrannorum perniciem festinasse, quorum alter Hispanias, alter Gallias infestabat, superatisque ambobus, coisse cum generosis scæminis suscepisseque liberos plures, & eos, partes quibus imperitabant suis nominibus appellasse. A Phocæa verò Asiaticus populus, Harpali inclementiam vitans Cyri regis, præfecti, Italiam nauigio petiit: cuius pars in Lucania Veliam: alia condidit

in Viennenſi Maſſiliam: dein ſecutiſ ætatibus,
oppida, auctâ virium copiâ, inſtituere nō pauca,
ſed declinanda varietas, ſæpe ſatietati coniun-
cta. Poſt hoc loci hominibus paulatim excultis,
ingruere ſtudia laudabilium doctrinarum in-
choata per Bardos & Eubages & Druydas. Hæc
Marcellinus de Hercule, Berolo congruenter:
Beroſus enim ait ab Hercule ex Hiſpania reuer-
tente Galatheam conſenſu parentum gravidam
eſſe, indeque natum Galathem, à quo Gal-
lis nomen factum ſit. Quamobrem diſciplinæ
Gallicæ vetuſtas, hiſ testimoniis intelligitur: ſed
cuiuſnam (inquies) diſciplinæ? Grammaticæ (in-
quam) Rhetoricæ, Logicæ, Mathematicæ, Phy-
ſicæ, Theologiæ. Grāmatica docebat literas le-
gere & pingere: talis enim ars hæc fuit linguiſ
integris neque dum peregrinorum colluui-
one corruptis: ſic apud Platonem in Philebo Grā-
matica Græca inſtituitur. Hic mihi ſentire vi-
deor, quid à plerique doctis & eruditis ingeniis
requiratur, quænam hæ veterum Gallorum lite-
ræ fuerint: Cæſar nempe ſexto libro græcas fuiſ-
ſe confirmat, Diſciplinæ (ait) nefas eſſe exiſti-
mât literis mandari, cū in reliquis ferè rebus pu-
blicis priuatique rationibus græcis vrantur lite-
ris. Hic Cæſar non obſcurè, ſed planè ac diſertè
loquitur Gallos græcis literis vſos eſſe, id eſt cha-
racteribus illis α, β, γ, &c. Sic primo libro eiuf-
dem rei teſtimonium eſt, In caſtris Heluetiorū,
tabulæ

tabulæ repertæ sunt literis græcis confectæ: Enimuerò Cæsar literas illas quibus tum Galli utebâtur græcas appellat: at ego gallicas appello, nec à Græcis in Galliam, sed à Gallia potius in Græciam venisse statuo. Quis literas primus inuenerit, grauis & magna quæstio est, variisque opinionum sententiis apud Plinium disceptata, vt literarum inuentum nullius esse gentis proprium, sed earum vsum æternum fuisse existimet. Cadmus (si verus est libellus Xenophonti cuidam attributus) è Phœnicia in Græciam primus sedecim literas detulisse dicitur & eas quidem Galatarū & Mæonum characteribus persimiles: Hinc enim coniectura sit à Galatis ad Græcos literas venisse: Sed eiusdem rei sit illa nō verisimilis cōiectura, sed certa è temporū ratiocinatione & chronologia demonstratio, cū disciplina Semnotheorum, Saronidarum Druydum, Bardorum tam multis ante sæculis in Gallia floruerint quàm Cadmus ille in Græciam venisset, dubitandum non esse quin gallici quoque characteres tam multis ante in Gallia sæculis vsu fuerint. Et quidem id apud Varronem de lingua latina septimo libro significatur, Nam cū Crates Græcus quæstionem grammaticam in Græcia agitarer, quæreretque cur non diceretur alpha alphatos, responderunt alij græci Grammatici, Hæc nō sunt vocabula nostra, sed penitus barbara. Hic igitur nota Græcorum confes-

sio est non has ipsorum literas esse. Itaque Aristoteles in Magico confessus est, ut ante dixi, philosophiam à Celtarum Semnotheis initium cœpisse, & Galliam denique Græciæ magistram fuisse. At scio Gallos Straboni *φιλιλλυας* tanquā Græcorum amantes effici, adeò ut conuenta & pacta græcè conscriberent, eloquentiæque ac philosophiæ studiis græcorum more dediti, liberalium artium professores mercede conducerent, ut etiam Medicos: sed de Massiliensibus & eorum vicinis id Strabo loquitur, & quidē iam imperāte Tyberio, quo tempore Romani principes (ut idem author ait) non iam Athenas, sed Massiliam disciplinæ gratiā liberos suos deducebant. At per Deum immortalem disciplinam gallicam à Dite, Semnothe, Sarone, Druyo, Bardo, priscisque illis doctoribus, tum hausimus & expressimus, cū Græcia ne literas quidem suspicata adhuc esset. Paradoxa nonnullis absone canere videbimur: At qui tot authores tantæque apud omnes fidei atque authoritatis cæteris in rebus audierint, non intelligo quamobrem obstinata iudicii peruersitate in patriæ suæ laudibus repudiare debeant. Atenim nihil illa nos adiuuant fortasse: nouis enim hic argumentis premimur: Galli enim (dicet aliquis) græcè etiā locuti sunt, ideòque & græcis literis vsi. Imò vero (inquam) Galli Cæsaris tempore ne intellexerunt quidem græcum sermonem, tantū ab-

fuit,

fuit, vt eo loquerentur. Cæsarem mearum partium assertorem vindicemque appellabo: Sic enim quinto libro loquitur, Cuidam (ait) ex equitibus Gallis, magnis præmiis persuadet, vt ad Ciceronem epistolam deferat: hanc græcis conscriptam literis mittit, ne interceptâ epistolâ, nostra ab hostibus consilia cognoscantur. Hæc Cæsar, vnde concludo hostibus Cæsaris & Gallis epistolam græcis literis conscriptam, sermonemque græcum ignotum fuisse: Nec attentè tamen consideranti verè probari potest, quod quibusdam tamen probatum esse video, gallicum quidem vulgus eius linguæ ignarum atque imperitum fuisse, sed primarios ciuitatis cuiusque viros græcè scisse, vt hodie sciunt latinè: Id (inquam) studiosè attendenti nequaquam verè probari potest, cùm in illo hostium tanto exercitu satis constet principes multarum vrbiũ primariosque viros aliquos fuisse: Quin illud etiam è Cæsare ipso perdisco, Druydas ipsos gallicæ iuuentutis doctores ac magistros græcæ linguæ ignaros fuisse: Etenim Diuitiacus Heduus Gallorum Druydum Cicerone teste longè doctissimus fuit, Diuitiaci eiusdem summum in populum Romanum studium, summam in se voluntatem, egregiam fidem, iustitiam, temperantiam (vt est primo libro) Cæsar cognouerat, Cæsar (inquam) qui græcè luculenter sciret, quique cum Diuitiaco de ipsius fratre Dāmnorige,

qui Cæsarem hostibus prodere credebatur, colloqui secretò cuperet, ne quid eorum efferreretur. Quid igitur? Si Diuitiacus græcam linguam cum Cæsare communem habuisset, nunquid cōmunium vtrique consiliorum græca lingua interpres tum fuisset? At quotidianis interpretibus remotis (vt est eodem libro) per Valerium principem Galliæ prouinciæ Cæsar cum Diuitiaco colloquitur: Nō videtur igitur Diuitiacus, quāuis è Druydibus primarius, græcè intellexisse neque omnino Gallis græcus sermō notus fuisse. Quis igitur (inquies) Gallorum veterum sermo fuit, si græcus non fuit? gallicus (inquam) sed respondere vbinam gētium gallicus ille sermo seruatus sit, Apollinis Pythij, diuinitio quædam videatur, cūm satis constet Gallos gallicum sermonem iam pridem dedidicisse, cūm non solum Romanæ leges, sed legiones in Gallia constitutæ; Gallos cogerent Romanè loqui, qualēsque omnino in Repub. sunt principes, tales (inquit Plato) solent esse reliqui ciues. Ergo forum Romanum, ergo militia Romana gallicam linguam aboleuit. Stipendia etiam professoribus publicis ab imperatore Romano proposita sunt ad latinam linguam publicè perdocendam; adeò vt qui libri hac corrupta nostrate lingua scripti sunt, non Galli, sed Romani vulgò nominentur. Quidam disputant Surensum, qui hodie Helueticorum sedes occupant, sermonem

sermonem, esse veterum Gallorum sermonem: verum satis constat hos Suitenses indigenas Gallos non esse, cum veteres illi Heluetij à Cæsare in suos montes reclusi postea à Quadis (vt Eutropius ait) & Quadi ipsi tandem ab Alemanis pulsi sint: Denique Vite Saxones Heluetium agrum possedere, vnde Suitenses tanquam Vites (vt Beatus Rhenanus sentit) appellati sunt: Alij censent hodiernam Germanorū linguam, veterum Gallorum linguam fuisse, beatumque Hieronymum authorem appellant, qui affirmet ætate sua Galatas Asiæ eodē sermone vsos esse, quo Treuiri ad Rhenum vtērentur: At Cæsar cōtra videtur dicere, cum ait primo libro Ariouistum Germanorum regem propter longinquam annorum (vt coniectura eo libro quedam est) quatuordecim consuetudinem, gallicā linguā vsum esse. Et Hieronymi ætas Treuitos Romano imperio in Gallia subiectos alios vidit, alios modò videmus cum cæteris Germanis cōmuni lingua sociatos: Vna superest hominum auditorum opinio iudicantium Galliæ veteris sermonem eum esse quo Gallia Armorica (quæ Britānia est hodie) vtitur: nec enim vera illis est Francorum historia quæ Britannos ex insula Britanniæ in Armoricā Galliam deducit, cum Cæsar (vt antea posui) Britanniam ipsam Gallorum coloniam faciat, & Strabo, Britanniæ oppidi in Armorica meminerit, & Plinius Britannos in

P. RAMI LIBER

Gallia licet confusè: attamen numeret, & Tacitus in vita Agricolaë scribat à Gallis vicina insula litora occupari, sermonē verò haud multum differre: Denique docti ex ea insula homines, existimant Vualos Angliæ propterea cum nostris Britonibus sermone congruere. Quamobrem hæc opinio sola adhuc mihi nota est, quæ probabilem persuasionem possit asferre. Atque hæc de Gallorum Grammatica in literis & sermone.

Quid Britannorum, quid Germanorum Grammatica qualis fuit? Gallorum disciplina (ait Cæsar libro sexto) in Britannia reperta, atque inde in Galliam translata esse existimatur: Et nunc qui diligentius eam rem cognoscere volūt, plerumque illò discendi causā proficiscuntur. Hic locus satis indicat Britannorum & Gallorum vnā disciplinam fuisse: Attamen cū à Cæsare tum Britannia Gallorum facta sit & Britannorum sint humanissimi qui Galli, paulò credibilius illud fuerit à Gallia disciplinam eò peruenisse. Atque hic locus in vniuersum de tota Britannorum doctrina nobis sufficiet. De Germanis totum breuius est, Literarum secreta viri ac foeminae pariter ignorant (ait Tacitus). Ergo Germania literas & disciplinas omnino nullas habuit. Æneas Syluius affirmat Adriani temporibus ciuilem cultū cum literis in Germaniam venisse: Germani ipsi affirmant ab octingentis
annis

annis germanicam linguam cœptam esse literis exscribi, atque vnà cum Christiana religione musas Germaniam commigrasse publicisque scholis & professoribus excultas adedò vt, quæ natio quondam barbarâ feritate nationibus omnibus horribilis esset, ea deinde omni ingeniorum cultu, omniumque disciplinarum elegantia & humanitate, vel cum doctissima & literis eruditissima quauis gente de laudis huius principatu contenderit.

Quid Rhetoricæ quæ studia gallica fuerunt? summa nempe & in summo honore habita, & quidem victæ potiùs & numerosæ orationis quàm solutæ. Sunt apud Gallos (ait Diadorus libro sexto) melodiârû poëtæ, quos appellant Bardos: hi cum organis veluti cum lyra cantât hos laudantes, alios vituperantes. Et ibidem, Poëtæ verò tanti apud eos fiunt, vt cum instructa acie exercitus, eductis ensibus iactisque iaculis propinquant, non solùm amici, sed hostes quoque eorum interuentu à pugna quiescant. Ita apud agrestiores barbaros ira cedit sapientiæ, & Mars reueretur musas: Sic Straboni libro quarto Bardi sunt laudatores & poëtæ: Hinc etiam poëta Lucanus in Gallorum poëtarum laudes primo Pharsaliæ excitatur,

*Vos quoque qui fortes animas bellôque peremptas
Laudibus in longum vates demittitis æuum,
Plurima securi fuditis carmina Bardi.*

Denique Marcellinus libro decimoquinto de Gallis, Bardi quidem (ait) fortia virorum illustrium facta heroïcis composita cum dulcibus lyræ modulis cantitarunt. Hanc nimirum Bardorum consuetudinem Romani sunt imitati: quos in Originibus tradidit Cato solitos esse in epulis canere conuiuas ad tibicinem de clarorum hominum virtutibus. Ergo quanta poëticæ facultatis gloria authoritâsq; apud veteres Gallos fuerit, hinc intelligimus. Iam igitur Homeros, Hesiodos Græcia mihi commemoret, & in tanto apud Græcos honore fuisse prædicet. Ergo hanc Rhetoricam, atque hanc (vt ait Mela) facundiam Gallus habuit.

Quid Germanorum Rhetorica cuiusmodi fuit? Quamuis literarum secreta (vt iam patuit) ignorauerint: attamen (vt Tacitus author est) celebrabant carminibus antiquis suos deos & reges, idque vnum apud illos memoriæ & annalium genus erat, nec quicquam præterea de veterum Germanorum disciplinis inuenio.

Quid Logica veterum Gallorum cuiusmodi fuit? Vnam quæstionem Gallorum & eam quidem pergrauem in Cæsare percipio de via & ratione docendæ iuuentutis, Omnes artes liberales & ingenuæ è scriptis libris ediscuntur, hos magistri artium discipulis suis interpretantur, has discipuli cognoscunt, magnæque plerumque in retinenda hominum (quorum libri illi iuuentuti

tuti proponuntur) autoritate, difficultas oritur, quoniam homines quantumlibet cæteris hominibus excellentes, attamen sunt humani & nonnunquam dormire soliti: Itaque cum eorum scripta tanquam catholica ponuntur, difficiles nonnunquam explicatus habent: At contra nullo scripto, voce solâ, innumerabiles opificum artes ediscuntur, agricolarum, architectorum, nautarum, nec vlla in ambiguitate verborum, repugnantia sententiarum in ediscendo difficultas oritur. Id solum est in arte præceptum, quod vñ & vtilitas approbarunt: Ergo doctores illi professorésq; nostri nullam disciplinam scribere: quicquid iuuetuti traderent, voce tantum tradere consueuerant. Sed tamen rationibus aliis adducti nefas esse existimant (ait Cæsar sexto libro) disciplinas literis mandari. Quid ita? Cæsarem rogemus: hoc modo respondebit, Id mihi duabus de causis instituisse videntur, quod neque in vulgum disciplinas efferri velint, neque eos qui discunt, literis confisos, minus memoriæ studere, quod ferè plerisque accidit, vt præsidio literarum, diligentiam in perdiscendo ac memoriam remittant. Has igitur duas causas disciplinæ literis non mandandæ Druydes assererebant, & causas quidem principum Græciæ philosophorum sententiis approbatas. Hæc enim Pythagoræ quondam fuit opinio, hæc etiam Socratis, qui ne literam quidem vllam

scriptam reliquerunt : Socratis sententiam hac de re Plato in Phædro magnificè declarauit his verbis , quibus Socrates cum Phædro colloquitur , Socr. Reliquum est de scripturæ decoro vel indecoro , quid quomodo factum decenter aut indecenter accidat , nōne ? Prædr. Sanè. Socr. nōstine quomodo de sermone agens aut præcipiens , Deo maximè placeas ? Phædr. Nequaquam , tu verò ? Socr. A maioribus quidem audiui , sed ipsi verum norunt : Id verò si nos ipsi reperiāmus , nōne nos in posterum humanarum opinionum studiosi esse debeamus ? Phædr. Ridiculum rogas : sed quæ te dicis inaudisse exponito. Socr. Audiui igitur circa Ægypti Naucratem , antiquorum deorum quendam fuisse , cui & sacra sit auis quam Ibim vocant , & ipsi Deo nomen Theuthati , cum autē primum numeri & calculi & Geometriæ & Astronomiæ , tum verò talorum & tesserarum & literarum inuentorem esse : Tum verò vniuersæ Ægypti rex Thamus fuit in magna ciuitate superioris loci , quem Græci Ægyptias Thebas appellant : Deum autem Ammonem : ad hunc profectus Theuthates , artes ostendit & ait Ægyptiis tradendas esse : Ille verò rogat quam quæque vtilitatem haberet , eoque demonstrāte prout quidque rectè aut non rectè videretur , sic improbauit aut laudauit : Multa quidem in vtrāque partem de vnaquaque arte Thamus cum Theuthate

chate differuisse dicitur, quæ singula numerare perlongum esset. Cum verò ad quæstionem de literis ventum esset, Hæc, ô Rex, disciplina (inquit Theuthates) sapientiores Ægyptios memoriâque promptiores efficiet: memoriæ enim & sapientiæ pharmacum id inuentum est. At ille, O subtilissime, & ingeniosissime Theuthates, alius quidem ad fabricanda artis opera habilior est, alius verò ad iudicandum aptior, quid detrimenti aut emolumenti eorum vsus habeat: At modò tu literarum pater, amore adductus, contrarium affirmasti quàm ipsæ possint: Hæ si quidem discantium animis obliuionem præbebunt, neglecto memoriæ studio, externis quippe scripturæ formis confisi interiores ipsas à se ipsis recordatio ne repetere & excolere desinent: Non igitur memoriæ, sed obliuionis pharmacum inuenisti: nec item discipulis veritatem sapientiæ, sed opinionem præbes: Nam cum multa sine doctore perceperint, multa quoque scire videbuntur, cum tamen vulgò ac passim ignari sint, atque in hominum congressu & consuetudine graues & importuni, ut qui sapientiæ opinione, non sapientiâ sunt imbuti. Phædr. Facile tu quidem ô Socrates Ægyptios & cuiusvis gentis sermones fingis. Socr. At ô amice, qui in Iouis Dodonei templo sunt, fatidicos sermones primùm aiunt quercus fuisse: antiquis enim temporum illorum homini-

hus qui nequaquam adolescentiæ vestrae sapien-
 tiam assequerentur, satis erat ob ruditatem &
 inscientiam quercum & petram audire, modò
 vera dicerent: Tu fortasse interesse putas quis
 cuiusue dixerit, neque solùm consideras, sicci-
 ne an secus habeat. Phædr. Iure me quidem per-
 cūlisti: Ac mihi quod ad literas attinet, ita vide-
 tur esse quemadmodum Thebanus ait. Socr.
 Quare qui putat artem literis ita mandari perci-
 piue posse, tanquam certum quiddam aut fir-
 mum è literis futurum sit, vehementer ille qui-
 dem ineptus sit, ac reuera oraculum Ammonis
 ignoret, pluris esse scriptas rationes existimans,
 quàm si ipse scientia ac recordatione, quæ li-
 teris tradita sunt, comprehenderit. Phædr. Re-
 ctissimè. Socr. Magnum utique ô Phædre id
 habet scriptura & pictis animantibus reuera si-
 mile: hæc enim opera, constant tanquam viua:
 at si quippiam interrogas, permodestè perque
 verecundè silent: Idem verò etiam putes scri-
 ptos sermones, tanquam aliquid intelligentes
 dicere: At si discendi cupidus, aliquid eorum
 quæ dicunt interrogas, vnum & idem quip-
 piam perpetuò significant, atque ubi semel ser-
 mo scriptus est, vsquequaque agitur, similiter
 à doctis & intelligentibus atque ab iis quos ni-
 hil deceat, neque potest dicere à quibus deceat
 aut non deceat, contumeliosèque & iniuriosè
 tractatus, paterni auxilij semper indiget: ne-
 que

que enim acceptas iniurias vlcisfi, neque sibi ipsi opitulari potest. Phædr. Atqui hæc à te verissimè dicta sunt. Socr. Quid verò, nōne videmus quomodo alius sermo huius ipsius germanus frater fiat, quantòque præstantior eo potentiòrque nascatur? Phædr. Quémnam hunc & quomodo fieri dicis? Socr. Qui cum scientia scribitur in discentis animo: potest enim se ipsum vlcisfi, nouitque quæ apud quos dicenda ac tacenda sint. Phædr. Scientis sermonem dicis viuum atque animatum, cuius scriptus, imago quædam meritò dicatur. Socr. Dic igitur mihi bonâ fide, vtrum prudēs agricola ea semina de quibus sollicitus sit quæque fructuosa sibi velit esse, verno tēpore in Adonidis hortis sparsa gaudeat, cū eos octauo die florentes aspiciet, an potiùs si quando hæc faciat, ludi ac festi diei gratia faciet? In quibus autem elaborarit & agriculturæ secutus artem seminauerit vbi deceat, satis se consecutum putabit, si octauo post mense, sementis ad maturitatem peruenerit? Phædr. Sic verò ô Socrates, alia verò aliter, vt ais, faciat. Socr. Dicemúsne hominem iustorum & pulchrorum & bonorum scientias possidentem in semente facienda, agricolâ imperitiorem? Phædr. Minimè. Socr. non igitur seriò semina sua in aqua nigra scribet calamo, sermonibus spargens, cū nequeat neque ipsis sermonibus opitulari, neque verum satis accuratè demō-

strare. Phædr. Atqui id probabile non est. Socr. Non sanè, verùm in literis hortos, vt par est, ludi gratiâ feret ac scribet: quando autem commentarios tanquam thesauros (ne fortè in obliuionis infirmitatem incidat) tum sibi, tum cuius eadem vestigia sectanti conficit, lætabitur utique tenellos fœtus aspiciens, cùmque cæteri oblectamenti aliis conuiuîsque ac similibus deliciis fruuntur, interim ille his omnibus longè posthabitis, otium sermone oblectabit. Phædr. Præclarum ô Socrates pro vili atque ignauo ludum narras, eius qui in sermonibus ludere, deque iustitia atque aliis quæ tu commemoras, confabulari possit. Hæc Socratis est opinio, sed opinione nostrorum Druydum paulò mitior atque humanior: Anteponit Socrates viuz vocis ac memoriæ scientiam, mortuæ scripturæ, sed scripturam tamen aduersus obliuionis infirmitatem permittit: quæ vtinam sententia Druydibus perinde placuisset, nec enim externis Græcorum bonis egeremus, sed patriis abundaremus, neque per latinos græcósque interpretes, disciplinas maximis peregrinarum linguarum laboribus ac studiis audiremus, sed magna suauitate animi ac voluptate, penè vnà cum lacte nutricis hauriremus. Hominis adolescentia latinis græcisque literis perdiscēdis vix ac ne vix quidē plerumq; quamlibet auida sufficit, id est è liberalium studiorum carceribus nondum egredimur

egredimur cū metam attingere debeamus: Homerum, Demosthenem, Virgilium, Cicero- nem lōginquo & diuturno græcæ ac latinæ lin- guæ studio cognoscimus: At Bardorum nostro- rum hymnos & poëmata vt intelligentia men- tis, vt vocis sonus à natura tribueretur, sic cum lætitia sine labore cantaremus: hic patriæ, hic etiam virtutis nimium tetricus amor fuit: Dum Druydes Galliam non solū armorum, sed di- sciplinarū laude cæteris gentibus perpetuò præ- stantiorē esse, dum ex animis Gallorum, desi- diam fugare cupiunt, posteros suos longè am- plissimo præclarissimoque antiquæ disciplinæ patrimonio exheredarunt, atque ita gallicas ar- tes ac doctrinas, quas tamen illo nihil scribendi argumento semper viuas, semper florentes fore sperabāt, sempiternā obliuione sepultas obrue- runt. Sed frustra lamentamur: & vota tamen quamuis inania supersunt: & romanæ ambitio- nis improbitas hīc fortasse iustiùs accusari pos- sit, quæ Druydum scholas euertit: Ergo vt ait poëta,

Sunt lachrymæ rerum, & mentem mortalia tangunt.

Ad Mathematicas artes accedamus, de qui- bus Cæsar hæc breuiter attingit, Multa (inquit) de sideribus atque eorum motu, de mundi ac terrarum magnitudine, de rerum natura dispu- tant. Hæ nimirum patriæ atque auitæ Ditis, Sa- ronis, Druyj disciplinæ fuerant, quas etiam illi à

proavis suis per manus traditas conseruauerant: De veteribus enim ante diluuium patribus, à quibus mathematicæ contemplationes hæ obseruatę fuerāt, primo libro Antiquitatum iudaicarum Iosephus testis est, ne hæc inuenta tam nobilia aquarum inundationibus perirent, duabus excitatis columnis alteri latericiæ, alteri lapideæ separatim inscripta, vt si latericia diluuiο deleretur, lapidea reliqua superstes, hominibus discendi potestatem faceret, & quæ scripta continebar, speculanda exhiberet: Lapidream verò Vespasiani tēpore adhuc in Syria fuisse author idem testis est. Item quomodo deinceps Ægyptij ab Abrahamo didicerūt, Eusebius idem ferre (ait) & à Græcis has artes tandem literis mandatas & in vulgus editas ac publicatas esse. Sed Druydes nostri, ranquam per manus (vt dixi) à patribus acceptas ita posteris prodidere: multa de sideribus eorūque motu disputāt: Sic apud Melam Druydes motus cæli ac siderum profitetur. Astrologia fuit, quę nullo modo sine præcedentibus Arithmeticæ & Geometriæ studiis doceri disciue potuit: motus enim, calculus, Arithmeticæ numeros, siderum spatia atque interualla, Geometriæ figuras postulabant. Ergo cū Astrologiam Druydes explicarēt, explicandæ Astrologię administras artes Arithmeticam & Geōmetriam explicabant. Atque in Bardorum hymnis & poëmatibus musicam fuisse quandam

dam Berofus oftendit, Apud Celtas (ait) Bardus inuentione carminum & Muficæ inclytus fuit. Multa de mundi ac terrarû magnitudine Druydes difputant. Ifta eft terræ mundi que magnitudo ac forma quàm Mela dicit à Druydibus doceri : hæc erat Cofmographia Geographiæque, quæ mundi longitudo efferet ab occafu verfùs ortum, quæ latitudo ab Æquatore verfus utrumque polum, quanta zonarum quinque fpatia à polo ad minimû circulum, ab eo ad tropicum, à quo rurfus ad Æquatorem medium, quæ terrarum zonæ, cæleftibus zonis efferet attributæ ac fubiectæ, quæ earum vel frigore vel æftu defertæ efferet & incultæ, quæ temperatæ, qua deniq; terrarum diuifione Europa, Africa, Afia efferet abftractæ Multa de rerû natura Druydes difputât. Hoc Phyficæ fuit de principiis materia quippe formâq; rerû, igne, aëre, aqua, terra, vnde omnia gignerentur, interirerent, augeterentur, decrefcerent, alteraretur, loco mouerentur: Huius tam multiplicis tamq; variæ doctriinæ Galli profeffores, à Strabone Vates, qui præter cætera phyfica illud imprimis patriû oraculum docebât mundû (vt ait idem) aliquândo igne atque aquâ periturum Doctores iidem, vocantur à Marcellino Eubages, Eubages verò (ait) fcrutantes fuma & Tubintima naturæ, pandere conabantur. Quare nobiles hæ difciplinæ gallica voce, gallico fermonè gallis tradebantur: Atque in his duos excellentes philofophos Ciceronis oratione lauda-

tionēque æternitati consecratos saltem possumus appellare, Diuitiacum, de quo iam dictum est, Heduum principem, & Deiotarum Gallorum in Asia regem: Dic igitur M. Tulli, nostrorum Druidum memoriā istam nobis exponere, In Gallia Druidę sunt, è quibus ipse Diuitiacum Heduum hospitem laudatoremque cognoui, qui & naturę rationem quam Physiologiam Gręci appellant, notam esse sibi profitebatur, & partim auguriis, partim coniecturā quę essent futura dicebat. Hic è Druidibus Diuitiacus & Ciceronis, vt credibile, hac ipsa Druidum sapientiā hospes appellatur. Quid Diotarus, quomodo celebratur ab hoc oratore? Iam quid ego (ait) hospitem nostrum clarissimum atque optimum virum Deiotarum regem commemorem qui nihil vnquam nisi auspiciatō gerit? qui cū ex itinere quodam proposito & constituto reuertisset, aquilę admonitus volatu, conclaue illud vbi erat mansurus si ire perrexisset, proxima nocte corruit: Itaq; vt ex ipso audiebam, persepe reuertit ex itinere, cū iam progressus esset multorum dierum viam: Cuius quidem hoc præclarissimum est, quod posteaquā à Cæsare tetrarchię regno pecuniāq; multatus: negat se ramen eorum auspiciorum quę sibi ad Pompeium proficiscenti, secunda euenerunt pœnitere: Senatus enim auctoritatem & populi Romani libertatem atque imperij dignitatem suis armis esse defensam

fensam, sibi que eas aues quibus authoribus officium & fidem secutus esset, bene consuluisse: antiquiorem enim sibi fuisse possessionibus suis gloriam. Hæc Cicero, cui & hanc Gallia Galatiæque debent æternam gratiam, quod duos earum philosophos ipsis tam insigni testimonio conseruarit: Quid enim hîc nisi lachrymas miseræ nostræ testes proferre possum? Imperabat olim Gallia Italis & Græcis, proutque vilibus fortunæ bonis stipendij loco appensis, longè pretiosissimas opes animi rependebat: Gloriosa est Græcia Italiæque Mathematicis & Philosophis: at gloria hæc quondam nostra fuit, è nostris fontibus laudes illæ fluxerunt, sed fontes idè exaruerunt, quia scripturâ muniri & custodiri noluerunt: haberet enim Gallia Gallos Euclides, Ptolemæos, Platones, Aristoteles, vel iis omnibus multò præstantiores. Sed lamentari desinamus, ad Gallorum Theologiam veniamus.

Druydes imprimis hoc volût persuadere non interire animas, sed ab aliis post mortem transire ad alios: atque hîc maxime ad virtutem excitari putant metu mortis neglecto. Hanc immortalitatis persuasionem, summum in religione & Theologia Gallorum veluti fundamentum statuo: quod Græci certatim Latinique celebrare, Galli (ait Diodorus) sumpto cibo consueverunt prouocatione certare nullâ habitâ vitæ curâ: increbuit enim apud eos Pythagoræ

sententia, animas hominum immortales esse, rurſusque eas defunctis corporibus, post certum tempus in alia corpora reuerti. Itaque in defunctorum pyram epistolas quidam coniciunt tanquam eas mortui sint lecturi. Idem Strabo de Gallis profitetur, Affirmât (ait) animas corrumpi non posse: Sic Mela, Vnum ex iis quæ Druydes præcipiunt effluit, videlicet vt forent ad bella meliores, æternas esse animas, vitâque alteram ad manes: itaque cùm mortuos cremant ac defodiunt, apta viuentibus olim negotiorum ratio etiam & exactio crediti deferrebat ad inferos, erântque qui se in rogos suorum velut vnâ victuri, libenter immitterent. Hæc Mela, vbi & persuasionis eandem causſam videmus quàm in Cæsare, vt Galli contemptu mortis, fortiores essent atque ad bella meliores: Et verisimile est inde ortam esse illam mortis contemptionem, de qua iam antea dixi. Idem Valerius Maximus libro secundo prodidit, Verus ille mos (ait) Gallorum occurrit, quos memoriâ proditum est pecunias mutuas, quæ his apud inferos redderentur, dare, quia persuasum habuerint animas hominum immortales esse: dicerem stultos, nisi idem bracchari sensisset, quod palliatus Pythagoras credidit. Tot igitur authores cum Cæsare de gallica immortalitatis persuasionem consentiunt. Sed prætereundum esse non arbitror quod authores hi quidlibet potius quàm Gallos philo-

philosophiæ primos authores esse fateantur. Pythagoras dixit animos immortales esse, quem Plato deinde securus est: atque illa nimirum est apud Ouidium philosophi sententia,

*Morte carent animæ, semperque priore relictæ
Sede, nouis domibus viuunt habitantque receptæ.*

Hæc inquam, Pythagoræ sententia est, vnde Græcis illis & Latinis testibus, Galli videlicet Pythagorei facti sunt & hæc immortalitatis opinionem mutuati. Qui quantæ ambitionis sit error hinc intelligi & diiudicari potest, quod infinitis ante natum Pythagoram temporibus, hæc apud Gallos Druydum persuasio vigerit: vnde, quod antea statui, rursus affirmo Græciam Galliæ non magistram, sed discipulam fuisse: Nec tamen stultam illam *μυθεμυθαρον* quam Pythagoras asserbat ex humanis corporibus in quælibet alia vel pecudum corpora Galli sequebatur, cum se non ex hominibus bestias, sed homines corporibus aliis futuros crederent: Sic Lucanus,

—Vobis authoribus, vmbrae

Non tacitas Erebi sedes Ditisque profundi

Pallida regna petunt, regit idem spiritus artus,

Orbe alio longè canitis si cognita vitæ.

Verùm cætera gallicæ religionis capita persequamur. Multa de vi ac potestate deorū immortalium disputant, & quid dii velint (ait Mela) scire profitentur: Deos nempe Mercuriū, Apollinem,

P. RAMI LIBER

Mineruam, Iouem, Martem colebant: déque iis
candem ferè quam reliquæ gentes habebât opi-
nionem. Mercurium inuentorem artium, via-
rum atque itinerum ducem ad quæstus pecu-
niæ mercatûsque habere vim maximam: Ille ni-
mirum Caduceator qui fingitur à poëta,

*Dixerat, ille patris magni parere parabat
Imperio: & primùm pedibus talaria necesse
Aurea, quæ sublimem alis, siue æquora supra,
Seu terram, rapido pariter cum flamine portant.
Tum virgam capit, hac animas ille enocat Orco
Pallentes, alias sub tristia Tartara mittit:*

Dat somnos adimittitque & lumina morte resignat.

Illa enim virga, vis est & facultas artium, vnde
etiam itinerum ductus & quæstus mercatorum.
Iulianus Cæsar Mercurio supplicabat, quem in
mundo (ait Marcellinus) velociorem sensum ef-
se, motus mentium suscitâtem theologicis pro-
didere doctrinis. Sed Druydes ea Mercurium
posse disputabant: Apollinem morbos depelle-
re, quod apud Ovidium Deus ipse testatur,

*Inuentum, medicina, meum est, opifexque per orbem
Dicor, & herbarum subiecta potentia nobis.*

Quid de Minerva? operum atque artificiorum
initia tradere, idèoque fingitur à poëtis è cere-
bro Iouis patris nata: Iouem imperiû cælestium
tenere, Martem bella regere, Huic, cùm prælio
dimicare constituerunt, ea quæ bello cæperint
plerumque deuouent: quæ superauerint anima-
ail

lia capta immolant, reliquas res in vnum locum
 cōferunt. Diodorus eadem ferè, Captiuos quo-
 que sacrificant diis. Acerbum (inquies) exem-
 plum, fateor, sed romanū, inquam, apud quos
 triumphati hostium duces in carcere necaban-
 tur, imò in publico populi spectaculo, bestiis in-
 terdum obiiciebantur. Quidam Galli de hosti-
 bus capta animantia vnà cum hominibus inter-
 fecta in sacris comburunt, aut aliis afficiunt pœ-
 nis: Priuati aliquid etiam admirabile superiores
 Celtæ in Deorum immortalium templis obser-
 uant, vt in sacris templisq̃ plurimū auri spar-
 gant, neque illud incolarum quisquam, quam-
 uis gens auri sit auida, propter religionem au-
 det contingere. Sed istæ Marti conuenientes vi-
 ctimæ fortasse videantur, qui poëtis græcis *Περτο-
 λος*, homicida nominatur. At ista reliquorum
 deorum sacra communia fuere, Natio est (ait
 Cēsar) omnium Gallorū, admodum dedita re-
 ligionibus: atque ob eam causam qui sunt affe-
 cti grauioribus morbis, quique in præliis peri-
 culisq̃ versantur aut pro victimis homines im-
 molant, aut se immolatuos vouent: quod pro
 vita hominis, nisi vita hominis reddatur, non
 posse deorum immortalium numen placari ar-
 bitrantur: publicæque eius generis habent insti-
 tuta sacrificia. Admiranda verò religio, & mi-
 rabilis de deorum vi ac potestate persuasio, de
 qua etiā nō mitiora à græcis authoribus affirmā.

tur. Philosophi quoque (ait Diodorus) ac Theologi quos vocant Saronidas, præcipuè ab illis coluntur: vtuntur insuper diuinatoribus, qui apud eos, cùm & auguriis & sacrificiis futura prædicunt, plurimi existimantur, omni eis obtemperante plebe: Cùm verò de rebus magnis consultant, mirabilem incredibilèmq; seruant consuetudinem. Iugulant enim ense hominem, quo decidete tum ex cāsu, tum ex membrorum laceratione, tum etiam ex sanguinis fluxu, ex quadam antiqua rerum obseruatione, norunt futura. Est apud eos moris nullum absq; philosopho sacrificium facere: existimant enim per diuinæ naturæ conscios, sacra fieri oportere, tanquam deis propinquiore: horum intercessione bona ab diis censent petenda, quorum consilio, & pace & bello fruuntur. Quod videtur etiam illud Cæsaris referendum esse, cùm quinto bellī gallici ait, qui nouissimus ad concilium armatum venerit in conspectu multitudinis, omnibus cruciatibus affectum necari. Sed illud à Strabone præterea additur, quod in templis hominem suffixum cruci, sagittis conficerent. Recitat idem author à Possidonio & Artemidoro alia quædam, sed quæ ipse fabulosa arbitratur de mulierum quarundam ad insulam Ligeris ostio vicinam bacchanalibus, deque duorum coruorum alis dextris albantium auguriis: verisimilius autem putat quod Artemi-

Artemidorus idem tradiderit ad insulam Britannię proximam similia Samothracibus Cerei ac Proserpinę sacra fieri. Pergit Cęsar his similia narrare, Alij immani magnitudine simulachra habēt, quorum contexta viminibus mēbra viuis hominibus complent, quibus succensitis, circūmuenti flammā, exanimantur homines: Supplicia eorum qui in furto aut latrocinio aut in aliqua noxa sint comprehensi, gratiora diis immortalibus esse arbitrantur: sed cū eius generis copia deficit, etiam ad innocentium supplicia descendunt. De statuīs illis eadem Strabo, Instruebant ligneū colossū fœno contextum, in eoque pecudes & omnis generis bestias vnāque homines concremabāt. Sic Diodorus, Pari lux feritati impietate in deorum sacrificiis abutuntur: Noxios enim quinquennio seruatos, sudibus affixos diis sacrificant, cūque aliis primitiis super ingentes pyras immolant. Sic Mela de Galliis, Gentes superbę, superstiosę, aliquando etiam immanes, adēd vt hominem optimam & gratissimam diis victimam crederent. Ac ne statuas illas gallicorum deorum immani magnitudine nimium mirere, recordare quę Plinius de colossis libri tricesimi quarti capite septimo tradiderit, Moles quippe excogitatas videmus statuarum (ait) quas colossos vocant, turribus pares. Hic ab eo numerantur cubitorum Capitoliū Apollo trigina-

ta, Iuppiter Tarentinus quadraginta, Sol Rhodius septuaginta, cuius pollicem pauci vix complectantur, Apollo Tuscānicus in bibliotheca templi Augusti quinquaginta pedum à pollice, Nero centum decem pedum: Verūm (ait) omnem amplitudinem eius generis statuarum vicit ætate nostrā Zenodorus Mercurio facto in ciuitate Galliæ Aruernis per annos decem, pedum quadringentorum immani pretio. Ergo tales gallicorum deorum statuæ, immani prorsus (vt Cæsar loquitur) magnitudine, quas viuis hominibus complebant. Atrocitas, iniquitas, religionis horrenda: verum, inquam, sed atrocitas gentium communis, vel potius gentilium dæmonum propria: Sic enim quondam humanis hostiis litabant ferè gentes omnes. Liuius post Cannensem pugnam scribit tales hostias Romæ fuisse, Interim (ait) ex fatalibus libris sacrificia aliquot extraordinaria facta, inter quæ Gallus & Galla, Græcus & Græca in foro Boario sub terra viui demissi sunt in locum saxo conseptum, ibi antè hostiis humanis minimè Romano sacro imbutum. Hæc Liuius. Neque iam Arabes, Thraces, Scythas, Ægyptios Græcōsue ad istam fidem memorem, cum etiam Dionysius Halicarnassæus primo libro antiquitatum Romanarum doceat, Iouem & Apollinem, quoniam decima nascentium hominum non immolaretur, vniuersæ Italiæ grauiissimas

uissimas calamitates importasse. Diodorus vicesimo historiæ libro Saturni statuam & talia sacrificia, huiusmodi narrat Carthagine dum adhuc incolumis staret fuisse, Dicebant autem, ait, Saturnum illis iratum fuisse, quoniam prius ipsi excellentiores ex filiis suis sacrificabant: Postea verò clam emptis infantibus atque educatis, liberorum loco immolabant: cùmque diligenti facta inquisitione multi ex suppositis inuenirentur sacrificari, facilè animis induxerunt vt crederent ad obsessionem vrbs hostes idcirco diuinitùs missos fuisse, quoniam priuscos deorum honores non seruaret: Itaque deos placare studentes, ducentos ex nobilissimis adolescentibus publicè sacrificarunt. trecenti verò alij, quoniam suspectos se esse videbant, sponte se tradiderunt. Erat autem apud eos ænea Saturni statua magnitudine mirabilis, cuius manus in terram extensæ ita erant in gyrum, vt qui ad eum prouenire adolescentes cogebantur, in ingentem foueam ignis repletam inciderent. Plura verò religionis huius apud varias gentes exempla commemorat Eusebius libri quarti capite septimo, si quis ampliora testimonia desideret, vbi ait imperatoris Adriani temporibus euangelicâ iam passim coruscante doctrinâ, talem immanitatem dissolutam esse, apud Celtas tamen adhuc permanisse: Mela tamen ætate sua desisse scribit, Manent, vesti-

gia feritaris, ait, iam abolitæ, atque vt ab vltimis cædibus temperant, ita nihilominus vbi deuotas altaribus admouere, delibant. Ergo ista Gallorum sinistra sacra sunt, quæ Lucanus ait,

*Et vos barbaricos ritus morémque sinistrum
Sacrorum Druydæ positis repetistis ab armis,
Solis nosse deos & cæli numina vobis,*

Aut solis nescire datum. —

Sed de Gallorum sacrificiis satis. Quid Britannorum & Germanorum sacra? Britanno-
rum disciplinam eandem fuisse diximus. Germani autem (ait Cæsar) multum ab hac consuetudine differunt: Nam neque Druydas habent qui rebus diuinis præsent, neque sacrificiis student: Deorum numero eos solos ducunt, quos cernunt & quorum apertè operibus iuuantur, Solem & Vulcanum & Lunam, reliquos ne famâ quidem acceperunt. Hæc Cæsar: Tacitus tamē, Germanorum deos præterea nominat Tui-
stonem Deum terrâ editum, & filium Mannum originem gentis cõditorésque: Mannique filios, è quorû nominibus proximi Oceano Ingaui-
ones, medij, Hermiones, cæteri Istæuones vocantur: Deorum maximè Mercurium colunt, cui certis diebus humanis quoque hostiis litare fas habent: Herculem ac Martem concessis animalibus placant: Pars Sueuorum & Isidi sacrificat: Vnde caussa & origo peregrino sacro, parum comperi, nisi quod signum ipsum in modum

dum liburnæ figuratum, docet aduectam religionem: Cæterum nec cohibere parietibus deos, neque in ullam humani oris speciem assimilare, ex magnitudine cœlestium arbitrantur: lucos ac nemora consecrant, deorumque nominibus appellant secretum illud quod solâ reuerentia vident. Cæsar ipse primo libro sortes mulierum Germanis tribuit, Cùm ex captiuis (ait) quæreret Cæsar, quamobrem Ariouistus prælio non decertaret, hanc reperiebat causam, quòd apud Germanos ea consuetudo esset, vt matrefamilias eorum sortibus & vaticinationibus declararent vtrum prælium committi ex vñ esset necne: Eas ita dicere, non esse fas Germanos superare, si ante nouam Lunam prælio contendissent. Sed de his diuinationibus longè plura Tacitus, Auspicia (ait) Tortésque, vt qui maximè obseruant: Sortium consuetudo simplex, virgâ frugiferæ arbori decisam, in surculos amputant, eosque notis quibusdam discretos super candidam vestem temerè ac fortuito spargunt, mox si publicè consulatur, sacerdos ciuitatis, sin priuatim, ipse pater familiæ precatus deos cœlūque suspiciēs, ter singulos tollit, sublatis secundum impressam antè notam interpretatur: Si prohibuerunt, nulla de eadem re in eundem diē consultatio: sin permissum, auspiciorū adhuc fides exigitur: & illud quidem etiā hic notum, auium voces volatúsque interrogare: Propriū gen-

tis equorū quoque præſagia ac monitus experiri:
 publicè aluntur iisdem nemoribus ac lucis cā-
 didi & nullo mortali opere cōtacti, quos preſſos
 ſacro curru ſacerdos ac rex vel princeps ciuitatis
 comitantur hinnitūſque ac fremitus obſeruant:
 Nec vlli auſpicio maior fides non ſolū apud ple-
 bē, ſed apud proceres, apud ſacerdotes: Se enim
 miniſtros deorum, illos conſcios putant. Eſt &
 alia obſeruatio auſpiciorū, qua grauium bellorū
 euentus explorant: eius gentis cū qua bellum
 eſt, captiuum quoquo modo interceptum, cum
 electo popularium ſuorum, patriis quēmq; ar-
 mis committūt: victoria huius vel illius pro præ-
 iudicio accipitur. Reliqui religionis mores in
 Cæſare ſunt funerum, Funera (ait) ſunt pro cultu
 Gallorum magnifica & ſumptuoſa, omnia quæ
 viuſ cordi fuiſſe arbitrantur, in ignem inferunt,
 etiam animalia: ac paulò ſupra hanc memoriā
 ſerui ac clientes quos ab his dilectos eſſe cōſta-
 bat, iuſtis funeribus conſectis vnā cremabātur.
 Hæc Cæſar. Itaque Pauſanias decimo libro ridi-
 culus eſt de bello Brenni, vbi docet mortuorum
 ſepulturā à Gallis deſpici, vt immanitatis huius
 opinione magis hoſtem, terreāt, quod mortuos
 more cæterorū hominū nulla commiſeratione
 proſequātur. Pauſaniā refellit hīc Cæſar, refellit
 & Liuius de Gallis Romā obſidentibus, iam pi-
 gritia (ait quinto libro tertiæ decadis) ſingulos
 ſepeliēdi, promiſcūè acervatos cumulos homi-
 num

nū vrebant, bustorūque inde gallicorū nomine
 insignē locū fecere. Quod verò Cēsar ait omnia
 quæ cordi mortuo fuerint in ignē inferri solita,
 sic Romæ in Iulij ipsius rogū tibicines discissam
 vestem, lēgionarij arma, matronæ bullas libero-
 rūque prætextas iniecerūt. De servis ac clien-
 tibus, viuis an mortuis, Cēsar non satis apertē
 loquitur: de viuis vt intelligi possit, facit illud
 Melæ dictum, Erantque qui se in rogos suorum
 velut vnā victuri libenter immitterēt. Tale verò
 est exemplū quinta Ciceronis Tusculana, Mu-
 lieres verò in India cū est cuiusque earum vir
 mortuus, in certamen iudiciūque veniunt,
 quam plurimū ille dilexerit (plures enim solēt
 esse singulis nuptæ) quæ victrix, ea læta prose-
 quentibus suis vnā cum viro in rogum imponi-
 tur, illa victa, mæsta discedit. Atque hæc tamen
 morum acerbitas ad illos humanarum hostia-
 rum mores aggreganda est. Tacitus de Germa-
 norum funeribus ita loquitur, Corpora suorum
 (ait) in dubiis præliis referunt. Item, funerum
 nulla ambitio: Id solū obseruatur, vt corpora
 clarorum virorū certis lignis cremantur: Struem
 rogi nec vestibus, nec odoribus cumulant, sua
 cuique arma, quorundam igni & equus adiici-
 tur: Sepulchrū cespes erigit: Monumētorum ar-
 duum & operosum honorem, vt grauem defun-
 ctis, aspernantur: Lamenta ac lachrymas citò,
 dolorem & tristitiam tardē ponunt: Fœminis

lugere honestum est: viris meminisse. Sed de sacrificiis veterum Gallorum totaque disciplina. Plinius libri tricesimi capite primo, dum in magicam artem tanquam fraudulentissimam inuehitur, videtur Druydam etiam nostrorum disciplinam eodem crimine complecti, Auctoritatem ei (de magica arte ait) maximam fuisse nemo miretur, quandoquidem sola artium tres alias imperiosissimas humanæ mentis complexa, in vnam se redegit: Natam primum è medicina nemo dubitat, ac specie salutari irrepsisse velut altioris sanctiorisque, quam medicinam, ita blandissimis desideratissimisque promissis addidisse vires religionis, ad quas maximè etiamnum caligat humanum genus. Atque ut hoc quoque suggererit miscuisse artes mathematicas nullo non auido futura de sese sciendi: atque ea è cælo verissimè peti credente. Ita possessis hominum sensibus, triplici vinculo in tantum fastigij adoleuit, ut hodièq; etià in magna parte gètium præualeat, & in Oriente regibus imperet, hinc magica factio persica, mosaica, Cypria: Sexcentesimo septuagesimo septimo demum anno urbis Cn., Cornelio Lentulo, Publ. Licinio Crasso Coss. senatusconsultum factum est, ne homo immolaretur, palamque ad tempus siluit sacri prodigiosi celebratio, Gallias utique possedit & quidem ad nostram memoriam: Namque Tyberij Cæsaris principatus, sustulit Druydas eorum & hoc
genus

genus vatum medicorúmque. Quid ipse ego hác memorem artem, Oceanum quoque transgressam & ad naturæ inane peruectam in Britanniam, quæ hodie eam attonitè celebrat tantis cæremoniis, vt dedisse Persis videri possit? Adeò ista toto mundo consensere, quanquam discordi & sibi ignoto. Non satis æstimari potest quantum Romanis debeat, qui sustulere monstra in quibus hominem occidere religiosissimum erat, mandiverò etiam saluberrimum. Hæc Plinius, quibus præter artes illas à nobis enumeratas medicinam Gallis Druydibus attribuit, sed iis artibus rectas fraudes vehemèter arguit, Romanosque verè laudat quorù imperio sublata sint mōstra: Atque vtinam tantum fraudes artiū sustulissent: artes autem ipsas earumq; scholas ac professions non etiā sustulissēt, tum demum veram illis gratiā gloriāque deberemus. At Tyberius Druydas omnino sustulit (ait Plinius). Sed idem aliquot exemplis Druydum magicam detexit, vt libri decimi sexti capite ultimo de visco, Non est omittenda (ait) in ea re & Galliarum admiratio, Nihil habent Druydes (ita suos appellant magos) visco & arbore in qua gignatur (si modò sit robur) læcratius. Iam per se roborum eligunt lucos, nec vlla sacra sine ea fronde conficiunt, vt inde appellati quoque interpretatione græca possint Druydes videri. Enimverò quicquid adnascatur illis, è cælo

missum putant, signumque esse electæ ab ipso deo arboris: Est autem id rarum admodum inuentu:& repertum, magna religione petitur, & ante omnia, sextâ lunâ, quæ principia mensium annorumq; his facit, & sæculi post xxx. annum, quia iam viriū abunde habeat, nec sit sui dimidia. omnia sanantem appellantes suo vocabulo, sacrificio epulisque ritè, sub arbore præparatis, duos admouët candidi coloris tauros, quorum cornua tunc primùm vinciuntur: Sacerdos candida veste cultus arborem scandit, falce aurea demetit, candido id excipitur sago: Tunc demum victimas immolant, præcâtes vt suum donum deus prosperum faciat his quibus dedit: Fœcunditatem eo potro dari cuicunque animali sterili arbitrantur, contrâque venena omnia esse remedio: tanta gentium in rebus friuolis plerunq; religio est. Hæc Plinius de mysteriis magicæ gallicæ, vbi nominis licet gallici à Druyo nempe, vt dictum est, deriuati, tamen etymologiam græcam reperit, sicut in omnibus linguis vocabula sexcetera reperias, quæ similitudine aliqua videri possint ex alia formari: vbi etiam mathematica illa mensium, annorum, sæculorum chronologia satis demonstrat Gallorum Mathematicas disciplinas græcis postea descriptis non vsquequaque similes fuisse: Cætera Plinij exempla persequamur. Idem igitur rursus libri vice-simi quarti capite vñdecimo, Similis herbæ huic

Sabinæ

Sabinæ est selago appellata, Legitur sine ferro dextrâ manu per tunicam, quâ sinistra exuitur, velut à furante, candidâ veste vestito, putèque lotis nudis pedib⁹, sacro factō prius quàm legatur, pane vinoque: Præfertur in mappa noua: Hanc contra omnem perniciem habédam prodidere Druydæ Gallorum, & cōtra omnia oculorum vitia fumum eius prodesse. Iidem famolum herbam nominauere, nascentem in humidis: Et hanc sinistra manu legi à ieiunis, contra morbos suum boumque nec respicere legentem, nec alibi quàm in canali deponere, ibique conterere poturis. Hîc Gallorum Druydem Plinio magica alia est, cui apud eundem consimilis est tertia libri vicesimi capite tertio, Præterea est (ait) ouorum genus in magna Galliarum fama, omissum græcis. Angues innumeri æstate comuoluti, saluiis faucium corporumque spumis, artificii complexu glomerantur, anguinum appellatur. Druydæ sibilis id dicunt in sublime iactari, sagoque oportere intercipi ne tellurem attingat, profugere raptorem equo: serpentes enim insequi donec arceantur amnis alicuius interuētus: Experimentum eius esse, si contra aquas fluat vel auro cinctum: At, vt est magorum solertia occultandis fraudibus sagax, certâ Lunâ capiendum censent, tanquam congruere operationem eam serpentium, humani sit arbitrij. Vidi equidem id ouū mali orbiculatū modici ma-

gnitudine, crusta cartilaginis, velut acetabulis
brachiorum polypi crebris, insigne Druydis.
Ad victorias litium, ac regū aditus maximè lau-
datur: tantæ vanitatis, vt habentem id in lite in
sinu equitem Romanum è Vocontiis, à diuo
Claudio principe interemptum non ob aliud
sciam. Hic tamen complexus anguium & effe-
ratorum cōcordia, caussa videtur esse, quare ex-
teræ gentes caduceum in pacis argumentis cir-
cundata effigie anguium fecerint: Neque enim
cristatos esse in caduceo mos est. Sic gallicæ ma-
gicæ anguinum ouum Plinius notauit, ideoque
Gallum illum è Vocontiis equitem ab impera-
tore Rom. hanc magiam scilicet formidante in-
teremptum: Denique Romani ad totam Druy-
dum disciplinam euertendum has magicarum
superstitionum causas accepere. At impietas,
at superstitio, at Magica, at vitia denique, virtu-
tibus saluis radicitus euelli poterant. Vtinam
Romani Gallos eodem loco numeroque atque
Græcos habuissent: Imperium Græcis ereptum
est, at literæ & artes permissæ ac relictæ sunt:
coactus est Græcus latino sermone ius audire,
at Grammaticam, Rhetoricam, Philosophiam,
Græcè semper didicit, semper docuit: Quænam
igitur inuidia fuit, nō dico Gallos iudices è Gal-
liæ iudiciis, sed Gallos professores, imò Gallas
disciplinas & artes è Galliæ scholis eiicere?

— An nimium vobis tum Galla propago

Visa

Visa potens superi, propria hæc si dona fuissent?

Sed nimium sæpe ad hanc patriæ palmam sensus animosque conuertimus, eamque impotenti gallici nominis inuidiâ nobis creptâ lugemus. Quare agite, ad cætera pergamus: è quatuor operis propositi partib⁹ tres adhuc expeditæ sint, è disciplinæ prudentia totâque veri cognitione ac perspicientiâ, quarta superest diuinitia reliquorum morum principe ac magistra. Hic igitur quærendum nobis est, qui principatus veteris Galliæ, quod populi magisteriû, quæ politia fuerit: id enim est platonicum temperantiæ, fortitudinis, prudentiæ vinculum, quo suum cuique tribuitur, nec quicquam vsurpatur alienum. Fuit verò Galliæ, saltem Comatæ, cum eò Cæsar accessit, Respub. genere ipso timocratica, romanæ libertatis multis partibus simillima, vt singula subtiliùs animaduertenti planum deinceps erit. Ergo Cæsarem in his præcipuè moribus atredamus, In omni Gallia (ait sexto libro) eorum hominum qui aliquo sunt numero atque honore, genera duo sunt, alterum est Druydum, alterum equitum: Nam plebs penè seruorum habetur loco, quæ per se nil audet, nulli adhibetur consilio. Hanc partitionem Cæsar instituit, tametsi de plebe nequaquam id omnino verum est, vt suis locis intelligitur: Sed Cæsaris partitionem persequamur, Druydibus vnus præest, qui summam inter eos habet potestatem: hoc mor-

tuo, si quis ex reliquis excellit dignitate, succedit, aut si sunt plures pares, suffragio Druidum allegitur, nonnunquam etiam armis de principatu contendunt. Hic Cæsar, magistratus genera duo proponit, alterum diuinis, alterum humanis & ciuilibus rebus præpositum: Druidum vnum tanquam Pontificem summum instituit, eiusque creationem dignitate, suffragiis, armis etiam definit: nec multum aberat Romani pontificatus institutio, nisi quod Romæ annuus erat, hic videtur perpetuus fuisse. Druidas verò tota Gallia & omnibus Galliæ urbibus ac vicis fuisse, ipsorum munera manifestè demonstrabunt. Druides siquidem tribus Reipub. maximis partibus præfuerunt, professionibus artium, iudiciis controuersiarum, cæremoniis sacrificiorum, Ad hos (ait Cæsar) magnus adolescentium numerus disciplinæ causâ concurrit; magnum ibi numerum versuum ediscere dicuntur: Itaque annos nonnulli vices in disciplina permanent. Neque verò minervalia professioni defuerunt. Druides à bello abesse consueuerunt (ait Cæsar) neque tributa vnâ cum reliquis pendunt, militiæ vacationem omniumque rerum habent immunitatem: tantis excitati præmiis & sua sponte multi in disciplinam conueniunt, & à parentibus propinquisque mittuntur. At per Deum immortalem, Cæsaris hunc locum studiose ac diligenter attendamus: Quid enim excellentius

lentius eo, quidue magnificentius esse potest,
 quàm quod gentis vniuersæ primarij viri, quod
 Reipub. Rectores principesque summi, discipli-
 næ professores erāt? Hic fortasse aliquis nos de-
 lyrare sentiet, qui grauissimos ciuitatis viros in
 scholastico pueriliq; ludo occupare studeamus.
 Verumenimuerò talibus viris artium magisteria
 committi mandarique Plato voluit, quod præ-
 stantium in Repub. gerenda hominū, tanquam
 seminarium hoc esset, in quo plantæ stirpēsque
 tantò nobiliores essent futuræ, quantò sapien-
 tiores honoratiorēsque cultores præficerentur.
 Plinianū ingenium cū multis sæpe locis, tum
 illo præcipue loco admiratus sum, cū antiquis
 vrbs Romæ moribus, annonæ vilitatem quan-
 dam incredibilem scribit fuisse. Quænam ergo;
 ait, tantæ vbertatis causa erat? ipsorum tum ma-
 nibus imperatorum colebantur agri (vt fas est
 credere) gaudere terra vomere laureato & triū-
 phali aratore: siue illi eadem curâ semina tracta-
 bant quâ bella, eademque diligentiâ arua dispo-
 nebant quâ castra, siue honestis manibus om-
 nia lætiùs proueniunt, quoniâ & curiosius fiunt.
 At nunc eadem illa vincti pedes, damnantē mā-
 nus, inscripti vultus exercent: non tamen furda
 tellure, quæ patens appellatur, colique dicitur &
 ipsa, honore hinc assumpto, vt nunc inuita ea
 & indignè ferente credatur id fieri. Sed nos mi-
 ramur ergastulorum non eadem emolumenta

esse quæ fuerunt imperatorum . Hæc Plinius .
 Quid igitur ? an credimus à nobis indecentiùs
 de disciplinæ , quàm ab illo de terræ cultu præ-
 dicari ? Sic magna disciplinæ gallicæ fæcunditas
 fuit , cùm apud Druydas nostros auditoria mu-
 sarum , regum palatia , pulpita docentium , solia
 principum , numerus discendum , cœtus comi-
 tum erant : Pallade videlicet læta regali magi-
 sterio , eodémque rerum publicarum ac discipli-
 narum rectore ac moderatore , siue illi eodem
 studio disciplinas explicabant , quâ Respub. re-
 gebant , eadémque prudentiâ leges artium , quâ
 ciuitatum sanctiones instituebant , siue honora-
 tis laboribus omnia plenius & vberiùs proue-
 niunt , quia studiosius & accuratiùs fiunt . Ergo tã-
 tis præmiis excitati , & sua sponte multi in disci-
 plinam conueniebant & à parentibus propin-
 quisque mittebantur . Hinc nimirum Luciano
 Gallicus ille & Ogmius Hercules extitit non
 solùm exuuiis leonis & clauâ velut armatus , sed
 decrepitus , caluus , canus , rugosus , ater , ma-
 gnûmque hominum numerum auribus victo-
 rum catenis aureis trahens : Herculis autem ip-
 sius linguâ perterebratam esse ; ab eâque cathe-
 nulas illas religatas ita pèdêre , vt victi alacres
 ac læti , trahentem sequerentur , ipsèque vicissim
 in eos ore oculisque intuens , blandè comiter-
 que arrideret : Ista nempe Bardorû fuit eloquen-
 tia , ista Saronidarum Druydûmque sapientia ,
 quæ

quæ semel aspecta tam mirabiles amores excitaret sui: ille discipulorum numerus illis in disciplinam sese tradentium: illæ tam nobilium rerû ingenuæ artes ac disciplinæ, catenas aureas efficiebant. sicque discipuli ab ore doctoris pendebât, tamquâ sermone doctrinâque inde profluentè obstricti atque alligati. Ergo quia professores excellebant, ideò disciplinæ floruerunt: At ubi sublati imperio Romano doctrinæ præmis & honoribus professio disciplinæ velut il- liberalis opificij ministerium & seruitium haberi captum est, relanguescere honesta studia necesse fuit, nimiûmque illud multis experimentis dictum oratoris, est approbatum, Honos alit artes, omnesque incenduntur ad studia, gloriâ, iacentque ea semper quæ apud quosque improbantur: Ergo Romanis, interitus gallicæ disciplinæ debeat, à quibus honor ille professionis vnâ cum libertate Druidibus ereptus est. Itaque Mela (qui sub Claudio dicitur floruisse) non iam illustres istas Druidum scholas, sed clandestinas in specu & abditis saltibus efficit, Druidumque disciplina non modò suis honoribus spoliata erat, sed periculi metu, in specus & saltus abdebatur. Lucanus; idem quod Mela de Druidibus videtur dicere,

— *Nemora alta remotis.*

Incolitis lucis. —

Sic (vt est libro quinto) Galli vnde belli initiû

fieret, explorabant, nocturnaque in locis desertis concilia habebant: Sic (vt est septimo libro) indictis inter se principes Galliæ conciliis syluestris ac remoto loco de sua seruitute conquerebatur. Nec tamē ex ea Melæ vel Lucani vel Cæsaris authoritate concludamus Druydū gymnasia aut equitum comitia in syluis fuisse: Id enim seruitutis, non eruditionis, non deliberationis indicium est. Sed tamen illa veterum Druydum munera persequamur: Nec enim Druydes illa professionis honestæ præmia solū capiunt, sed magno præterea apud omnes Gallos (ait Cæsar) in honore sunt: Nam ferè de omnibus controuersis publicis priuatisque constituūt: & si quod est admissum facinus, si cædes facta, si de hæreditate, de finibus controuersia est, iidem decernunt, præmia pœnāsque constituunt. Addit hīc etiam Strabo magicæ superstitionis illius nescio quid, quod è capitalium caussarum multitudine, annonæ abundantia ab his æstimaretur. Sed Cæsaris cætera audiamus, Si quis (ait) aut priuatus aut populus, eorum decreto non steterit, sacrificiis interdicunt, hæc pœna apud eos est grauissima: Quibus ita est interdictum, ij numero impiorum ac sceleratorum habentur: ab iis omnes discedunt, aditum sermonemque defugiūt, ne quid ex contagione, incommodi accipiant, neque eis petentibus, ius redditur neque honor ullus communicatur.

Quid

Qu id Germanorū iudicia? quid pæne ac supplicia cuiusmodi fuerūt? In publicis cōsultationibus silentium (ait Tacitus) per sacerdotes, quibus tum & coërcendi ius est, imperatur: Cæterum neque animaduvertere, neq; vincere, neque verberare quid em nisi sacerdotibus permissum: non quæsi in pœnam, nec ducis iussu, sed velut Deo imperante, quem adesse bellantibus credunt, effigiesque & signa quædam detracta lucis in prælium ferunt. Distinctio pœnarum ex delicto, proditores & transfugas arboribus suspendunt, ignauos & imbelles & corpore infames, cœno ac palude, iniecta insuper crate mergunt. Diuersitas supplicij illuc respicit, tanquam scelera ostendi oporteat dum puniuntur, flagitia abscondi. Sed & leuioribus delictis pro modo pœnarum, equorum pecorūque numero conuicti multantur: pars multæ, regi vel ciuitati, pars ipsi qui vindicatur vel propinquis ei⁹ exoluitur. Ad Gallorum Druydas redeo, quorum iudiciis etiam locus ac tempus à Cæsare proponitur, Hi (ait) certo tempore anni, in finibus Carnutum, quæ regio totius Galliæ media habetur, cōsidunt in loco cōsecrato: huc omnes vndique qui controuersias habent, conueniūt, eorūque decretis iudiciūque parēt. Cæsar anni tempus non definit, locum in finibus Carnutum tanquam Galliæ centrum definit, quod vndique ex vniuersæ Galliæ velut orbe, Druydes conueniant. Carnu-

tum verò ciuitas olim longè latius patuit, videturque diu celum non solum Carnutentem, sed Aurelianensem habuisse: Illic enim ante Cæsaris aduentum regnum erat, & à Cæsare postea Tasgetio Carnuti restitutum (vt est libro quinto) Denique regnum Aurelianense, quod multis postea sæculis Franci fecere, videtur id Carnutum regnum fuisse, præsertim cum Genabum Carnutum oppidum fuerit. Genabum verò in Ligeri multis passuum millibus supra Aureliam Cæsaris ætate fuit, eique Agédico Gergobinam contendenti in itinere obiectum. Sed ad illud Gallia tanquā centrum certo anni tempore iudices controuersiarum, Druydes continebant vndique (ait Cæsar) Ergo (inquam) vbique tota Gallia in omnibus vrbibus vicisque Druydes erant, controuersisque rerum & religionis ceremoniis, omnibus Galliæ locis ac regionibus præerant, earumque rerum curæ, solis Druydibus creditæ: Druydes igitur per vniuersam Galliam, vt hodie sacerdotes, distributi erant, sed eorum principes, certo anni tempore controuersias ciuium suorum deferabant ad commune Galliæ concilium, cui nempe summus ille Druydum Pōtifex præerat. Talis quondā in libera Græcia solennis ille Amphyctionum conuentus Delphis fuit (vt Pausanias in Phocicis ait) mediā videlicet Græciæ regione, vt Druydes Gallorum, Amphyctionibus Græcorum, Carnutumque cōsecratus locus,

cus, Delphorū clarissīmo pythiis oraculis templo respondeāt: Si Cæsar Gallię Delphos in Carnutum finibus consecratūmq; locum illum nominatim appellasset, res paulò esset illustrior. Hīc magna Druidum potentia planè regia non solum in priuatum quēque, sed in populum vniuersum demonstratur. Magni nominis erat disciplinarum professio, insignis auctoritatis iudicatus, augustæ verò maiestatis sacrificiorum propitiatio ac diuinatio. De magistratibus Gallicæ Reipub. primū habemus, secundum principum genus secundūque Reipub. gradus erat in equitibus, vnde belli gerēdi principes à populo pro ipsius arbitrio commodōque deligebantur, ac si contra facerent abdicabantur. Vnde (inquires) id probari pōtest: è Cæsare (inquā): sic enim sexto libro loquitur, In Gallia (ait) non solum in omnibus ciuitatibus atque in omnibus pagis partibūsq; , sed penè etiam in singulis domibus, factiones sunt, earūque factionū principes sunt, qui summam authoritatem eorū iudicio habere existimātur, quorum ad arbitrium iudiciūque summa omniū rerum cōsiliōrumque redeat: Id eius rei causā antiquitūs institutū videtur, ne quis ex plebe contra potentiorē auxiliij egeret: Suos enim quisq; opprimi & circumueniri non patitur, neque aliter si faciat, vllam inter suos habet authoritatē. hæc eadem ratio est in summa totius Gallia. Hæc Cæsar, vnde

intelligitur Reipubl. status timocraticus ille, quem Plato quémque Aristoteles tantopere cōprobarunt, quémque libera Græcia Italiâque cupidissimè tenuerūt, in quò iustæ politiæ species omnes cōprehendūtur: erat enim regiū quiddam in annuo, aut lōgioris tēporis legitimo magistratu: erat Aristocratia in Senatu, & denique timocratia in summa pōpuli aūthoritate, vnde & Senatores & magistrat⁹ existerēt. Quare Cæsaris tantū de maiorum nostrorū Repū. testimoniū iterū iterūque subducamus ac perpendamus, Tanta (ait Cæsar) Galliæ libertas fuit, vt in singulis ciuitatibus, singulis etiā pagis ac penè etiā domibus suæ factiones essent, tam libera nempe suffragiorū ac studiorum cuiq; potestas erat, vt vel infimis liberè ac sine vllō metu sententiæ dicendæ suffragiique ferendi facultas esset. Electores igitur magistratuum gallicorum tales erant: Atque hinc planè intelligimus etiam plebis in Repub. permagnam aūthoritatem fuisse, cūm pōpuli suffragiis magistratus instituantur. Persona eligendi magistratus qualis erat? qui summā aūthoritatem habere existimaretur, ideoque ad eius arbitriū summa omnium rerum ac consiliorū rediret. Quamobrem verò in magistratū aūthoritas tantopere quærebatur? Id (respōdet Cæsar) eius rei causā antiquitūs institutum videtur, ne quis ex plebe contrā potentiorē auxiliij egeret. Suos enim opprimi ac circumue-

cumueniri non p̄tatur : Hic finis igitur est magistratus, hæc caussa quamobrem populus diceret, hunc volo, quia sua virtute atque auctoritate me ab iniuria defendet, hunc nolo, quia improbus, quia ignauus: At si bonus ille princeps qui initio visus esset aliquando dissimilis videretur, publica que salutis immemor, suam voluptatem aut vtilitatem priuatam publicæ præponeret, aliterque quàm populi iura ferrent se gereret, abdicabatur, nec vllam (ait Cæsar) inter suos auctoritatē habebat: ac ne quis crederet vnus cuiusdam ciuitatis id fuisse, Hæc eadem ratio (ait Cæsar) est in summa rotius Gallia. Ergo hic etiā politica plebis auctoritas cernitur, cum à populo magistratus nō instituuntur tantum, sed abdicantur. Singularis autē an multiplex principatus hic esset, quōue tempore definitus hoc loco Cæsar nihil ait: Strabo autem libro quarto vtrumque definit, Aristocraticæ (ait) erant pleræque politia, vnum principem quotannis antiquitus eligebant, sicut & ad bellum dux vnus à populo creabatur, Hæc Strabo, sed exemplis tanta res illustranda est. Vnam in Gallia Massiliensium Rempub. Cicero tantum extulit, vt audiente populo Romano diceret in defensione Fonteij, ciuitatis illius disciplinam atque grauitatem non solum Græciæ, sed penè cunctis gentibus anteponendam: Eius autem (ait Strabo) sexcenti erant Senatores, qui Timu-

chi velut honorati dicebantur, quique totam vitam hoc honore potiebantur, è quo numero quindecim principes quotidianarum litium disceptatores legebantur. Atque ij nimirum sunt sexcenti Massiliensium & quindecim primi quos primo belli ciuilis appellat Cæsar. Sed Strabonem persequor, Ex iis quindecim optabant, tres demum in quibus authoritatis inesset plurimum. Hanc Massiliensium Rempub. Strabo ita descripsit: quam tamen pro gallica non profero, non solum quia græca quam gallica haberi maluit, sed quia ex illis Timuchis nemo crearetur qui liberos non haberet quique à tertia usque progenie ac stirpe ciuis non esset (vt ait Strabo) Quae de causa, Aristoteles Massiliensium Rempub. non Aristocratiam, sed Oligarchiam optimo iure appellat: Oligarchicum enim fuit genere, non virtute, Reipub. principes fieri: Hanc, inquam, Rempub. ideo in exemplum gallicæ Reipub. non profero, vera & veræ Galliæ exempla proferre malo primum totius Galliæ, tum gentium, postremo etiam ciuitatum singularum: Cõmunis exempli testis erit mihi Cæsaris liber septimus, vbi pro dignitatis atque potentiae ordine tanquam classibus in censu Gallia tota describitur: sed pro septimo belli gallici anno, quo pleraque ciuitates afflictæ, iam multò minore censu cõsentur: Primum communi cõsilio Vercingetorix dux eligitur: (sic enim Cæsar) Cùm Hedui

Hedui contéderent, vt ipsis summa imperij traderetur, & res in controuersiam esset deducta, Totius Galliae (ait) concilium Bibracte indicitur: Eodem conueniunt vndique frequentes multitudines, suffragiis res permittitur: ad vnū omnes Vercingetorigem probāt imperatorem. Ab hoc concilio Cæsar ait tantum Rhemos, Lingones, Treuiros abfuisse, Aquitanorum tamen non meminit: Deinde cum ad Alexiam Vercingetorix obsideretur, Galli concilio principum indicto, statuunt certum militum numerum cuique ciuitati imperandum: imperantur igitur Heduis atque eorum clientibus Secusianis, Ambarris, Aulercis, Brannouicibus, Brannoniis hominum millia triginta quinque: parē numerum Aruernis, adiunctis Heleuteris, Cadurcis, Gaballis, Vellauniis, qui sub imperio Aruernorum esse cōsueuerunt: Senonibus, Sequanis, Biturigibus, Santonibus, Ruthenis, Carnutibus duodena millia: Bellouacis decem, totidem Lemouicibus, octona Pictonibus & Turo nibus & Parisiis & Heluetiis: Sueffionibus, Ambianis, Mediomatricibus, Petrocoriis, Neruiis, Morinis, Nitiobrigibus quina millia: Aulercis Cænomanis totidem, Atrebatibus quatuor, Bellocassis Lexouiis, Aulercis Eburonibus terna, Rauracis & Boiis bina, vniuersis ciuitatibus, quæ Oceanum attingunt quæque eorum consuetudine Armoricæ appellantur, sex.

P. RAMI LIBER

Hic totius Galliarum publicum concilium, hic communem amphictionatum videmus, communique concilio descriptum singulis ciuitatibus censum: Harum tamen copiarum non dux vnus, sed quatuor instituuntur, & iis consiliarij ciuitatum adduntur. Comio Atrebatum (ait Cæsar ibidem) Viridomaro & Eporedorigi Heduis, Vergasillauno Aruerni consobrino Vercingetorigis, summa imperij traditur: His delecti ex ciuitatibus attribuuntur, quorum consilio bellum administraretur. Verum enim uero in generibus ipsorum Gallorum Celtis, Belgis, Aquitanis eundem Reipublicæ statum expendamus. Gallico bello nusquam accidit, ut Celtarum talis amphictionatus intelligeretur: maxima enim pars Celtarum, Romanis amicitia, fœdere, aut nescio quo alio studio sociata erat: Venetico tamen bello coniuratio Armoricarum ciuitatum facta est, Venetorum, Osissinorum, Nannetum, Diablintrum, Curiosolitem, Vnellorum, Lexobiorum Eburonicum. Celeriter missis legatis (ait Cæsar libro tertio) per suos principes inter se coniurant nihil nisi communi concilio acturos, eundemque omnis fortunæ exitum esse laturos, reliquasque ciuitates sollicitant ut in ea libertate quam à maioribus acceperant permanere, quam Romanorum seruitutem perferre malint. Dux tamen totius belli summus à Cæsare nusquam nominatur: At publico Belgarum concilio, quo
contra

contra Cæsarem publicè pro Galliæ totius libertate coniuratum est, ad Sueffionum regem Galbam propter iustitiam prudentiâque, summa totius belli omnium voluntate delata est, atque ad ipsum bellum de suo numero contulerunt armatorum millia Bellouaci sexaginta, Sueffiones quinquaginta, toridem Neruij, Atrebates quindecim, Ambiani decem, Morini viginti, quinque, Menapij septem, Caleti decem, Velocasses & Veromandui totidem, Aduatici novendecim, Condrusi, Eburones, Ceresi, Pæmanni, qui vno nomine Germani appellabâtur, quadraginta. Hic, inquam, commune concilium perspicitur, eoque discretus singularum ciuitatum census. Aquitanorum etiam communis illa coniuratio fuit, de qua libro tertio ita scribitur, Tum Aquitani Legatos quoquouersum mittere, coniurare, obsides inter se dare, copias parare cœperunt, è Cantabris finitimis auxilia accersuntur: duces verò hi deliguntur qui vnà cum Q. Sertorio omnes annos fuerant summamque scientiam rei militaris habere existimabantur. His igitur locis iam planum est politiam illam à Cæsare propositâ nō solùm communem vniuersæ Galliæ, sed gentium etiam generatim præcipuam fuisse. Verùm age, gentium etiam ipsarum nationibus & ciuitatibus speciatim hic idem Reipub. status illustretur, ac de Celtis primùm quorum fortissimi fuere Heluetij. Quid

igitur hæc ciuitas, qualem Reipub. administrationem habuit? Ciuitas Heluetiorū intra Rhenum, Rhodanum, Iuram montem triquetra figurâ comprehendebatur, oppidâque numero ad duodecim, vicos quadringentos habuit: In pagos verò non Martis tantum, sed iuris & iustitiæ, quatuor diuisa: duo nominantur à Cæsare Tigurinus & Verbigenus: Hi pagi tanquam Senatus erant, penes quos imperij summa erat: Hos etiam conuenire rerum grauiorum causâ ad commune quoddam concilium & principem deligere solitos, totius ciuitatis cōiuratio de oppidis vicisque suis omnibus incendiis, finibus relinquendis, Galliæ imperio occupando, atque ad eas res conficiendas delectus longè apud eos nobilissimus & ditissimus Orgetorix ostendunt, studiūque timocraticum imprimis illud eius ciuitatis factum declarauit. Regni cupiditate inductus Orgetorix coniurationem illam fecerat: Verum attende (vbi regni cupiditas illa detecta est) quid consecutum sit, Ea res (ait Cæsar) vt est Heluetiis per indicium enuntiata, moribus suis Orgetorigem ex vinculis causam dicere coegerunt: Damnatum pœnam sequi oportebat, vt igni cremaretur: Die constituta causæ dictionis Orgetorix ad iudiciū, omnem suam familiam ad hominum millia decem vndique coëgit, & omnes clientes obæratōsque suos, quorum magnum numerum habebat, eodem

dem conduxit, per eos, ne causam diceret, se eripuit: cum ciuitas ob eam rem incitata, armis ius suum exequi conareretur, multitudinemque hominum ex agris magistratus cogerent, Orgetorix mortuus est, neque abest suspicio, ut Heluetij arbitrantur, quin ipse sibi mortem consciuerit. Regna (ait Cæsar) vulgò in Gallia à potentioribus, atque iis qui ad conducendos homines facultates haberent, vulgò comparabantur: At cuiusmodi regna fuerint, Orgetorigis exemplo perspicitur & aliis deinceps exemplis perspicitur. Ergo Heluetiorum Respub. eiusmodi tum fuit, pagis diuisa, ut hodièque Suitensium, Heluetiorum fines occupantium: De hinc Heduarum & Aruernorum amplissimæ ciuitates erant: Rempub. igitur istorum consideremus, imprimis Heduarum, qui Cæsare gallicum bellum administrante, clarissimi Gallorum fuere: hanc, inquam, Remp. accuratiùs perpendamus quemadmodum triplici iustæ ac laudatæ gubernationis genere temperata fuerit. Etenim fuit Heduarum Vergobretus regia potestate per sacerdotes certo loco certoque tempore è diuersis familiis quotannis creatus, cui extra fines excedere non liceret: sic enim primo libro Cæsar de Heduis, Conuocatis eorum principibus, quorum magnam copiam in castris habebat, in his Diuitiaco & Lisco, qui summo magistratui præerat, quem Vergobretum Hedui appellant, qui

creatur annuus, & vitæ necisque habet potestatem. Cætera sunt libro septimo, vbi & Senatus & populus Heduus propter hunc magistratum seditione commotus explicatur, ad eamque seditionem sedandum Cæsar euocatus est: Sic verò Cæsar loquitur, Legati ad Cæsarem principes Heduorum veniunt oratum, vt maximè necessario tempore ciuitati subueniat, summo in periculo esse rem, quod cum singularis magistratus antiquitus creari atque regiam potestatem annum obtinere consuesset, duo magistratum gerant, & se vtrique eorum legibus creatum esse dicat, horum esse alterum Conuictolitanem florentem & illustrem adolescentem, alterum Cotū antiquissimâ familiâ natum, atque ipsum hominem summæ potentia & cognationis, cuius frater Valetiacus proximo anno eundem magistratum gesserit, ciuitatem omnem esse in armis, diuisum Senatum, diuisum populum, suas cuiusque eorum clientelas, quod si diutiùs alatur controuersia, fore vti pars cum parte ciuitatis confligat, id ne accidat, positum in eius diligentia atq; authoritate. Cæsar & si à bello atq; ab hoste discedere detrimētosum esse existimabat: tamen non ignorās quāta ex dissensionibus incōmoda oriri consuessent, ne tanta & tam coniuncta populo Romano ciuitas, quā ipse semper aluisset omnibúsque rebus ornasset, ad vim atq; arma descēderet, atq; ea pars quæ minùs sibi cōfideret,

fideret, auxilia à Vercingetorige rege accerseret, huic rei præuertendum existimauit, & quòd legibus Heduatorum, iis qui summum magistratum obtinerent, excedere ex finibus non liceret, ne quid de iure aut de legibus eorum diminuisse videretur, ipse in Heduos proficisci statuit, senatumque omnem, & quos inter controuersia esset, ad se euocauit. Cum propè omnis ciuitas eò conuenisset, docereturque paucis clam conuocatis alio loco, alio tempore atque oportuerit fratrem à fratre renunciatum: cum leges, duos ex vna familia viuo utroque, non solum magistratus creari vetarent, sed etiam in Senatu esse prohiberent, Cottum imperium deponere coëgit, Conuictolitanem, qui per sacerdotes more ciuitatis, intermissis magistratibus esset creatus, potestatem obtinere iussit. Hæc Cæsar de Heduatorum seditione, vnde planè perspicimus & regiam in Vergobreto dignitatem, & aristocraticam in Senatu authoritatem, & timocraticam denique totius populi potestatem. Quanta verò & quam nobilis ea ciuitas fuerit, tot oppida, clientela Heduatorum in Cæsaris commensuratiis abunde ostentant: ciuitatis oppida nominantur à Cæsare Bibracte, quòd Cæsar primo libro tanquam in principem Heduarum nationis vrbem frumenti ab Heduis impetrandi causâ contendere statuerat: quòd (ut est septimo libro) cum Litauicus receptus esset, quia oppidum apud

Heduos maximæ authoritatis erat, Conuictolitanes magistratus magnæque pars Senatus ad eum conuenit: quò Gallix obsides, interfectis Nouioduni Cæsaris custodibus deducti sunt, quò totius Gallix concilium aduersus Cæsarem indictum est, quòque Cæsar tandem receptis Heduis hyematum secessit. Hæc, inquam, vrbs, Heduatorum prima fuit, quæque (vt Heduatorum orator ait in panegyrico ad Constantinum) Iulia, Polia, Florentia, Flauia postea dicta est. Septimo item libro Cabillonum & Matisco Heduatorum ad Ararim, item Nouiodunum ad ripas Ligeris nominantur: Clientelæ autem illæ (opinor) stipendiariæ quæ dictæ sunt: honorariæ verò longè in Gallia maximæ: Bituriges enim apud quos Ambigati quondam & veteres Gallorum reges fuere, Senones, ideoque & Parisij (qui fuerant in clientela Senonum) & Belouaci, eorum clientes appellantur à Cæsare. Ergo summam ciuitas Heduatorum totâ Galliâ authoritatem (vt est texto libro) antiquitus habebat, imò (vt est primo libro) omni tempore totius Gallix principatum tenebat etiam priusquam populi Romani amicitiam appetiuisset, deinceps verò vt Hedui Romanorum consanguinei & fratres appellati sunt, quæ Romana senatusconsulta, & quoties & quam honorifica in eos facta sunt? Ergo talis ac tanta Gallix Celticæ ciuitas timocraticam illam Rempub. habuit,

buit, & Plinius non in stipendiariis, sed in fœderatis ciuitatibus enumerat. Aruernorum autem Respub. prima quondam Galliæ Respub. fuit: Fuerunt enim quondam Galliæ totius (vt est primo libro) factiones duę, alterius principatum tenuere Hedui, alterius Aruerni: Et quidẽ Aruernorum potentiorẽ factionem fuisse ostendit Strabo libro quarto, cùm eorum principatum ad Narbonensium Massiliensiumque fines, Pyrenęos montes, Oceanum, Rhenum extendit: ostendunt etiam Gallorum Bituito Aruerni duce cruenta duo pręlia, de quibus ibidem Strabo & Liuius libro sexagesimo primo: alterum contra Domitium ad Sulgę & Rhodani confluentem commissa, vnde etiam hæc ipsa Reipub. forma, de qua loquimur intelligi potest: Victos enim Gallos, aut certè Romanę prouincię finibus repulso, Senatus Romanus (vt est primo libro) liberos esse & suis legibus vti voluit: quinetiã quòd Gallia liberior esset, Bituitum ipsum Aruernorum regem, vt Liuius appellat, libro sexagesimo primo, cùm Romam satisfactionis causã venisset, Albę custodiendum censuit, decreuitque vt Congentiatus eius filius comprehensus Romam mitteretur: Postea Celtulus Vercingetorigis pater, licet principatum totius Galliæ obtinuisset, bello quippe aliquo: attamẽ ob eam causam quod regnum ap-

petebat, ut est libro septimo, à ciuitate interfectus est: Vercingetorix autem ipse suorum quorundam factione, Rex Aruernorum salutatus est, & videtur eodem libro à Gallis omnibus, Rex appellari: verum ab iisdem proditoris infimulatur, & ad eos tanquam superioris auctoritatis iudices causam dicit: nec denique filio regni cupiditas fortunatior quam patri fuit. Ita regibus exactis Aruernorum ciuitas libera ad Cæsaris tempora permansit: & Plinius adhuc ætate sua inter liberas Celtarum ciuitates constituit: neque tum clientelas, Heduum clientelis, ut in illo militari censu iam patuit, minores vel inferiores habuit: Aruerna itaque ciuitas Hedum ciuitatis quondam patrona, & posteaquam Hedui Romanorum fratres & consanguinei, quam Aruernorum esse maluerunt, æmula nouissimoque Cæsaris aduentu fractis per Germanos Heduis item opibus præcipua, ac tandem denique cum Cæsaris beneficio Hedui non solum in pristinum statum rediissent, sed omnium temporum dignitatem & gratiam antecessisse viderentur, censu par & æqua. Gratiâ verò erga vniuersam Galliam virtutisque opinione superior ut Vercingetorigis creatio demonstrauit. Quapropter in his duabus Galliæ Celticæ ciuitatibus proposita illa Reipub. libertas agnoscitur: In reliquis autem illis minoris census veluti classibus, nullius regis, aut singularis principis, sed populi

populi tantum & ciuitatis nomen appellatur. Senonum ciuitas imprimis firma & magnæ inter Celtas authoritatis fuit: de permultis oppida duo à Cæsare nominantur Agendicum & Vellaunodunum. Cæsar apud eos Cauarinum regem factione aliqua fecerat: nempe quod Cauarini frater Moritasgus & eius maiores regnū idem obtinuerant: Hanc enim Cæsar constituendi regni causam prætexuit: Senones tamen Cæsare ipso licet præsentē & Galliam fulminante: attamen Cauarinum interficere publico concilio conati, cum ille præsensisset & profugisset, usque ad fines infecuti, regno domoque expulerunt. Parisiorum Respublica eadem fuit, cum Parisiorum prælium pro libertate patriæ communi variarum ciuitatum concilio, susceptum, ducemque belli Camulogenum propter scientiam rei militaris electum septimo commentario videamus. Carnutum ciuitas erat ampla (vt iam patuit) cæsariani regni factio consimilis hîc etiam fuit. Erat in Carnutibus summo loco natus Tasgetius, cuius maiores in sua ciuitate regnum obtinuerāt: Huic Cæsar, vt ipse ait, pro eius virtute atque in se beneuolentia, quod in omnibus bellis singulari eius opera fuerat usus, maiorum locum restituerat: Tertium hunc iam annum regnantem, inimici palam, multis ex ciuitate authoribus interfecerunt: hæ nempe ciuitates Brutos suos habebant, Sic à Cæsare nomi-

natur Senatus Eburonicum, Lexobiorum, Venerorum: Teutomatus etiam rex Nitiobrigum eodem tempore fuit: sed & publico Galliae concilio contra Caesarem paruit. Atque de Celticarum ciuitatum Repub. haec tenus.

Quid Belgarum ciuitates, quonam imperij genere separatim sunt administratae? Rhemorum fines latissimi fuere, Sequanis, Mediomatricibus; Treutris, Veromanduis, Sueffionibus confines, duo tamen tantum de tam multis eorum oppida nominantur Durocotorum, & Bibrax: Durocotorum Galliae concilium indicitur libro sexto: Bibrax oppugnatur secundo. Sed Rhemi Caesare Gallias administrante, post Heduos secundum in Gallia locum dignitatis obtinebant: Horum Senatus à Caesare nominatur & ciuitatis princeps & praefectus, ut Vertiscus ille de quo prius dictum est. Apud Sueffiones aetate memoriaeque Caesaris, rex Diuitiacus totius Galliae potentissimus fuit, qui cum magnae partis harum regionum, tum etiam Britanniae imperium obtinuit: Deinde Galba (de quo dictum est) successit: Verum cuiusmodi regnum hoc fuerit hinc intelligi potest, quod Sueffiones Rhemorum nempe fratres consanguineique eodem iure, iisdem legibus vterentur, vnum imperium vnumque magistratum cum illis haberent: Haec enim Caesaris verba sunt, unde etiam vnus ille singularis ciuitatum magistratus cognos-

cognoscitur : Sed tamen Sueffionum quamuis fratrum latissimi separatim feracissimique agri fuere , oppida duodecim , quorum vnicum à Cæsare nominatim appellatur , id est Nouiodunum , quod post Belgarum discessum ex itinere Cæsar oppugnare conatus , propter latitudinem fossæ murique altitudinem paucis licet defendentibus expugnare non potuit.

Quid Bellouaci? qua Repub. vsi sunt? hi plurimum inter Belgas , & virtute , & authoritate & hominum numero valebant : à finibus enim Sueffionum ad Caletos , qui hodièque Normani sunt eiusdem nominis ad ostia Sequanæ , pertinebant . Bellouacorum oppidum Bratuspantium à Cæsare nominatur : Sed tamen quid Bellouaci , qua Reipublicæ formâ ciuitatem rexere? principes suos deligebant vt inter cæteros Corbeum illum , qui licet ciuium suorum exercitu deleta , nulla tamen calamitate victus adduci potuit vt excederet prælio aut syluas peteret , aut licet Romanis inuitantibus sese dederet , quin fortissimè præliando compluresque vulnerando cogeret elatos iracundiâ victores in se tela coniicere . Senatus item Bellouacorum memoratur à Cæsare , & plebis authoritas , vnde illa fuit ad Cæsarem Bellouaci Senatus excusatio , nunquam Senatum in ciuitate tantum viuo Corbeo , quantum imperitam plebem potuisse.

Quid Neruiorum fortissima ciuitas, quo genere publicæ rectionis instituta est? Neruiorum corpus in membra dissectum est varijs nominibus, Hannoniæ, Flandriæ, Brabantia: his enim finibus Neruiorum ciuitas fuit: nec oppidi potius nomen fuit Neruij, quàm hodiè Hannonij, Flandri, Brabantij: Quamobrem, inquires? Etenim, inquam, Non proferam illud, quod ante disserui tum Neruiis nullum oppidum fuisse, sed nobilissimæ quondam ciuitatis fines è Cæsare descriptos proferam: Attende igitur ad ea quæ dicam, Cæsar Ambianis deditis, in Neruios qui fines Ambianorum attingebant, contendit, cùmque triduo per Nerviiorum fines iter fecisset, inueniebat ex captiuis Scaldim flumen à castris suis non amplius milia passuum decem abesse: Scaldis igitur iste Neruiorum medios fines præterfluens, Hannoniæ medios fines præterfluit. Quare Hannoniorum fines, Neruiorum finibus continentur. Flandriæ mediterranæ, & Brabantia reliquos fines ab eodem Cæsare perdiscamus, locus est libro quinto ad eam rem peropportunus, dum Ambiorix deletis ad Eburonum Vatuca Sabino & Cotta legatis, cum legione & quinque cohortibus excitat Neruios ad similem cladē legionis, quæ apud eos præfecto Q. Cicerone hyemebat, Facile (ait Cæsar) Neruiis persuadet: Itaque confestim dimissis nuntiis, ad

Centrones,

Centrones, Grudios, Leuacos, Pleumosios, Gordunos, qui omnes sub eorū imperio sunt, quā maximas manus possunt cogunt. Hæc Cæsar: At Grudij & Leuaci ad Louanium sunt Barbantiæ: Flandriæ verò, saltem mediterraneæ sunt Gorduni, id est Gandauenses, item Pleumosij, quos quidam Flandriæ Cortricenses existimant: Centrones verò in Leodiensium diœcesi statuūt, qui Pleumosios Cortricenses arbitrātur. Hæc igitur Neruiorum tanta tāmque latis finibus ciuitas principē deligebat, vt Neruico bello primo Boduognatū: Senatum item amplissimum habebat: Sexcenti enim Neruiorum Senatores à Cæsare numerantur. Atrebatibus victis, Comium Atrebatem, regem Cæsar dedit, id est è temporario principe, perpetuum fecit, ciuitatem eius immunem esse iussit, iura legēsque reddidit, ipsique Morinos attribuit: attamen regnum hoc regi ipsi diuturnū non fuit: Atrebates enim Cæsari postea paruere, etiā dum Comius arma contra Cæsare retineret. Eburones, duos reges Ambiorigem & Catiuulcū tum habebant, sed quorum imperia eiusmodi essent, vt est quinto libro, vt non minùs haberet iuris in ipsos multitudo, quā ipsi in multitudinem. Morinorum Respub. Heluetiorum similis fuit per varios pagos diuisa, latissimēque à Caletis secundū Picardiæ & Flādriæ litora syluis & paludibus ad Menapios Rhēni & Mosæ confluenti,

vt Tenctherico bello manifestum est libro quarto, vicinos pertinuit. At Treuiri & genere ipso Reipub. & domesticę seditionis casu, Heduoꝝu simillimi fuere: De principatu Cingetorix & Induciomarus contendebant, vt illic Conuictolitanes & Cottus. Cæsar Cingetorigem restituit, vt illic Conuictolitanem. Ergo Belgicarū ciuitatum politia triplici iustæ Reipub. formâ temperata fuit. Aquitanorum Sontiates tali rectione Reipub. videtur vsi: Ciuitas enim cū equestri & pedestri prælio & propugnatione oppidi virtutem suam probasset, per se deditionem fecit: Verū Adcantuanus eorum princeps cum sexcentis solduriis per se eruptionem facere conatus est. Quamobrem timocraţiā Gallicarum ciuitatum tam multis exemplis satis explicatam esse arbitror, vt iam tandem Cæsarianum illum veteris Galliæ principatum concludamus, non pati suos opprimi aut circumueniri, neque aliter si princeps ipse faciat, vllam inter suos habeat authoritatem: Itaque de timocratico veteris Galliæ magisterio principatūque satis.

Quid Britannia Resp. quid Germaniæ qualis fuit? Britannorum princeps quarto libro memoratur eorūque inter se de communi Britannia statu colloquia & consilia quintoque libro Britannia commune illud consilium à Cæsare notatum, quo summa imperij bellique contra Cæsarem administrandi Cæsiuellauno mandata & credita,

credita, & Britanniaë varij reges huic communi concilio subiecti gallicam timocratiam in Britannia demonstrant. Germanorum etiam politiam eandem ferè Cæsar explicat, Cùm bellum ciuitas aut illatū defendit, aut infert, magistratus, ait, qui ei bello præsent, vt vitæ necisque habeant potestatem deliguntur. In pace nullus est communis magistratus, sed principes regionum atque pagorum inter suos ius dicūt controuersiasque minuunt. Taciti ætate Germania reges quosdam habuit, sed honoris magis quàm potentia: cætera gallicis illis moribus similia, Reges (ait) ex nobilitate, duces ex virtute sumunt: Nec regibus infinita aut libera potestas, & duces exemplo potius quàm imperio, si prompti si conspiciui, si ante aciem agant, admiratione præfunt. De ducibus autem seu principibus, vt loquitur author idem, deque principum comitibus, hæc deinde sunt, Eliguntur in publicis consiliis & principes, qui iura per pagos vicosque reddunt. Centeni singulis ex plebe comites, consilium simul & authoritas adsunt. Insignis nobilitas aut magna patrum merita, principis dignationem etiam adolescentulis assignant: Cæteris robustioribus, ac iam pridem probatis aggregantur nec rubor inter comites aspici. Gradus quinetiam & ipse comitatus habet, iudicio eius quem sectantur. Quapropter Germanorum magistratus eiusmodi Tacito fuere in regibus, du-

P. RAMI LIBER

cibus seu principibus principumq; comitibus. Ad Gallos equites qui belli tempore res administrant redeo. Atque equites (ait Cæsar sexto libro) cum est usus atq; aliquod bellum incidit, omnes in bello versantur, atque eorum ut quisque est genere copiisque amplissimus, ita plurimos circum se ambactos clientesque habet: hanc unam gratiam potentiamque nouerunt. Hinc nimirum gallica timocratia continuatur, nouoque argumento docemur Gallorum principes pro virtutibus ac meritis in Rempu. factos esse, principatumque illum virtutis fuisse: Suos enim quisque principes opprimi ac circumueniri non patitur (dixit antea Cæsar): Neque aliter si faciat ullam inter suos habeat auctoritatem. Hoc igitur illi iam respondet, Hanc unam equites gratiam, potentiam nouerunt, si pro copiarum genere atque amplitudine plurimos circum se ambactos & clientes habeant, ambactos, inquam, nempe obæratos de quibus antea, ideoque in seruitutem equitibus ipsis dicatos: Ambacti enim aurigæ dominis erant, scutum ferebant. Clientibus verò ut est libro septimo nefas erat vel in extrema fortuna deferere patronos: Sic igitur equitibus & dominis ambacti, & patronis clientes in præliis aderant. Hi Germanorum comites erant, de quibus Tacitus, Magna (ait) & comitum æmulatio (quibus primus apud principem suum locus) & principum, cui plurimi & acerrimi comites

mites: Hæc dignitas, hæ vires magno semper electorum iuuenum globo circumdari in pace decus, in bello præfidiū. Nec solū in sua gente cuique, sed apud finitimas quoque ciuitates id nomen, ea gloria est, si numero ac virtute comitatus emineat: expetūtur enim legationibus, & muneribus ornantur, & ipsa plerūque famâ, bella profigant: Cū ventum in aciem, turpe principi virtute vinci, turpe comiti virtutem principis non adæquare. Iam verò infame in omnem vitam ac probrosum superstitem principi suo ex acie recessisse: Illū defendere, tueri, sua quoq; fortia facta, gloriæ eius assignare præcipuum sacramentum est. Principes pro victoria pugnant, comites pro principe. Comitum etiā a principe sua remuneratio apud Tacitum est, Exigunt enim (ait) principis sui liberalitate illum bellatorem equū, illam cruentam victtricēque frameam: Nam epulę & quanquam incompti: largi tamen apparatus pro stipendio cedunt. Sed quænam, inquires, equitibus Gallis & hanc alteram Reipub. partem gerentibus remuneratio fuit? Druidibus enim sua illa mineralia dicta sunt: honor (inquam) id enim præmiū est virtutis amplissimum: Attamen ipsa suis opibus Respub. remunerari non ingratè poterat, cū publica ciuitatum portoria & vectigalia essent, vt è libro primo intelligitur: & tributū magnitudo è sexto libro nota est. Hanc ve-

rò principis remunerationem Tacitus in Germanis insignem declarauit, Mos est ciuitatibus vltro ac viritim conferre principibus vel armatorum vel frugum, quod pro honore acceptum, etiam, necessitatibus subuenit: Gaudent præcipuè finitimarum gentium donis, quæ non modò à singulis, sed publicè mittuntur, electi equi, magna arma, phaleræ torquèsque. Iam & pecuniam accipere docuimus. Sed reliquos Reipub. gallicæ mores exequamur. Accusauit sæpe Cæsar subita & mobilia Gallorum consilia, sed illo imprimis quarti cōmentarij loco, Est autē hoc gallicæ consuetudinis, vt & viatores etiam inuitos consistere cogant, & quod quisque eorum de quaque re audierit aut cognouerit, quærant, & mercatores in oppidis vulgus circūstet, quibusque ex regionibus veniant, quāsque ibi res cognouerint pronuntiare cogat. Fuit verò Gallis veteribus rerum nouarum mirabilis illa quidem non cupiditas solum, sed etiam inter se cōmunicatio & significatio: Exempla facti mirabilis duo proferam, primum est libro quinto de victoria Cæsaris contra Neruios, Interim ad Labienum per Rhemos incredibili celeritate, de victoria Cæsaris, fama (ait Cæsar ipse) perfertur, vt cum ab hybernis Ciceronis millia passuum quinquaginta abesset, eoque post horam nonam diei Cæsar peruenisset, ante mediam noctem ad portas castrorum, clamor oriretur, quo clamo-

re,

re, significatio victoriæ gratulatioque ab Rhemis Labieno fieret. Verum illud imprimis est insigne de fama interfectorum Romanorum oriente hyberno sole Genabo ante primam vigiliam in Aruernos perlata, Celeriter (ait Cæsar libro septimo) ad omnes Galliæ ciuitates fama perferretur: Nam ubi maior atque illustrior incidit res, clamore per agros regionesque significat: hanc alij deinceps excipiunt & proximis tradunt, ut tum accidit: nam quæ Genabi oriente sole gesta essent, ante primam confectam vigiliam in finibus Aruernorum audita sunt, quod spatium est millium passuum circiter centum sexaginta. Hæc Cæsar, vnde fortasse videri possit orta singularis illa apud Maronem famæ descriptio,

*Fama, malum quo non aliud velocius ullum,
Mobilitate viget virésque acquirit eundo.*

Par enim celeritas & efficientia clamoris huius à Cæsare, & famæ illius à Marone describitur. Ergo hæc de fama gallica, cuiusmodi rumoribus atque auditionibus permoti Galli, de summis sæpe rebus consilia ineunt, quorum eos è vestigio pœnitere necesse est, cum incertis rumoribus seruiant, & plerique ad voluntatem eorum, ficta respondeant. Hæc Cæsar: sed idem, qui plebeiam Gallorum leuitatem arguit, politicam eorum constantiam sapientiamque commendat, Quæ ciuitates (ait libro sexto) commodius suam Rempub. administrare existimantur, ha-

bent legibus sancitum, si quis quid de Repub. à finitimis rumore aut fama acceperit, vti ad magistratum deferat, néue cum quo alio communicet, quòd sæpè homines temerarios atque imperitos falsis rumoribus terreri, & ad facinus impelli, & de summis rebus consilium capere cognitum est. Magistratus, quæ visa sunt occultant, quæ esse ex vsu iudicauerint, multitudini produnt. Hic postremus Cæsaris locus valde plebis illam seruitutem refellit, indicat enim etiam in ciuitatibus, vel quæ commodiùs Rempub. suam administrarent, tamen plebi suum locum fuisse, cùm ad multitudinem, magistratus vtilia rerum capita referrent. Addit Strabo libro quarto id in Gallorum conciliis vsitatũ fuisse, si quis orantem interpellaret, progrediens minister publicus districto gladio, adiectisque minis silentium imperabat, quòd si non acquiesceret, idem iterum tertioque faciebat: denique de sago interpellatoris tantum amputabat, vt reliquum inutile redderetur. Tacitus, Germanorum comitia & consilia vt cætera subtilius exponit, De minoribus (ait) rebus, principes consultant, de maioribus omnes: ita tamen, vt ea quoque quorum penes plebem arbitrium est, apud principes pertractentur. Coeunt, nisi quid fortuitum & subitum inciderit, certis diebus, cùm aut inchoatur luna aut impletur: Nam agendis rebus hoc auspicatissimum initium credunt:
Nec

Nec dierum numerū vt nos, sed noctium computant: Sic constituunt, sic condicunt, nox ducere diem videtur. Illud ex libertate vitiū, quod non simul nec iussi conueniunt, sed & alter & tertius dies cunctatione coeuntium absumitur. Vt turbæ placuit, confidunt armati. Est verò etiam eiusdem authoris illud de Germanis admirabile, de reconciliandis inuicem inimicis & iungendis affinitatibus & asciscendis principibus, de pace denique ac bello plerūque in cōuiuijs consultant, tanquam multò magis tempore aut ad simplices cogitationes pateat animus, aut ad magnas incalescat. Gens non astuta nec callida aperit adhuc secreta pectoris licentiā ioci. Ergo detecta & nuda omnium mēs postera die retractatur, & salua vtriusque temporis ratio est: Deliberant dum fingere nesciunt, constituunt dum errare non possunt. Fuit verò Gallici concilij patrium illud, & antea in armato delectus militaris concilio propositum, Gallos ad concilium armatos conuenire, quod Liuius libro tricesimo primo de Gallis exposuit: In his (ait) noua terribilisque species visa est, quod armati (ita mos gentis erat) in concilium venerunt. Ergo veterum Gallorum armata Pallas, in concilium etiam venit: Imò etiam tubā, ne quid Martium à Gallicis animis abesse existimes conuocatur: sic enim Hircius de Bello-uacorum Senatu, Omnibus aduersis cognitā

calamitate, interfecto Corbeo, amisso equitatu & fortissimis peditibus cū aduentare Romanos existimarent, concilio repenrē tubarum cātu conuocato, conclamant vt legati obsidēque ad Cæsarem mittantur.

Quid Germani? quibus insignibus ornati concilium adeunt? an etiam illis ista conciliorum sunt insignia? Nihil (ait Tacitus) neque publicæ neque priuatæ rei, nisi armati agunt, tum ad negotia, nec minus sæpe ad conuiuia procedunt armati. Ergo Gallorum concilia, vt fortia, sic armata erant. Dixit quondam Romanus orator in suam laudem illud effusiùs,

Cedant arma togæ. ---

Quodd arma belli, toga pacis, cuius eloquentia comes & socia sit, esset insigne: Et cū Romanum forum militibus armatis septum in iudicio Milonis esset, non solū animo pertimuit, sed toto corpore perhorruit: At Gallorum armis amica eloquentia est, locūque & tempus idem imperatoribus & oratoribus conuenit: & Gallus orator armorum splendore ad fortiùs agendum dicendumque animatur. Orant in Gallorum concilijs principes, vel omnino quorum de re causâque agitur, vt exemplis apud Cæsarem manifestū est. Apud Germanos (ait Tacitus) in publicis concilijs Rex vel princeps prout ætas cuique, prout nobilitas, prout locus bellorum, prout facundia est, audiuntur, autoritate suadendi

dendi magis, quàm iubendi potestate: licet apud concilium accusare quoque & discrimen capitis intendere: Romanis oratoribus acclamationes audientis populi, vel secundæ vel aduersæ signa probatæ vel improbatæ orationis erant: At armatæ concionis apud Gallos ab ipsis armis signa hæc peti decuit. Ergo crepitus armorum assensionis signū & probatæ sententiæ velut applausus apud Gallos fuit. Sic de Vercingetorigis oratione septimo libro Cæsar, Cōclamat omnis multitudo, & suo more armis concrepat, quod facere in eo consueverunt, cuius orationem approbant: Sic apud Marcellinum libro vicefimo primo Iuliano cōcionanti, Gallorum exercitus applaudit, vocēsque horrendas immani scutorum fragore permiscet. Gallicum consilium armis initur, Gallica eloquentia armis approbatur: Gallicum etiam iusiurandum ab armis exigitur. Carnutes, vt est septimo libro, principes se belli contra Romanos, in consilio Gallorum, fore pollicentur: & quoniam in præsentia obsidibus cauere inter se non possent ne res efferatur, vt iureiurando ac fide sanciantur, petunt collatis militaribus signis, quod more eorum grauissimâ ceremoniâ continetur, ne facto initio belli à reliquis deferatur. Atque illud eodem libro sanctissimū nempe iusiurandum est de prælio equestri confirmando. Conclamant equites sanctissimo iureiurando

confirmari oportere, ne tecto recipiatur, ne ad
liberos, ne ad parentes, ad vxorem aditum ha-
beat, qui non bis per hostium agmen perequi-
tasset. Cui simile est illud apud Marcellinum de
Iuliano, libro vicesimo primo, Iussi vniuersi in
eius nomen iurare, solenniter gladijs, ceruicibus
suis, admotis sub execrationibus diris verbis iu-
rauerunt conceptis. Quid Germanus orator? qui-
bus indiçijs eloquentiæ suæ vires intelligit? Si
displicuit (ait Tacitus) fremitu aspernantur, sin
placuit, frameas concutiunt. Honoratissimum
assensus genus est, armis laudare. Sed iam pero-
randi tempus est. Quamobrem veteris Gallia
mores, temperantiam in vita victuque, fortitudi-
nem in periculis, prudentiam in artibus & di-
sciplinis, iustitiam in his ipsis moribus timocra-
tico Reipub. genere conformandis & institu-
endis sic expositos habemus, nouæ Gallia
mores, si quando confectis, propositarum vigilia-
rum studijs paulò maior otij libertas acciderit,
maiore, vt spes est, sicuti rerum dignitate & gra-
tiâ, sic animi alacritate latitiâque prosequemur.

F I N I S.

ERRATA SIC CORRIGITO.

Fol. 3. pag. 1. lin. 3. *morem*. 11. 2. 16. *oppidum*.
 16. 2. 21. *terga*. 17. 1. 20. *obsidetur*. 24. *decernunt*
non. 21. 1. 11. *conuersurus*. 22. 1. 2. *annorum*. 2. 15.
ut est secundo. 31. 1. 23. *constitui*. 32. 1. 16. *alternis*.
 29. *vineasque*. 2. 14. *auertebant*. 33. 2. 15. *instructa*.
 25. *altitudinē*. 38. 1. 20. *floruerit*. 41. 1. 3. *musas in*.
 14. *Diodorus*. 2. 28. *hos*. 46. 1. 22. *vates appellan-*
tur. 2. 13. *Deiotarus*. 49. 1. 4. *Romanorum*. 55. 1.
 13. *Druydum*. 57. 1. 24. *damnata*. 58. 2. 4. *syluestri*.
 66. 1. 12. *duce*. 68. 2. 28. *hyemabat*. 69. 2. 24. *prin-*
cipes memorantur. 70. 2. 17. *potentiāque*.

THE NEW YORK PUBLIC LIBRARY

ASTOR LENOX TILDEN FOUNDATION
455 N. 5TH ST. N. Y. C.
1900

1900











